

X E I P A T Q L I A

S I V E

MANUDUCTIO



EDEM PALLADIS

Qui nullum nichodum dixerit
bonos legendi indicat

IMPRIMATUR.

THE HORNE, A. M. S. Scholes
unbridled Archibald

Febr. 14.

1686

Rob. Midgley.



E O M D I A

Procurator Ventes ad-Insigne Bibliorum
& Concor in Vico vulgo dicto Lufgate
H. D. D. Lufgate. MDCLXXXVII

X E I P A T Q L I A

S I V E

MANUDUCTIO



EDEM PALLADIS

Qui nullum nichodum dixerit
bonos legendi indicat

IMPRIMATUR.

THE HORNE, A. M. S. Scholes
unbridled Archibald

Febr. 14.

1686

Rob. Midgley.



PROFANE VICES ad-lingue Bibliorum
& Concor in Vico vulgo dicto Lufgate.
H. D. D. C. L. X. X. V. I. I.

ΧΕΙΡΑΓΩΓΙΑ,
SIVE
MANUDUCTIO
IN
ÆDEM PALLADIS:

Quâ utilissima methodus *Authores*
bonos legendi indigitatur :

OPERAE
T. H. HORNE, Art. Mag. Scholæ
Tunbridgiensis Archididascali.

*Studio perpetuo, præstantissimis præceptoribus,
& plurimis disciplinis adolescenti opus est.*

Quintil. Orat. lib. 1. cap. 1.

Βελάδμεν το παρόδειγμα ποιῶν τὰ παρε-
ληλυθότα τῶν μελλόντων, τὸ γὰρ ἀφανὲς ἐκ
τῶ φανεροῦ ταχίστην ἔχει τὴν διαγνώσιν.

Isocr. ad Demonic.

*Seria cum possem, quòd iam puerilia malletm
te docere, tu causa es (placet amico) mihi.*

Mart. 16. Epist. lib. 5.

L O N D I N I,
Prostant Venales ad Insigne Bibliorum
& Coronæ in Vico vulgo dicto *Ludgate-
Hill*, prope *Ludgate*. MDCLXXXVII.



VI

Digitized by Google

... 38 ...

[Faint, illegible handwritten text]

5743

DO NOT WRITE IN THESE SPACES

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

[The page contains faint, illegible text, likely bleed-through from the reverse side.]



Dignissimis viris Magistro,
 Guardianis, & Assistentibus Am-
 plissimæ * Pellipariorum Lond. * Pellio-
 Societatis. num.

QUod alii pulveri, nos marmor
 inscribimus, & publicè agnos-
 cimus quæ publicè contulisti.
 Perennes vestra benignitatis
 fontes Schola Tunbridgiensis humillimè
 veneratur, officiosè celebrat, quæ vestra
 curâ vivit, munificentia florere. Con-
 stat quanta monumenta basilicis & aedifi-
 ciis solenniora, vestra sibi erigit socie-
 tas. Vobis benedicunt famelica paupe-
 rum ora: vestra calefiunt Charitate
 membra senio tabida, inedia absumpta;
 vestrum enarrant in bonas literas af-
 fectum egeni musarum alumni, quibus
 unicum vestra charitas patrimonium,
 A 3 pietas

EPISTOLA.

*pietas viaticum. Quid societati ce-
lebrius, quàm charitate animari, pie-
tate fulciri? Quid strictius mortalium
nomina aeternitati conjungit, quàm pub-
lico benefacere? Vindicare? Lon-
dinenses Societates à nigra illi obtre-
tationis censurâ, publicæ curæ con-
credita ab omnibus deferuntur. Quam
enim tutius reponitur, quàm in ventris
manibus? Quid fidelius dispensatur,
quàm publicæ societatum eleemosynæ?
Ast charitatis modestia laudes fastidit,
& eleemosynarum decor, inter osten-
tandum, perit. Sentiendo dignius,
quàm enarrando vestra laudatur benigni-
tas, vestrumque votis magis, quàm
laudibus firmatur decus: stylus se re-
primit; hoc communi tamen omnium
voce divulgari credite, quod chartis
mandavit.*

Humillimus vester servus,

HORNE.

Lectori.

Lectori.

Valerunt apud antiquos
querelæ (Lector) & apud
posteror valebunt, paucos foeli-
cem *Eloquentiæ* portum appulisse.
Umbellas quasdam *facundiæ* ve-
namur, at nec concinnam pul-
cherrimi illius corporis effigiem,
nec intimum animæ decorem
comprehendimus. Quis enim in-
ter viros avidissimè vetustatis se-
quaces, ad *Fabii* nitorem? Quis
ad *Ciceronis* puritatem? Quis ad
mellitam *Senecæ* gravitatem sur-
rexit? Quis horum vestigiis tam
faustè institit, ut vel sibi semi-
tam aperiret, vel aliis common-

DECTORA

staret. Eximios illos ornate, lo-
 quendi *propheta*, solummodo
 temporis intervallo fortuna à no-
 bis secevit, eisdem *Rhetoricarum*
 praeceptis fruimur, eisdem *sub-*
 litiis, latent, verò non *exercentur*;
 non usu frequenti, non se-
 dula *exemplorum* observatione, no-
 bis redduntur familiares. Vide-
 atur quidem fulgens *Eloquentiae*
 sol majoribus nostris in ortu ap-
 paruisse, nobis in occasu. Ali-
 am habet naturam sermo vulga-
 ris, aliam viri eloquentis oratio,
 quæ 1. *delectat*, 2. *moget*, 3. *im-*
pellit plurimas animum audientis *im-*
pellit species; hi sunt usus &
exemplorum fructus, sine qui-
 bus evanescunt praecepta, nec in-
 clusa *authorum* extrahitur medul-
 la. *Raro* attingunt *facundiae* my-
 stæ,

ΔΕΟΤΟΑΔ

stat, & quoniam licet in Oratoris re-
 menta cohorteduntur, sine ulla
 quem collimant, sæpiusque vires-
 centis ætatis moderatores bre-
 rant discentem quam sublevant
 itur per ambages & inter sale-
 bras erratur; nec adeo perspi-
 cue monstratur semita, ut pueri
 ab hæsitacione liberentur; hinc
 in ipso primo stadio fatiscunt, à
 metaque tanquam radio victi
 abhorrent. Ea solum fauste per-
 ficiuntur, quæ scienter & ani-
 mose aggredimur. Citius verò
 erroribus paratur censura, quam
 remedium; facilius morbus inda-
 gatur, quam medela. Rei lite-
 rariæ lumina, non nisi eclipsi
 laborantia, intuemur. Conserius
 leporis, qui etsi *Spartam philologi-*
cæ pro virili ornaverim, raro
 tamen

A E O T O R A

tamen voti sui compos. Hoc vi-
tio fere omnes laborant discipli-
næ, fundamenta adeo abstruse &
involute ponuntur, ut potius stu-
porem ingenerant quam periti-
am, & caliginem potius infun-
dunt quam lucem. Est mihi in
votis igitur veram, certam, faci-
lem, eloquentiæ normam inda-
gare, quæ in *congruo authoris usu*
præcipue constat. Maximum for-
san aggressus opus, quam exigui-
um perfecero. Exactam systema-
tis compositionem non suscepi;
Mercurii vialis more mihi satis est
de semita ambigentibus viam di-
gito monstrare. Quædam ex his
sequentibus præceptis, tumultu-
ario quodam more (sic enim quo-
tidianum pensum facere coëgit)
antehac in lucem protrusi; jam
verò

A E C T O R A

vetò informis embryonis ossa tu-
te & nervis adoperui. Nec for-
san penitus inutilis erit hic labor,
quippe indiget infantia fasciis &
serperastris, adolescentia ductu
indiget & auxilio: per gradus e-
nim adeo dispositos ascensum ad
facundiae palatium concinnavi,
ut palpando inveniantur. Illa do-
cendi methodus solum ad per-
fectionem efficax, quæ ex rebus
ante cognitis ad altiores scien-
tiæ gradum pandat introitum.
In hac arenâ quamplurimi exi-
mie eruditi defudarunt, videant
vero lippientes quantum suscep-
tum pensum promoverunt, ex
omnium fere scholarum praxi,
quæ, etsi in authorum pensitati-
one totius facundiae medulla la-
teat, vix facundiae vestigia inda-
garunt.

LECTORI.

guntur. Leguntur Cicerō, Livius, Sallustius, & solummodo leguntur, usus vero evanescit, ac si non ostenderemus, quantum praestamus oratores, sed quantum deservimus. Quam pulchrum ergo pensum foret, in his authoribus legendis, nullam vel inveniendi vel componendi ansam non arripere, eandemque loquendi formam adeo foeliciter assequi, ut ipsum authoris genium inspirare valeamus. Pudeat ingeniosos abjectè in pulvere jacere, cum facilimo ascensu ad summum Facundiae apicem pertingatur.

Reum

Rerum in hoc opusculo tracta-
tarum sylloge.

PRÆCOGNITA.

Ingenii oratorii delectus, 2. prima men-
tis præparatio, in Grammaticæ fun-
damentis ponendis, 3. secunda mentis
præparatio, descensu ad inferiores captus, amo-
vendo difficilia, vel jucunda reddendo; in limo
finem postulata quinque proponuntur.

1. De lingua vernaculâ. 2. de applicatione
lingue cognitæ ad faciendam incognitam
faciliorem. 3. de instrumentis quibus ora-
torie tyroni est utendum. 4. de rerum na-
turalium & artificialium, ad puerilem
usum applicatione. 5. de manifestatione,
per usum authoris, ocularem demonstra-
tionem, mansuetudinem, hortamina.

4. De pœsi oratori interveniente, 5. de memo-
riæ subsidio per iteratam inculcationem, 6. de
exercitiis iterum conficiendis. 7. Inventionis de-
centi fontes. 8. Orationum partes, quomodo
dispositæ, unde petitiæ. 9. per gradus progres-
sus.

EXEMPLARIA

sus. 10. status demonstrativus, &c. 11. pe-
 riodorum casus. 12. Collectiones ab authoribus.
 13. extemporaria locutio. 14. Concentus cum
 authoris genio. 15. Emulatio. 16. intellectus
 memoriae inferuens. 17. instituendorum nu-
 merus. 18. Exercitationum frequentia. 19. dis-
 ceptationes oratoriae. 20. de rebus. 21. pra-
 licitas exercitiorum. 22. parsia. 23. dicta-
 mina a magistro gre. 24. correctio exercitio-
 rum. 25. Graeca linguae usus in re Oratoris.

PRÆCEPTA.

1. Delectus authorum. 2. usus Ethicus, Cri-
 ticus, Grammaticus, Oratorius, hic vera sep-
 tamplex. 1. versio, vitilis, gemina, punctatio.
 2. Observatio, vocum simplicium, errorum,
 personarum, epithetorum, troporum, phrasium,
 adagiorum, synonymatum, formularum, tran-
 sitionis, exordendi, gratias agendi, objurgan-
 di, &c. 3. imitatio ejus vitia, decora, est ver-
 nacula, peregrina, generalis, specialis, exempla.
 4. variatio & paraphrasis earum species, ex-
 empla regule. 5. allusio & applicatio ejus spe-
 cies. 6. compendium & amplificatio, utrius-
 que exempla, subsidia. 7. parallelismus, ana-
 lysis, ubi de commentariis.

EXEM

EXEMPLARIA.

1. In Christi servatoris humani generis natalitia. 2. Threni in Christi passionem. 3. In annuam Carolinae Inaugurationis memoriam. 4. Splendet in adversis virtus. 5. In Domini Custodis M. Sigilli inaugurationem. 6. In annuam Jacobi M. Britanniae R. pargetur memoriam. 7. Elizabetha Anglorum Regina. 8. Ad Judices annum regni-lustrum peragenses. 9. Proditio Nitro-sulphurea. 10. Invidia scelerum nutrix. 11. Amicus alter ego. 12. Nemo nascitur artifex. 13. An aurea libertas auro pretiosior omni? aff. 14. An aurea libertas auro pretiosior omni? neg. 15. Eruditio suam causam agit contra indoctos, sive Pallas contempta. 16. De peste Londinensi. 17. Epithalamium.

Books

BOOKS Printed for, and Sold by
Richard Wilde, at the Bible
and Crown on Ludgate-Hill.

P *Lucarch's* Morals, Vol. 3. Translated
from the Greek by several Hands,
Octavo.

Shaw's Syncritical Grammar : Teaching
English Youth the Latin Tongue. *Octavo.*

Dyer's Characters of Blood. *Octavo.*

Comenii Vestibulum. *Octavo.*

The Pleasant History of the Wars of *Ca-*
tiline and *Fugurth*, against the Common-
wealth of *Rome*. Written in *Latin* by that
Faithfull Historian *Salust*. And now faith-
fully Translated into *English*.

Horne De Usu Authoris. *Octavo.*

Owen's Epigrams. *Twelves.*

Gentlewoman's Companion : By *H. Wool-*
ley. *Twelves.*

Wit Revived, or a New Way of Diver-
tisement, in Questions and Answers : By
As-dry-as-dust, Toss-off-a-can.

Young's Remedy for the Itch of Scribbling,
against the Errors of *John Brown*, Chirur-
geon : With a Refutation of several Er-
rors in Anatomy and Chirurgery.

War with the Devil. *Octavo.*

The Academy of Sciences, in English
and Latin : for the Benefit of Youth, and
others. By *D. Abercromby*, Author of *The*
Discourse of Wit.

P R Æ.

De M. A. N. D.
Summi & Præcognita
Præcognita
DE
USU AUTHORIS.

Totius Oratoriae curriculum eruditissimi multorum conatus absolverunt: non eandem igitur (ut aiunt) contundemus incidem, sed carptum, quod proposuimus, prosequemur; & quasi per transennam, adolescentibus patefaciemus, quam expedite ex usu authoris tyronum profectus, tam in facundia, quam in reliquis orationis literaturæ elementis, promoveatur.

Ut penso tam necessario pares si- & soluti, mus, proponenda sunt subsidia si- & ligati.

Quoniam vero quam plurima præcepta mutuo utrique subserviunt, simul, pro virili, utraque pertractabimus; si vero in progressu, stylo ligato quid necessarium omittatur, in calce indigabitur.

Procedemus itaque per } Præcognita,
&
} Præcepta.

Summi & perspicacissimi facundia My-
 sta, non omne ingenium stylo politiori
 judicant idoneum, sed vegetum, grave,
 perspicax, cui fecundus quidam vigor
 tam iudicii, quam captus & memoriae,
 famulatur; cui tenax cognitorum custo-
 dia, mentisque congrua subservit auda-
 cia: Aurea fortuna mundi dominorum
 quondam affixa cubiculis, non omnibus
 ingeniis benignè affulsit, sed paucis qui-
 busdam & selectissimis; nec Augusta illa
 prudentiae Metropolis sequioris fortis ad-
 mittit incolas, sed praecipuis *Palladis* opi-
 bus ditatos. Ut apud *Persas* igitur cor-
 poris vires, sic apud juvenum instituen-
 tes, mentis, validum debent subire exa-
 men. Eximia puerorum indoles apud
 primævos *Ethiops* constanti & imper-
 territo equitatu, explorata est, quippe
 si hoc munere sine pavore pueri funge-
 rentur, ineluctabilis indolis indicium exi-
 stimabantur reddidisse, & *Thesus* in pri-
 mæ pueritiæ face pellem leoninam sine
 formidine conspectans, futurae magnani-
 mitatis, inter veteres *Athenienses*, testur
 edidisse specimen. Ita in eloquentiae pa-
 laestra facere oportet, & summa cum se-
 du rate observare cunctos ingenii motus,
 constantemque ad facundiam propensita-
 tem; hasce etiam coelestis ignis scintil-
 las,

las, debemus pertinaci quadam curâ fovere & excitare: Quid verò ſocordiz, hebetudini, temeritati, cum tam egregio, divinoque munere? Quid Sui cum *Minervâ*? Stipiti cum *Mercurio*? Arenæ mandare ſemina, & fluctibus obloqui videamur, ſi ad tam celebre opus hebetes prorsus & indociles obtrudamus. Non eâ Gymnaſia laborant penuriâ, ut ex infimis ingeniorum ſordibus, quibus potius gula quam artes ſunt in deliciis, milites ad *Apollinea* caſtra cogeremus,

Agricolam ſi flava Ceres dare ſemina terræ fuſſerit —

non omni ſolo ſemen concredet, ſed tam ſoli, quam ſeminis naturâ penſitatâ, conformem utriuſque aptitudinem repoſcit. Primum etiam Gymnaſiarcharum munus eſt, artem prudenter penſitare, cui futuræ eloquentiæ ſemina infundunt. Satiſ eſt opus non aggredi, quàm haud peractum & informe relinquere; & præſtat à cultu abſtinere, quàm nil niſi lolia & paleam expectare. Eſto morum, ingenii, pronounciationis eminentia quædam & proclivitas. Eſto denique eorum electio, in quibus ingenuitatis ſpes eluxit, ita immortalis illius inſtar *Persarum* cohortis, ſuccedentium catervæ ſuppleant decedentium vicem.

2. Quicquid vires exuperat, agrè & infirmè perficitur; & labore nimis severo luxantur tenelli artus: Semper igitur præstolandus est adultus quidam vigor & maturitas, antequam pensum hoc arduum aggrediamur; non omnis enim ætas tam eximiae provinciae capax est, sed vicens & adulta. Sunt pueritiae vigori congrua exercitia, in quibus, sine temporis dispendio, deserviat tenuioris ætatis impetus. Sunt, & libenter fateor, primi mentis motus, ubi ad rem novam fertur, fervide veloces, ubi verò senserunt rem non sine improbo labore perficiendam, deficient & flaccescunt, & sapissimè quò altius spes surrexerunt, eò abjectius conatus decidunt; ita, etsi primi impetus sint quàm virorum majores, secundi sunt quàm feminarum minores. Ne cuiquam igitur imponat promptitudo quedam respondendi & concipiendi in pueris è meliori luto formati resplendens, nec à se cuiquam satis efficax videatur ad futuram facundiam; cui, dum hæc dico, nihil detraho, quippe si debito fraudetur cultu, & à primis Latinitatis elementis, citius quam par est, amoveatur, potius frondium luxurie ingravescit, quàm fructuum ubertate. Herculeus ille cothurnus, Hercule quàm Pygmæo dignior,

nior, adulto quàm infante. Nullum sane
 eximium ædificium est, quod non ab in-
 fimo surgit fundamento: sunt etiam ru-
 dimenta quædam inferiora cautè ponen-
 da, priusquam Oratoriæ structuram eri-
 gamus, & manianis perguisque orne-
 mus. Sublime quiddam est inventionis
 exercitium, & à mente modicè adultâ,
 quæ non solum ad aliquam judicandi ma-
 turitatem pervenit, sed & linguæ Latinæ
 elementis imbuatur, comprehendi potest.
 Deficiunt aliter tenella pectora, &, vel
 diversitatis tædio, vel pensî præconcepto
 horrore, perterrita, in ipso laborum li-
 mine fatiscunt. Ad hæc, etsi, teste Fa-
 bio, varietas eximiè delectat, nimia ta-
 men rerum diversitas aciem intentionis
 abrumpit; &, ut plerunque ventriculo
 accidit, secundas concoctiones non posse
 primæ errores corrigere; ita dum juve-
 nes disciplinas altiores, inferioribus ad-
 huc imperfectis, aggrediuntur, in utris-
 que destituuntur. Sunt quidem artes ca-
 ligantium animorum collyria, & quasi
 ægrotantis naturæ pharmaca, in quâ re-
 manent adhuc scintillæ quædam obscuræ,
 quæ, si foveas, in flammæ exurgunt, &
 quò animosius hoc opus aggredieris, cò
 foelicius succedit. Sunt tyronum men-
 tes instar Minervæ & Mercurii statua-

rum, quæ apud antiquos, artis sculptoriæ adhuc inscios, sine vultu, manibus, pedibus, è rudi marmore effingebantur; ac si tam ope, quam decore destitutæ. Opus est igitur Magistris eâ prudentiâ quæ animam efformet, vitam disponat, actiones regat, agenda & omittenda indicet, sedeat ad gubernacula, & per anticipitia fluctuantium dirigat cursum; sine hac nemo huic ministerio aptus est: innumera accidunt, singulis horis, quæ consilium, ductum, institutionem expetunt. Solent subsellia ita pulpitis subungi, ut quotidiano quasi influxu recreentur: Constat quidem omnes, qui disciplinarum introeunt palatium (ut de Dianâ Iasiorum fingitur) quasi tetricum Minervæ vultum intueri, exeuntes vero arridentem & placatum. Ne despondeant igitur vel magistri, vel discipuli, animum, sed pertinaci laborandi proposito procedant, nec cessent donec per inferiorum disciplinarum tramites fortiter ad summas conscendant. Assidui enim labores, cicadæ illius Locro fidicini chordæ amissæ supplantis defectum, quàm conspicuas & permultas resarciunt imperfectiones; &, quamvis communi quasi arâ paupertati litent & sedulitati, Musis in progressu, & Somno, vel potius placidæ quieti, in eodem

eodem sacrario postea sacrificabunt. In cibis ipse acor jucundus est; in studiis difficultas placida, nec diutiùs ulla hæret voluptas, quàm quæ acerbis conditur: exuperet igitur vestra sedulitas omnes pavoris insultus, omnia difficultatis terriculamenta. Ingentia proculdubio facundiæ dedecora sunt, præcipites & immaturi conatus. *Exerceantur itaque tyrones in linguâ Latinâ plenè imbibendâ: exercentur, inquam, & aliquam judicii assequantur validitatem, priusquam in hanc Palladis arenam descendant*; luemus aliter pœnas quas pueris infligimus: &, ut Romanis evenit, inter acerrimos discordiarum æstus ædem concordiæ condentibus, nostra molimina non concutiemus solum sed diruemus. Malè confirmatas pueritiæ vires confundit facundiæ splendor; &, solis instar, dum aquilarum explorat oculos, noctuarum obtundit. Sunt in Sulmonensi agro scaturigines, quæ herbas enecant, fruges alunt: eodem etiam more subtilior eruditio corroboratis prodest ingeniis, tenuia obruit. Manus à tabula nimis festinanter amota, ipsam Venerem relinquat imperfectam; & nimis temerè protrusa institutio, celeberrima ingenia reddat inculta. Ex mei ipsius experientia ortum est hoc monitum, quàm exiguum enim

deprehendi proſectum, ubicunque à perfectæ Latinitatis fundamento, oratoriæ & ſacundię ædificium non ſutrexit; quippe inter Grammaticam & Rhetoricam diſiſi iuvenes, ut canes plures captantes prædas, nullam aſſequantur.

3. Meſſem ſi quis expectet, ſementem, arationem, cultum, prius ſuſcipit; & prius eſt certè bella parare quàm gerere: mentis etiã congrua præparatio institutionem oratoriam præcedere debet, congrua etiã formatio comitari; illa ante opus, hæc in ipſo opère neceſſaria. De congruâ aliquâ peritiâ in linguâ Latinâ priori præcognito egimus; audite itaque alia æquè neceſſaria. Diverſa cenſenda ſunt opera docere Linguam & Stylum, & quicunque confundit, ignorantie aleam inibit; hoc tamen utrique commune eſt, ut ſenſus viam pandat intellectui; ſic enim ſic debet à primis elementis uſque ad ſupremas diſciplinās; & ex rebus prius cognitis omnis petatur inſtitutio, adeo ut à principijs prius patefactis ulterior ſemper exurgat cognitio. Errant quidem, in me iudice, qui memoriam intellectui præferunt; hinc enim pueris majorem creant moleſtiam, qui ea ſolummodo quæ intelligunt, probe meminerunt. incerta eſt docendi ſemita, æqua, facilis,

facilis, jucunda, & ab acrioribus expreſſionum ſpinetis expurgata, quibus potiùs à diſcendo deterrentur tyrones, quàm ad auſcultandum invitantur. Cum eâ ætate rem habemus, quæ vultûs exterioris deformitatem perhorret, & averſatur, & quæ conatus primo ingreſſu ingratos, rarò cum delectatione aggreditur. Nemo mortalium eſt, qui non terribiles rerum aſpectus reformidat, & qui formidine non in reverentiam cogitur: hinc templa apud antiquos *Draconia* dicta, quippe numinum præſentia, ſub Draconum ſpecie non rarò adorata, horrorem menti incutiebat. Ne pudeat itaque magiſtros illius ſubmiſſionis, quæ formidinis pondus à puerilibus averruncet animis; ſed ad infimos cap'us lubenter deſcendant: docentis ſubmiſſio eſt diſcentis aſcenſus; & pulchrius eſt omni honore, celebrius omnibus triumphis. parem provinciæ animum gerere. Conſtat eas diſciplinæ, quæ in-dytiſſimum apud eruditos nomen meruere, adeo conſpicuâ niti demonſtratione, ut imperent audientis aſſenſui; nec indignum erudito eſt in re philologicâ harum æmulari perſpicuitatem. Mutuatitia quidem eſt omnis noſtra eruditio, & non abſimilis triumphorum Olympi-corum, in quibus non niſi mutuò accep-tis

I. A. Co-
men.

tis utebantur equis : dignissimum igitur est quæsitum, unde copiosissimè mutuam accipiamus. “ Non injuriâ, magnus quidem, & in bonarum mentium Palæstra apprimè exercitatus queritur, non præcedere animorum dignam præparationem, nec misceri satis utile dulci, ad inescanda ingenia, ut avidè imbibant doctrinam, sed qualiter accedit quisque, taliter hunc admitti ; tractari autem non ut in convivio hospites, sed ut in pistrino mancipia. Quomodo ergo possunt literæ esse faciles, quæ inter dubitandum, horrendum, trepidandum sunt discendæ ? Quomodo verò difficiles forent & injucundæ, si, avulso obscuritatis velo, pulchra & decora eruditionis facies ostenderetur ? quæ etiam ignaros allicit, eruditos conciliat, & deprædatur. Si methodus instituendi amica, grata, perspicua esset, quis non eruditionem deperiret ? hoc enim rore melleo humectati & depasti discipuli, omnem magistrorum molestiam placidâ progressûs suavitate compensarent ; nec non hac medelâ, (ut de Heliconiis herbis narratur ; quarum esu serpentium venena mitigantur) innata mentis pervicacia, timiditas, insci iam edomarentur. Fertur Memnonis cujusdam statua sub caliginoso

ſo noctis imperio, nullum omnino ſtre-
pitum edere, ſolaribus vero radiis ſemel
repercuffa, gratiſſimâ quâdam melodiâ
reſonare; ita mens, horridâ ignorantiae
obſcuritate involuta, miſero cuidam man-
cipatur ſilentio, ſcientiae verò radiis illu-
minata, ſelectiſſima quâdam ſuavitate
ſuam expandit excellentiam. Noſtrum
verò non eſt Pythagorico illo uti dicta-
mine, nec in tramite ferè inſolito, viris
doctioribus digitum porrigere.

Hæc itaque ſacundiae prælibamina, quæ
ſequuntur, in medio relinquo, & hæc Po-
ſtulata magiſtrorum iudicio ſubjeci; pro
lubitu amplexentur, vel rejiciant: Viros
(uti ſpero) alloquor non adeò moroſos,
ut non perſuadeam, etſi perſuadeam;
ſed ingenuos, candidos, ad audiendum
faciles.

I. Inquam, ab omnibus conſiderari ve-
lim, An in linguâ vernaculâ, exercitia
puerilis inventionis primordio non præci-
puè convenient; quippè ſunt facillima,
& minùs perturbant inventionis vires vi-
rides & indecoctas, quàm illa, quæ &
peregrinam verborum copiam exigunt,
& materiae? Conſtat, conſuetudinem lo-
quendi quàm mirificè tyronem ſuble-
vare: Porro, linguæ vernaculae nativa
& pura idiomata ſunt pueris quotidie in

ore;

ore; adeò ut ex illorum usu, non solum liberrimum loquendi campum, facilè-
 que procedendi methodum consequan-
 tur, sed etiam concinnam vocum proprie-
 tatem validissimè dijudicent; quod in
 linguâ signorâ difficillimum. Hoc verò
 omnes moneo; hoc nostrum Postulatum
 non priùs dictis de perfectione in linguâ
 Latinâ contradicere; etsi enim perfecti-
 onem suademus, attamen, ut existima-
 mus, diutiùs in vestibulo scientiarum pu-
 eri hærent, si eoque morarentur in
 linguâ Latinâ acquirendâ, donec sint tam
 expediti in illius, quàm in vernaculæ usu.
 Nec linguæ Latinæ usum ex Scholis era-
 dicaturi sumus, sed potius magis confir-
 maturi; Seyerè enim exigenda est pura
 & compta Latinitas in mutuis puerorum
 colloquiis, ab omnibus qui ex usu per-
 fectionem sperant; nec huic studio, ut
 prudenter pensitanti patebit, refragabi-
 tur epistolarum discursuumque composi-
 tio in linguâ vernaculâ, dum hujus usus
 non tollat alteram, sed potius ad eam
 reddat adolescentes promptiores: ea e-
 nim facillimè Latinè donamus, quæ an-
 tea in linguâ vernaculâ concepimus. Quid
 verò exinde nocuenti? anne inventio-
 nis restrictio? anne progressus impedi-
 mentum? anne facundiæ dedecus? Ver-
 naculam

naculam (ut sic dicam) facundiam in ignaris & incultis desideramus, in adultis miramur; quare in tyronibus non foveremus? Fallor equidem, si hujuscemodi exercitia non medeiam ministrarent misera isti barbariei, de qua in epistolis conscriptis, & in orationibus, vel publice vel privatim habitis, conquerimur. Querebas, si negligamus, augemus; & morbum fovet ille, qui non cupit mederi. Ad hunc finem omnis tendit institutio, ut ad futura negotia, reipublicæque ministeria reddamur promptiores, quæ præcipue constant in ornato & expedito linguæ vernaculæ usu; ita in seminariis, radicem, stipitem virgulta nacti in pulcherrimo orbis terrarum horto, gemmas, flores, fructus protrudamus. Lingua erat vernacula, in quâ Demosthenes, Cicero, Fabius claruerunt. Nec spernendus est finis longè sublimior, ut in lingua nobis familiari, & audientibus non ignotâ, illius laudes, sapientiam, misericordiam ebuicinemus, cui linguas, corpus, vitam debemus. Multum Ægyptii Nili inundationi debuerunt, ideoque leonis fidus, cuius influxui inundationis initium acceptum referunt, summo prosequuntur honore, & ut tanti beneficii memoriam conservent, omnibus siphonibus & aqueductibus,

ductibus, ad quos etiam omnibus è sorte viliori accessus patuit, leoninum caput insculpserunt: ita in omni linguæ, ingenii, memoriæ exercitatione, servantur divinæ benignitatis characteres, & quotiescunque ad fluvios bonarum literarum adolescentes ducuntur, ad fontem dirigantur; divina beneficia ut Luna Solem, à quo benignos luminis radios accipit, a verso plerumque vultu intuemur. Quis verò alius est noster finis, quàm pervenire ad illum, cujus est nullus finis? Denique, post Dei gloriam & Ecclesiæ pacem, quæ omni menti saniori *est* *et* *magis* *re*, & ad quæ omnes linguas oportet dirigi, inservit vernacula eloquentia veritatis ornatu, ut nitore sermonis illustrata, potentiùs in animos influat, utque discant omnes credere ornatæ veritati, qui etiam mendacio credunt, capti orationis ornatu.

2. Detur igitur linguam vernaculam non invenustè eloquentiæ fundamento infervire. Secundo perpendi velim, An formatio Styli in linguâ plenè cognitâ, non in ignotâ etiam, promptiorem reddat inventionem, judiciûmque magis consolidet? In Grammatices rudimentis observatu non indignum est, eosdem casus, numeros, modos, tempora, in omnibus ferè
linguis

linguis occurrere, quæ in priori linguâ cognitâ, non mediocrem in sequentibus addent facilitatem; quod si, ut æquum est, observetur, spinosæ Grammatices difficultates dilucidius pueris expanderentur, & multum moleitiæ, quod pueriles excruciat animos foelicissimè tolleretur; ut lampas lampadem accendit, ita lingua linguam illuminat, & inferiores scientiæ, superiores. Nec aliter in Rhetoricâ & Oratoriâ se res habet; quicquid enim ornatûs & elegantiae uni subservit linguæ, subservit alteri; habent plerunque eosdem flores, eandem materiæ copiam, easdem inveniendi & componendi ansas: utque eadem edulia, variâ cupidinarii arte præparata, differunt; ita & sermones discrepant, qui potius sono quam re distinguuntur. Mirus quidem inter omnes linguas consensus in duccendo ad generalem illum finem, ad quem omnes linguæ tendunt, scientiæ perfectionem. Diversitas etiam idiomatum in variis linguis occurrentium, & quæ non sine summâ imperitiæ labe confundantur, solo usu & observatione dignoscitur, & errores, ex idiomatum neglectu orti, sedulâ instituentis cautelâ non infœliciter eliminantur. Suadere juvenibus quod decet multi laboris, mentes enim opinione corruptæ,

rupta, in rebus etiam gravissimis ludunt; attamen, tam ratione quam experientia iudice, nihil est institutioni magis congruum, quam a rebus nobis familiarissimis, ad altiora, & a pingui captu remotiora, ascendere.

3. In omni artificio instrumenta quaerimus, apta, congrua, utilia; ea vero quaerere praeposterum, quorum usus exfolescit. Tertiò itaque perpendi velim, an instrumentorum facundia usus & cognitio, An troporum Rhetoricorum & figurarum explicatio, non possint, summam cum utilitate, puerorum animis in lingua fundamentali instillari; nec non prima eorum exercitatio in ea inculcari? Nec puerilis & inanis est hæc consideratio, sed ad cognitionem utilis, ad facilitatem efficax: perquam oscitanter enim hæc Oratoriae elementa plerumque ponuntur, & quam sæpissimè adeo abstruse & obscure explicantur, ut eorum usus, vel perit, vel penitus delitescit. Huc verò tendunt omnia magistrorum vota & molimina, ut rerum plenam, at parum hæsitante, intelligentiam, eorum praxis reddatur facilior. Fatendum est quidem, in omni facultate, multum valere præstantis ingenii acumen, sed ipsum sine artis & disciplina politura, facile est impingere in frequentissimos

tiſſimos errores, tam inſcitia, quàm temeritatis. Neſciunt tyrones plerumque unde inventionis ſubſidia peterent; & nautarum inſtar, qui procellis agitantur, ignorant & ubi & quò feruntur. Deſciunt tam mentis quàm corporis vires, ſi demantur alimenta; his verò miniſtratis, reviviſcunt, & Antei inſtar, tactu terræ, fortiùs ſe colligunt. Ne fraudentur itaque adoleſcentes maturâ opellâ, nec cum propriorum ingeniſſimorum inſœcunditate luſtari permittantur, omniâ verò inſtrumenta, quibus expeditiùs munere impoſito fungantur, ſuggerere dignamini, uſumque exponite; hinc grandis materiæ copia & varietas, hinc variegatus florum Hortus, hinc probata inventionis facilitas, ſi valeant juvenes argumentum tractandum per omnia troporum & figurarum penetralia prudenter quaſi filo ducere: hoc expendatur exemplum, *Peſſimum inimicorum genus adulantes*: per proſopopœian, apoſtrophem, epiphonemata, diatypoſin, ampliuntur diſcurſus de adulationis nequitia. Ad hæc facundiæ tyrocinio non incongruum eſt adoleſcentibus prælibamina quædam exhibere, hieroglyphicorum, emblematum, adagiorum, hiftoriarum, apoſogorum, fabularum, phraſeon, & eorum uſum oſtendere: in his enim facundiæ nitor non obſcurè reſplendet: ſic monuit eloquentiæ magnus ille coryphæus N. Cauſinus, priuſquam ad ſuperiorem

perioſiorem praxin ſe accingant; nec omitti velim leges Oratorias, de materiâ ordinandâ, de orationum partibus, de exordiendi, tranſeundi, concludendi formulis, de connectendarum partium methodo, nec non ſenſus animi prolixioris in brevem contrahendi, incultaque exercitia politiùs componendi, ne protervi generentur habitus, quos ſequens inſtitutio ægrè divellet. Denique juvenes monitos velim, ne in mentis exercitatione, expreſſiones ſe primùm conceptui offerentes literis mandentur, vel audientibus proferantur, ſed, quantum fieri poteſt, ornatiores reddantur, & elegantiores. Eſſi, ut Albulam ingredientibus accidebat, quæ ingreſſu frigida, poſtea calida videbatur; primus mentis impetus frigeat, ſecundus vel tertius, ſi perſiſtas, vivacior & calidior efficietur. Exerceas itaque frequenter, conſtanter, fortiter, quid non ſedulitatis fervor perficiet? mentes enim, uvis abſimiles, primò fæces, dein puriorem ſuccum, inter exprimendum emittunt.

4. Cognitio facillimè in mentem per ſenſus penetrat; nec quidquam interioribus obſcurum, quod exterioribus manifeſtum. Quartò itaque conſiderandum relinquo, An tota rerum naturalium, ſic & quàmplurimarum artificialium ſeries, (quarum concinnâ applicatione, adulta facundia maximè triumphat) nequeat etiam puberum captui
ita

ita commodè adaptari, ut inde facilitas acquiratur in allusionibus, similitudinibus, comparisonibus eliciendis? Quid altum nimis aut difficile? quid à saniori ratione alienum? Quid docentium curâ indignum? ex prædicamenti substantiæ, sicco (ut aiunt) pede, illustratâ tabulâ, à coelestibus corporibus, elementis, metallis, animalibus, arboribus, ornatum orationi petere, horum naturas, motus, qualitates, argumento, quod iuvenes tractaturi sunt, applicando. Hoc infra exemplum perpendatur, ubi eloquentiæ dignitas, comparatione à Deo & animo petitâ, non in scitè illustratur. “ Est verè N. Caussin.

“ eloquentia semen coëli, & ex æterno luminis fonte radius delibatus; quò, qui cæteris excellunt, propiùs ad coelestes accedere, & cum iis majus quoddam commercium habere videntur. Dicam clariùs & illustriùs, Quam habet cum Deo affinitatem mens humana, hanc ipsam cum mente sibi vendicat regina terrarum eloquentia; animus simulachrum Dei est, Deus animus, eloquentia divina est. Quod est Deus in mundo, animus in corpore, hoc eloquentia in vitâ civili: Ille segregatus est ab omni concretionem mortali, hic totus spiritus est, eloquentia eximia mentis soboles non obscura: ille videt omnia nec videtur, hic cernit omnia nec cernitur, eloquentia capit omnia

“ nec satis capitur : ille quasi ventorum
 “ cursibus, hic amoris pennis influit, at
 “ *Suada* tota vis in affectibus, tanquam ve-
 “ hiculo rapitur, & permeat in pectora :
 “ ille per omnes universi plagas diffusus,
 “ hic per omnia corporis membra distri-
 “ butus ; omnes vero artes & disciplinas
 “ perlabitur eloquentia : ille regiam habet
 “ in cœlo, hic in corde, isthæc in mente :
 “ illum superi colunt, manes observant,
 “ volvit Orbem, illuminat Solem, regit
 “ mundum, calcât inferos ; huic supre-
 “ mæ corporis partes obtemperant, fa-
 “ mulantur infimæ, caput nervis, quasi
 “ fidibus intentum movet, oculorum lu-
 “ men accendit, flectit corpus, in omni-
 “ bus membris dominatur ; eloquentiam
 “ verò timent reges, reverentur subditi,
 “ frænât hominum voluntates, illustrat
 “ ingenia, administrat civitates, atque in-
 “ feriora se despicit omnia. Quid multis ?
 videant lectores, omnesque qui hoc facun-
 diæ encomium considerant, quantum or-
 natûs & decoris, ex artificiosa comparatio-
 num, similitudinumque applicatione, pera-
 tur. Occurrunt in authoribus potioris venæ
 exercitato sexcenta hujusmodi exempla, quæ
 annuli illius haud absimilia Apollinis & Mu-
 sarum effigie insigniti, intuenti & materia
 æstimationem incutient, & artificii reveren-
 tiam. SS. denique literæ testantur abundè
 sum-

summum mortalium institutorem à rebus sensui obviis ad suprema religionis mysteria suum populum erexisse, quorsum sacrificia, quorsum aliæ Judaicæ pædagogicæ elementa, nisi ut ad res cœlestes stupidus ille populus per terrena duceretur. Facem verò soli accenderem, si effatum, non nisi ignaris denegatum, pluribus verbis illustrarem.

5. Robora parentum proles indicat, & puerilis ingenii immaturi foetus, debilem mentis vigorem ostendunt. Hoc quintum itaque & ultimum Postulatum, magistrorum censuræ subijcio. Suntne pueri in primo facundiae stadio inopes & sine subsidio relinquendi? An magistrorum ductu & monitis, tanquam cynosurâ & amussi, dirigendi? Quàm misellus est proprii ingenii ductus, cum summa scientia est misera imperitia? Per omnium literarum apices puelli scribere incipientes instituentis curâ & operâ deducuntur; ita etiam adolescentes facundiae stadium ingressi. Carptim itaque describam, quæ subsidia maximè congrua judico, & ab incertâ errandi miseriam maximè aliena.

1. Usus authoris & certissimum & tutissimum suppeditat auxilium: sunt enim politorum Scriptorum opera, facundiae æraria, ex quibus omnes florum expressionumque thesauri depromantur. Non miremur quidem tam acerbum fructum, & delicatioribus auribus injucundum, ex plerisque ju-

venum exercitiis oriri, dum authores negligant, & incultis suis expressionibus adhærent: quid verò ex sedulo authorum usu non petierunt facundiæ candidati? nonne materiam, verba, compositionem, ornamenta, nec non omnia quibus Suadæ gloria explicatur?

2. Materiæ tractandæ ductus quidam rudiores, à præceptoris ore, ante primæ exercitia, sunt Suadæ mysteriis initiato inculcandi; hinc enim tenellorum ingeniorum infœcunditas aliquantulum sanatur.

3. Oculari demonstratione opus est, adeo ut exemplaria, proprio magistri labore confecta, ob oculos puerorum ponantur, post, quotquot fieri potest, exercitia: hinc imperfecti eorum labores eximie promonentur. Quippe; ex his, rudiores deprehendant & propriorum exercitiorum nævos, & forsan tam concinnam componendi formam, quam eloquii comptam expiscantur ornaturam. Ex piâ senum observatione, prisca surrexit Romanæ juventutis virtus. Et parum nos profecisse arbitremur, dum nos præclarè agentium admiratio otiosa non ad imitanda eorum facta impellit. Qui se prudenter gerere cupit, perfectis (inquit Alcibiades) bonorum actionibus se comparat.

Hæc tria subsidia summâ cum sedulitate adhiberi suadeo, donec ex propria imbecillitatis

litatis meandris, foeliciter se juvenes extricarent. Naturæ quidem majestas loquendi potentiam dedit, artes, experientia, observatio, industria, loquelæ peritiam expediunt; illa fundamentum ponit, hæc & materiæ struem congerunt, & ædificium perficiunt: Non sine mœsto quodam tædio conspiciamur, quàm misère & incultè pueri rhetoricantur, suis relictis viribus, & magistrorum fraudati auxilio: forsitan pensa pueris imponuntur Atlantæis humeris non indigna, quibus vires ad subeundum ne minimæ quidem ministrantur; sed ab infirmis exigitur illud, quod à validis formidatur, & robustissimis agrè perñcitur. Non flagris & verberibus res agenda est, nec dictamine nimis severo, quod immiti magis convenit imperio, quàm justæ & mansuetæ dignitati. Non ut trepidi laris Antiphates, omnia mœstitiâ & horrore oportet commiscere, acsi, vel Cerealia sacra, tædis agitatis, vel Herculeæ, convitiis acerrimis, inter discipulos celebrarent: Sed potius suasu, labore, hortamine, institutione, sociorum modestâ æmulatione, & non invido ductu res agenda est; quibus etiam ingenia, à sacundiæ nitore aliena, ad ejus amorem & amplexum incitantur. Exigit quidem hodierna puerorum pervicacia, & protervus educationis neglectus severiores, quàm antiquitus, scholarum habenas; adhibenda tamen est pœ-

narum acerbitas solum cum de aliis omnibus pharmacis conclamatum est. Ubi moderatur severitas, praesit clementia: haec est ἀντισημνία, constantissima quidem illa & foelicissima victoria, quâ, sine injuriâ, & tyronum affectus sibi, & Musis, magistri subjiciant, & subjectos retineant, insensos concilient, conciliatos illaqueant, sic à deliquio revalescant istæ mentes, quæ, Scyri lapidis instar, integræ natant, comminutæ merguntur. Experiendo quidem didici, nullius spes conatusque, ut de Cretensibus sacris dicitur, elusos fuisse, nisi qui pensi neglectu hoc sibi creavit infortunium. Quorsum gymnasiorum habenas tenent præceptores, si ad ultimam dirigendi sedulitatem se non extendant? Quorsum tot labores, supremam redolentes industriam, à veteribus posteris traducuntur, si ad eorum nitorem non liceat aspirare? Moveat, moveat (inquam) omnes puerorum debilitas, excitet molimina vestra reipub. expectatio quam non inutilis illius capsulæ cura detinet, cui segnitie pestis, industria medicina, sed immortalis illius purissimæque substantiæ, quæ à cælo descendit, & in cælum tendit, simul cum Minervâ manum movere: nec tantis meritis dignum deerit brabium, quippe nihil æternitati strictius mortales conjunxit, quàm fervidus in omnes affectus, & mens, quæ lampadis more, cum corporis dispendio, aliorum illuminationi

minationi inservit. Hæc Postulare satis est. Cætera sequuntur.

4. Mutuum est inter Poësin & Oratoriam de utilitate certamen : quippe ex oratoribus petunt poetæ materiam ; nec quicquam à poëtis foelicius explicatum, quàm quod ab oratoribus tractatum : Lectio etiam poëtarum eximiè subservit oratori, tam ad inventionis splendorem, quam materiæ venustatem, & amplificationis decorem :

*Sic varios sese in vultus facundia dives
Induit, & vasto nunc torrens impete fertur
Fluminis in morem —*

Quod de Homero vomente, & poëtis colligentibus fingitur, oratoriæ studiosis non incongruè applicetur : Hi enim à poëtarum alvearibus (comptiori enim utemur similitudine) quàm sæpissimè mella surripiunt : si enim prælia, procellas, pestes describeres, ex poëtis eruantur : devitandæ sunt verò locutiones meræ poëticæ ; reliquæ nostri juris sunt faciendæ. Qui in poëtis Græcis & Latinis, Homero, Sophocle, Virgilio, Ovidio versantur, hæc non ignorant.

5. Lubricæ sunt puerorum memoriæ, & bibulæ arenæ instar, institutionis stillicidia quo avidiùs imbibunt, eò velociùs dimitunt, nec, fideliùs huic morbo invenitur remedium quàm iterata institutio. Inculcationi itaque Rhetorices, legumque oratoricarum frequens famuletur repetitio ; quæ, si
pru-

prudenti methodo ordinetur, semel qualibet septimanâ reficitur : semper verò tam exemplis, proprio labore confectis, quàm ex authorum lectione collectis, cujusque tropi & figuræ examinatio confirmetur, tum brevi temporis tractu, quæ citò diffluxura videntur, fixè & constanter hærebunt : ex. gr. cum ad Apostrophen, vel Prosopopœian deventum est, recitent pueri exempla quæ in authoribus legerunt.

6. Nec olei nec operis pueri facient jacturam, si eadem exercitia, post aliquam temporis intercapedinem, iterum in manus sumantur, & secundâ cogitatione perpoliantur ; edit enim & progressus documentum, & virum experimentum.

7. Omnis funis (ut aiunt) à magistris movendus est, ut pueros & ad inventionis nitorem trahant, & celeritatem : Ut enim educatio opus est non solum proletariis dignum ingeniis, sed splendidissima Palladis opulentia ditatis ; ita supremam requirit curam, summosque intentionis nervos. Decem itaque inventionis fontes, dilucidè indigandi sunt, qui totam facundiaæ aream irrigant.

1. Historiæ, quales suppeditat Plutarchus in vit. & moral. Valer. Max. Herodotus, L. Florus, Livius, & Justinus, Plinius, P. ræus in medullâ historiæ, Ælianus ; tot, quot tempus dabit veniam, ex his perlegantur :

gantur: non ſolùm enim in Gymnaſio verſantibus, ſed & in Academia initiatis inſerviant tam priores quàm ſequentes inſtitutiones.

2. Apologi & Fabulæ, quæ proſtant in Ovidii Metamorph. Æſopi Fab. Natal. Com. Muthol. Æthn.
3. Adagia, ut ipſe Erasmus copioſiſſimus *adagiorum* collector & illuſtrator affatim demonſtrat.
4. Hieroglyphicæ, in quibus recondita veterum, præcipuè Ægyptiorum eruditio latuit, quæ à Pierio, Clement. Alexandrino, Strom. l. 5. N. Cauſino, in Horti Apollinis explicatione, eximie illuſtrantur.
5. Emblemata & Symbola, quæ ornata fuerunt ab Alciato, Theod. Beza. N. Reuſnero. Nec oblivione tegendus eſt politiſſimus noſter Quarleſius. His addantur imagines veterum numinum; de quibus vide Vincent. Chartarium de imaginibus numinum Ethnicorum, & Pauſan. *μεγίστην Ἑλλάδα* & *ἱερὰ ἀνέκδοτα*.
6. Leges, mores gentium, inſtituta; ut Lacorum, Athenienſium, Ægyptiorum, Romanorum, quæ fuſè tractantur à Plutarcho, Diodor. Siculo, P. Manut.
7. Sententiæ politæ, tam veterum, quàm recentiorum; quales occurrunt paſſim in Tacito, Livio, Saluſtius, Lipſio, Puteano, &c.

8. Figuræ

8. Figuræ Rhetoricæ, ut ſupra diximus, quas luculentiffimè tractant, Ariſtoteles, Voſſius, Farnabius, Butlerus, Vicarſius.

9. Loci topici Logicorum, à cauſis, effectis, adjunctis, contrariis, &c. de quibus vid. N. Cauſin. lib. 4. de Eloq. c. 13. nec ab aliquo omittuntur, qui rem oratoriam tractat: per hos ſi ducatur materia, eximiè amplificantur diſcurſus: ſecum igitur cogitet puer quæ ſunt cauſæ, qui effectus, quæ contrariâ materiæ tractandæ.

10. Tota rerum naturalium & artificia-
lium ſeries, ut ſupra monuimus, poſtulat. 4. Quod ad res artificiales attinet, hoc modo utiles reddantur, ſi in tabulas redigerentur, adeò ut oculo percurri poſſent, & quod puerorum propoſito conveniret, in memoriâ figeretur, conſule N. Cauſin. lib. 11. e. g. Pyramides, labyrinthi, templa, basilicæ, officinæ artificum, ciborum apparatus, mercium varietas, multa inventioni ſubſidia ſuppeditant: Quicumque à ſerulâ manum non ſubduxerunt, hos authores deguſtare incipiant, in Academiis perficiant: & cùm tempus non ſuppetit totius libri lectioni, Vel dividatur liber in partes, & ſingulatim pueris aſſignetur, & poſtea conferant obſervationes & collectiones, ut in col-
legio

legio isto Gelliano monemur ; huic verò lectioni suppetias ferat, si quid difficile occurrat, magistri explicatio, & dirigat inspectio ; Vel statis diebus præceptor res utilissimas seligat, puerisque patefaciat : e. g. si omnes 15. *Metamorphoseon* libri, vel *Æneidum*, perlegi non possunt, unus liber assignetur huic, alius alteri, perlegant, in compendiumq; fabulas vel historias redigant, coram magistro verò conferant collectiones ; ita focii lectionem quisque quodam modo sibi adsciscet, & hoc modo, facillimè aliquis liber in unoquoque hujus generis utiliter absolvatur.

Hi putei inexhausti cuique patent, & sicut de beatarum insularum speculo Lucianus fabulatur, quæ omnia in toto orbe terrarum gesta explicat, nihil est in toto orbe oratorio quòd non luculenter spectantibus exhibent ; opus erit itaque probatis dignum ingeniis horum prompta exantlatio, & concinna derivatio, ut ab iis puerilium mentium hortuli irrigentur. Si etiam aliquid ex his adminiculis in Authoris lectione occurrat ; omnes enim occasiones arreptanti quid non accurret ? non sicco (ut aiunt) pede prætereundum est, sed discant adolescentes in adversariorum librum inferere, pulchrè conservare, & quotiescunque occasio occurrit, uti.

8. Satis ſuperque quamplurimi thematum & orationum partes intonuerunt : quæ ſunt, Exordium, narratio, confirmatio, confutatio, epilogus: de iis igitur multum quidem decantatis, rarò verò cum arte adhibitis, carptim aſſero ; nec ninis ſtrictè, has partes eſſe urgendas, nec omnino negligendas : Audite (nihili enim noſtrum eſt) clariffimi N. Cauſini iudicium, “ Non intelligendum eſt, eam continuò mancã eſſe
 “ orationem, quæ non ex exordio, narratione, confirmatione, & epologo coaluerit ; pleraſque enim partes nonnunquam
 “ amputandas eſſe, docet prudentia ; quas
 “ ſi intrudere coneris, deforme potiùs facies & inutile, quam quicquam roboris
 “ aut gratiæ concilies. Aliquando etiam ſatis ſœliciter invertantur. Ut verò nihil deſſet, quod in facundiæ tyrocinio prænoſci debet, aut quod puerili inventioni auxilium præſtet, omnes docendi peritos monitos velim, omnes formulas exordiendi, confirmandi, &c. quæ in authoribus compertioribus legendis occurrunt pueris, in tranſcurſu inſtillari debere, ut & fontes undè petuntur : fontes verò communes

1. Adjuncta temporis, loci, rerum, perſonarum, Quamquam mihi frequens conſpectus veſter, &c. pro lege Manil.

2. Expo-

I. Exordi-
endi ſunt

2. Expoſitio rei ſimplex, e. g. *Niſi virtus fidesq; veſtra ſatis, &c. Salluſt. Facinus novum & inauditum hic narro, &c. Put. ex. 10.*

3. *Interna rei principia, vel viſcera materiæ, e. g. Satis dedecoris atque ſlagitii caſtra cepere. vid. Quint. decl. 3. & hinc quidem petuntur nitidiſſimæ exordiendi formulæ.*

4. *Exemplorum recitatio, vel Fabularum, Proverbiorum, Sententiarum, e. g. De Alexandro narratur qui, &c.*

5. *Invocatio, vid. Plin. Panegy. Trajan. &c.*

6. *Abruptus ad rem tractandam tranſitus, e. g. Injurias & non redditas res ex Fœdere, &c. vid. Liv. decad. lib. I.*

1. *Totius rei declaratio; ita Dion. orat. 31. Quando enim alicui ſtatuum decernitis, &c. vid. Barcl. de Prod. Papift. Tantâ fide, &c.*

2. *Aliter quàm Adverſarius expoſuit res exponitur: e. g. Non eſt illa, quam vos putatis Eloquentia. vid. Cauſin. de Eloq. c. 1.*

3. Om-

3. Omnium partium, & circumstantiarum rei declaratio. e.g. *Nec si hac inter scientes dicerem, &c. vid. Quint. de Civibus.*

4. Digressio; Sic tui Nepotes nova gloria tuam stirpem auxerunt, &c. *Vern. in Spons. Lud. 3.*

5. Brevis sententiae nostrae Explicatio, e.g. *Nec habeo sane, quid in Milite tuo laudem, sed potius, &c. Quint. Mil. Mar.*

6. Quaestiones rem tractandam explicantes, e.g. *Quid est, Catilina? de Conjur. Cat. orat. I.*

1. Repugnantia, vid. *Quint. pro coeco.*

2. Impossibilitas. *Quint. pro pau- pere, Sed excutiam, &c.*

3. Obscuritas, e.g. *Necessarium est igitur ex his confiteri, &c. vid. Dion. orat. II.*

4. Inconveniens, e.g. *Demostr. contra Philip. orat. 3. βέβαιον δὲ ἵνα μὴ εἰδὲς ὑμᾶς, ἵδ' ὧν, &c. Ostem- dam vero vobis quare sic timeo.*

Et vice-verſa :

4. Conſir-
mandi {
- | | |
|-----------------------|---|
| 1. Decorum, | } quorum exempla
tam frequenter oc-
currunt, ut non ſit
proponere neceſſe. |
| 2. Poſſibile, | |
| 3. Perſpicui-
tas, | |
| 4. Conveni-
ens, | |

5. Conclu-
dendi {
- | |
|--|
| 1. Medulla materiæ anteceden-
tis, e. g. <i>Quare cum me veſtra au-
thoritas, &c. Poſt Reditum.</i> |
| 2. Suaſio vel diſſuaſio, e. g. <i>No-
lire iudices, per vos, &c. Or. pro
Cn. Planco.</i> |
| 3. Enumeratio rerum priùs di-
ctarum, e. g. <i>Quare conſervate
(iudices) hominem pudore eo quem
amicorum ſtudiis, &c. pro Arc. poët.</i> |
| 4. Apoſtrophe, veſtrum eſt hoc
iudices, &c. pro A. Cluent. |

Secundum materiæ tractatæ Naturam, deli-
gendi ſunt Fontes ex quibus partes Oratio-
num poſſunt peti. Unus enim huic materiæ,
alter alteri competit; ſyderum (ut Epicurei
volunt) haud diſſimiles, quæ clara divitibus,
minora pauperibus, obſcura defectis, ac pro ſorte
uniuscujuſque lucentia adnumerata ſunt mor-
talibus. Plin. Nat. hiſt. lib. 2. c. 8.

9. Gradualis progreſſus eſt institutioni ap-
primè congruus, ſic igitur ordinetur progreſ-
ſus,

ſus, ut pueri cum *ſtylo confabulatorio* incipiant, & in hunc finem componant *colloquia*, primo literis mandando, dein verò mutuis colloquiis inter ſe concertando, & qui expeditiſſimè quæſtiones proponit, & reſponſum format, *Palma* ferat: hæc enim cote, nulla non ingenia acuuntur. Dein ad *Epistolarem* conſcendant *ſtylum*, & propterea ſingantur *Occaſiones*, vel arripiantur ſi occurrant, à rebus puerilem captum non excedentibus, præſertim verò ſenſui obviis; de hiſce *Epistohe* facilè formari poſſunt, & ſine *Olei operiſve* diſpendio. Ad *hiſtoricum ſtylum* poſt hunc aſſurgant, qui in rerum comprehenſu *faciliū narrationibus & deſcriptionibus* conſtat, quales collegit *N. Cauſin.* lib. de Eloq. 11. Exerceantur itaque pueri vel in huiusmodi *narrationibus* (e. g. de vitâ *Herculis*, *Alexandri*, excidio *Trajae*;) conſcribendis, vel extempore proferendis. *Huius operis* verò faſtigium coronet *ſtylus Oratoriſ*, qui in *Thematibus*, & *Dèclamationibus* componendis præcipuè conſtat. *Inſtitutio* diſcentes reddit peritiores, *uſus & exercitatio* fortiores, nec non ad ſublimiora paratiores: non peruenitur ad ſumma niſi per media, nec ad ſuprema exercitia niſi per infima.

10. *Status deliberatiuus & demonſtratiuus*, potius quàm *judicialis & didaſcalicus*, adoleſcentium inventioni conveniunt; quia iis nulla alia argumenta conveniunt, nec alia tractandi

tractandi methodus quàm ad quæ puerilis captus se faciliè erigat. *Didascalicus* benè exercitatus; *Judicialis* non nisi probe adultis congruit.

Deliberativus thema simplex vel complexum tractat.

Demonstrativus laudat vel vituperat.

Didascalicus quæstiones spinosas explicat.

Judicialis condemnat vel absolvit.

II. *Monendi* sunt pueri, ne *periodi* fiat nimis prolixæ: abscindantur inutilia, & potius discursus materiæ nervosum vigorem, & benè ordinatam compagem, quàm verborum tumorem spirent; caveant ab ista brevitate, quæ ignorantiae filia, obscuritatis mater, rectus vocum & concinnus ordo, nec non congruè librati periodorum casus, auditorum aures allestant; quod ut fiat, nulla regula certior est, quam prudens oratoris observatio. Attamen ne vel in generalioribus hæere videamur, vel à trita oratorum semitâ abhorrere, has antehac vulgatas regulas proponere non pigebit.

1. *Adjectivum* dissyllabum *substantivo* multisyllabo postponendum est, e. g. indies oriuntur contentiones novæ.

2. *Adjectivum* multitudinis ornatius *substantivis* postponitur, e. g. Sceleratos omnes Catilina unus superavit.

3. *Adjectiva* polysyllaba non invenustè &

in fronte & in fine ponuntur; e.g. *Miserimi sunt omnes inglorii.*

4. *Adjectivum à substantivo*, vocis interpositione commodè se jungi potest, e.g. *Meo quidem iudicio; Plus habet venustatis nuda virtus, quàm compta miseria.*
5. *Ablativus absolutus* aut ante verbum, aut initio ponendus est, e. g. *Re intellectâ*, in verborum usu faciles esse debemus. Omnes, *ingruente miseriâ*, percelluntur timore.
6. *Cognomina propriis* præponuntur, e.g. *Q. Fabius, M. T. Cicero.*
7. *Cognomen à proprio* interdum se jungitur, e. g. *Lucius enim Catilina* Ciceroni infestissimus.
8. *Comparativa & superlativa* eleganter substantivis postponuntur, e.g. *Prætoris iniquissimi sævitia. Adulatio reprehensione deterior.*
9. *Comparativa* in initio orationis ponuntur, ut & in fine non inveniunt, e. g. *Celebrius est ingenium, cujus motus sunt veloces, si iidem sint honestiores.*
10. *Nomina propria polysyllaba* periodice principium decorant, e.g. *Antiochia* urbs nobilis.
11. *Quod in laudem vel vituperium* e. g. *Magnum ille Pompeius.*
12. *Nullus post substantivum* ponitur, ut

Viri quibus ratio nulla suadebit ; n̄ illud prius respicit, n̄ hoc posterius.

13. *Verbum* indicativi modi aut subiectivi aliquando in initio ponitur, e. g. *Excitat* eos magnitudo & varietas. Si *respondens* animum, *actum* est de salute.

14. *Verbum* [est] in initio post primam vocem ponitur ; post comparativum in fine : e. g. *Nostre est* enim consuetudo. Oratio sine fūco gratior est.

15. *Infinitivus* verbo præponitur, e. g. In pueris oratio perfecta nec *exigi*, nec *speculari* potest.

16. *Adverbia* adiectivis postponuntur, aut si præponantur, aliquid interferitur, e. g. *stylus* intermissione paulò admodum de celeritate perdit. *Eximie* quidem insolentes superborum sermones.

Hec, pro iudicio, observentur, vel repudiantur ; Quamplurima observatu digna in eruditorum scriptis versata occurrunt, quamplurima promptum ingenium adinventiat. Ordo est anima rerum, vita sermonum. Arborea, quæ jucundo delectant fructu, elegantissimè non minus placeant.

12. *Memoria* est mentis *ararium*, ubi thesauros ; *Scrinium*, ubi cimelia ; *alveare*, ubi mella recondit. Quid itaq; magistris majus incumbit, quàm tam eximium *natura* donum excolere ? *Ditent* exercendo, exerceant dicando :

quæcunque species occurrunt, debent fideliter imprimi, & in futurum usum recondi. Faciant ut intelligantur omnia, quæ memoriæ inherere velint. Nesciunt infanti juvenes, nesciunt, inquam, quam egregio solo sterilitatem inducant, dum non exercent memoriæ, vel oscitanter curant; Quippe quò magis memoriâ, eo magis plerunque ingenio quisque valet. Ne nimium juvenes chartis hisce collectivis impallescant, nec adversariis vel locis communibus nimium securè confidant, ob memoriæ debilitatem habeant non adhareant (Quis enim comprehendit omnia?) Porro quæcunque pueri legunt tabulis digna, digerantur in ordinem disciplinarum, adeò ut quælibet observatio notatu digna propriam suam sedem sortiatur, quippe hic ordo institutioni maximè commodus; recordentur verò se hortulanos imitari debere, qui plantas seminariis innutriunt, ut in hortos transferant. Res memoriâ dignas chartis inferant, ut frequenter revolvendo & relegendo mentibus infigant, vel si antea impressæ rerum imagines longo temporis tractu obliarentur, ex adversariis renoventur. Non absurdè ab antiquis dictum, Ea solum te meminisse jactes, quæ memoriâ tenes. Impossibile est, ut memoriâ pollentes, ingenii viribus destituantur.

13. Ex-tempore prolatus discursus Magnus ille laudavit Verulamius, nec tenuitas nostra refragari

refragari ausit; Ingens profectò ausum, summisque dignum ingenii, si post debitam ingenii maturitatem, & antecedentem meditationem, (sine quâ ipse *Augustus* populum alloqui noluit) nec non cum debitâ gravitate adolescentes aggrediantur: Quorsum enim tendit privata institutio, nisi ut publice clareamus; hinc audacia, loquendique consuetudo & foelicitas, nec non eximium ingenii acumen: si verò citius quàm par est, exigatur hoc exercitium, quod infantibus velociorem gressum formantibus accidit, minutiores hebetantur vires, magis quam diriguntur; nimia festinatio ingenii motus sæpe retardat, rarò promovet. At si, passibus æquis, huc pueros pervenire velimus, assuescant, cum scholam primò post prandium introeunt, Historias aut Fabulas, extempore coram magistro, proferre; dein de laude alicujus Virtutis, vel vituperio Vitii, extempore discurrant, vel de quovis alio themate sententiam suam in medium proferant. Hæc enim via ad perfectionem expeditissima.

14. *Emulationis* cote hebetissima acuuntur ingenia, & nemo adeo excors, quem non pudet superari. *Elephantus* (Plinio teste) ignominia notatus, inedia vitam consumpsit; ipsa enim bruta mortem ignominia præferunt. Nec desunt generi humano à cœlesti igne delibata scintillæ, quæ quò fortiores sentiunt plausus auram, eò vivacius accenduntur.

Ovid. *Qui vult ingenio cedere, rarus erit.*

Opera pretium erit igitur, pueros in mutuo exercitiorum correctioni operam dare, ut & mutuae examinationi, itam inter membra ejusdem classis, quam superioris & inferioris, dum coram magistro se sistunt. Sic etiam collatio Phrasæon, Lectionum, aliarumque observationum; Aliquando etiam Pueris utile erit explorare, quantum nitoris possunt addere sociorum exercitiis, vel rejiciendo superflua, vel transmutando incongrua, vel supplendo chasmata, & nova aptioraque inferendo. Interdum non inutile erit seligere expressiones, ex Authore aliquo, & singulis veniam dare quodcumque possit, ex iis confin- gendi; & in his omnibus operibus, non desit ei *encomium*, qui sedulo & accurate operam navando cæteris præstitit. Denique quoniam non aliorum solum, sed etiam nostrum metipsorum sumus æmuli, summâ cum curâ conserventur ea exercitia, in quibus celebriores ab aliquo ingenii vires fuerunt ostensæ, in futuræ ætatis æmulationem, & usum; si enim in posterum pueri hebescant, excitentur priorum exercitiorum recordatione, & moneantur ne à propria ingenuitate degenerent. Non puduit Patrem in certamine Olympico filium jam torpentem, in prioris roboris memoriam revocare, *οὐκ ἔστιν αἴτιον*, (Paus. Eliac. post) Indignum semivivum

sum est eas manus in Antagonistâ feriendo languescere, quæ tam robustos scitus aratro inflixissent.

¶ *Præpositus* est ordo, *memoriam* intellegi præponere, & imperitè quidem tyronum profectui consulitur, quoties illam oneramus, hunc vero non excolere studemus; inferiores enim animi facultates à superioribus vires & influxus recipiunt; nec quidquam aliud confirmat & perficit memoriam, nisi quod plenè intellectus comprehendit. Ut memoriæ itaque congruum non desit subsidium, omnia quæ pueros recordari velimus, fideliter intelligantur. Nec aliter oportet facere in primis *Grammatices Rudimentis*: in illis enim ponendis, si expeditissimè doceremus, per res sensibus manifestas, & per regulas ex exemplis elicitas, illuminandi sunt pueriles animi. Quam immedicabile scholarum vulnus: rigida verborum verberumque violentiâ memoriam ignotis præceptis onerare, linguam habere ad repetendum facilem, mentem ad concipiendum impotentem. Toto verò coelo errarunt, qui, ut pueri *Regulas Grammaticales* memoriter repetant, exegerunt; nunquam vero eâdem cum curâ sunt annexi ut perspicuè concipiant. Hinc libera illa ingenia sapissimè deprimuntur, quæ veterum Atheniensium æmula, dum sub servitutis tyrannide prosternuntur, ad nullum præclarum facinus se attollere audent;

sint ; ast à jugo libera, per totum terrarum orbem celebres, & mentis & corporis vires expanderunt. Si mihi itaque suadere liceat, In linguâ plenè cognitâ, ea præcepta Grammaticalia inculcentur, quæ puerorum Memorius infigere velimus.

16. Ne unius pueri institutioni impendatur totus labor, sed in omni negotio excitentur coætanei ad auscultandum ; nulla enim institutio uni impenditur, quam non & viginti audiant. Porro, moneatur tyro, ut solus ambulet, materiæ struem colligat, prius quàm ad exercitia componenda se accingat. Facillimè erigitur ædificium, cum materia omnis præparatur.

17. Sint exercitia frequentia : nihil enim ingenii vires magis promovet, quàm frequens & sedula exercitatio, tam in Scholâ de die, quàm domi nocte : vix ulla occurrit Lectio quæ ad aliquam exercitationem non utilis reddatur. Hinc Romani, Carthaginenses, Lacedæmonii in bellis celebres ; hinc docta illa Philosophorum turba, quales Plato, Cleanthes, Plinius, Seneca, in Philosophiæ mysteriis oculati extiterunt : ideoque rariores sint prælectiones, nulla verò abeat sine usu ; Prælectiones enim non numero mensurandæ sunt sed pondere. Tam humanum genus, quàm alia animalia rationis expertia, ex crebrâ exercitatione, ad eximiam & fide majorem peritiam pervenerunt.

18. Ad

18. *Ad ingenii vires experiendas, in thematici complexi tractatione, utilissimum est eosdem pueros in utràque parte tam affirmativa quàm negativa exercere.*

19. *Tò Πρώτῳ semper observetur, in periodorum connexionē, vocum significatione, rerum applicatione, adeò ut periodi non chasmata sine dependentia admittant, voces sint congruæ, rerum applicatio sit artifice digna. Quis enim leonis laudibus murem insigniret? aut muscam elephanti? Laudatur à Poëtarum Principe *Ulyssis* ingenium, *Agamemnonis* majestas, *Achillis* velocitas; in his enim præcipuè claruerunt, nec ullum admittitur epitheton, quod non rei tractatæ affabrè congruit. Porro, observandum est, eos ab Oratoriæ decore aberrare, qui, in *Latinis* declamationibus, sententias *Græcas* nimis frequenter inferunt: Qui *Latinè* peroraturus est, *Romanâ* polleat Facundiâ, qui *Græcè*, *Gracâ*. Nec Cicero inter *Romanos* Oratores primus se *Græcis* sententiis explicare desideravit; nec *Demosthenes* inter *Græcos* non infimus, aliâ quàm *Atticâ* usus est expressione.*

20. *Intra cancellos nimis angustos ea ingenia coarctare nefas, quibus nil solennius, quàm proluxa verborum multitudine luxuriari. Amant juvenes liberum loquendi campum, & per me, fruuntur. Bonum est aliquid habere quod amputes, quod transmutes;*

tes; *attamen utantur* magistri hac cautione, Ne sint exercitationes in primo Facundia stadio adeo longæ, ut onera videantur, sed potius nervosæ, si fieri potest, quàm loquaces. Multum enim materiæ (ubi prolixiores exiguntur exercitationes) sapissimè sine delectu congerunt pueri, nec curant unde petant, nec qualis sit. Summâ semper cum curâ (si modo puerilium ingeniorum limites non excedantur) expectent præceptores ut negotiis impositis (viribus intentis) incumbant: Non enim sine profectûs impedimento ingenuique caloris dispendio possunt pensâ oscitanter tractari. Apud *Hebræos* observatur, eadem voce (אָרִי) & *aurē* & *bilancem* exprimi, quia nil debet audiri, quod non perpendi, nec imponi quod non pensitari.

21. *Quicquid fieri cœptum est*, non nisi peractum dimittatur: hoc vero hac ratione moneo, quia permulti ab exercitio ad exercitium antequam perficiatur protruduntur, & Pardis non dissimiles prædam captantibus, per saltum varios prosequuntur labores, quos, si non attingant primo conatu, celerimè dimittunt, inde in omnibus oleum profundunt, & operam eludunt. *Potius* bis terve idem revitant & iterum conficiant exercitium, quàm imperfectum & incomptum è manibus dimittant.

22. *Non minimum* est docendi artificium observare ad cuius Authoris mentem, geniumque Eloquentiæ tyrones se felicissime applicant; hunc verò quasi per vestigium sequantur. Qui ubique est, nusquam subsistit; & qui in ipso oratoriæ introitu unumquemque ambit, assequitur neminem, etsi cum aliquam perfectionem nactus est, summat sibi maiorem libertatem. Nostrum secum laconismum potissimum sapit, & succinctâ, nervosâ, floridâ sententiarum rotunditate, acquiescit; qualis in *Puteano*, *Heinsio*, *Lipso*, elucet. Ideoque quamvis stylus *Asiaticus*, à primordio inventionis non alienus est, quia prolixiore verborum copiâ gloriatur, nec vituperanda est ampla illa verborum luxuries, quæ uberis ingenii fœtus est, *stylus* tamen *Atticus* & *Laconicus* sublimioribus ingeniis præcipuè arrident; Materiam enim magis quam verbis triumphat. *Considerandum* denique præceptoribus, quòd etsi usum authoris enixè inculcamus, attamen haud necessarium existimemus ei perpetuo & soli inhærere, sed adeo confirmare tyronum gressus, expeditosque reddere, ut postea à morbis, revalescentium more, vel scipione rejecto, vel oblectationis causâ adhibito, propriis viribus strenuè progrediantur.

23. *Frequens versio* dictaminum vel discursuum politionum ex linguâ ignotâ in notam,

tam, & vice-versa, non mediocriter promovet inventionem, (hoc verò fiat vel charitam inspiciendo & extempore coram magistro pronunciando, vel literis mandando) in his verò & in omnibus exercitiis ne adhibeantur voces exoticæ & inusitatæ, sed purè latinæ, & quæ legantur in probatis authoribus. Parcè velim (si omnino) *Lexica* adhiberi; ex hisce enim voces incongruæ sæpiùs seliguntur: *Lexicorum* verò defectus sublevetur, 1. magistri *informatione*, 2. *fide*li authorum *repetitione* & *recordatione*, 3. *continuis colloquiis*, 4. *perfectione* alicujus libri, in quo tota *Latina* lingua continetur, qualis est *Joh. Ames. Comenii* (*Atlantia* illius scholasticæ eruditionis) *Favna Linguarum*; sic enim pueri ex propriæ memoriæ supellestili sint sibi *Lexici* vice. Postquam pueri hunc librum semel percurrerunt, in memoriâ continueatur repetendo inter alia opera quæ repetuntur secundum scholarum consuetudinem ante *Natalitiorum*, *Paschatæ*, *Pentecostes*, &c. festa.

24. *Primus* sapientiæ gradus est falsa intelligere, secundus vera cognoscere. Magistrorum itaque interest, primò ab erroribus detinere, dein ad veritatem ducere. In hunc finem summâ cum curâ corrigantur exercitia, 1. falsa *delendo*. 2. inutilia *amputando*. 3. utilia *inferendo*, & politiores expressiones ubi desunt literis *mandando*. 4. *querendo* à singulis

singulis pueris quis meliorem socio suo po-
 test dictare expressionem. 5. incongrua in
 ordinem *redigendo*. 6. *Monstrando exempla-*
ria suo labore confecta, vel ex bono autore
 collecta. " Quotquot Præceptor potest, suæ
 " inventionis specimina pueris ostendat, &
 " imitationis & incitationis causâ, quic-
 " quid à discipulis volunt fieri Præcepto-
 " res, id ipsi faciendo (inquit prudentissi-
 " mus rei literariæ mysta) commoñstrent
 " viam. Naturalissimum est quemque duci
 " suo dicere: valet i præ, sequar; facile
 " est præeuntem sequi, protradi autem sine
 " prædesignatâ semitâ, durum. Quippe in
 exercitiis à Præceptore commoñstratis con-
 spiciant pueri propriorum laborum defe-
 ctus (ut supra monui) accendantur etiam,
 ut *Themistocles* *Miltiades* gloriâ, ad altiora
 spirare; ex quotidianâ etiam in hoc theatro
 exercitatione generatur uniuersa materiæ
 idea, ad omnes occasiones accommodan-
 da; *Occasiones* dixi; non enim statis solum
 qualibet septimanâ exercitiis, ut plerunque
 solet, occupandi sunt adulescentes, sed su-
 menda sunt declamandi ansæ, & carmina
 componendi (gemellorum enim instar mu-
 tûo coeunt hæc exercitia) ex omnibus quæ
 occurrunt observatu dignis; & si non oc-
 currant, fingendæ sunt. e. g. De inaugurati-
 one Principum; de obitu vel annuo introitu
 Magistratuum, fame, diluviis, cometis, pe-
 stibus,

ſtibus, præliis, connubiis heroum & herou-
narum, Diebus feſtis ſolennioribus, de lau-
dibus Virorum vel literis vel militia illuſtri-
bus, vituperio ſceleſtorum; nec non de The-
matis complexis, e.g. An liceat peregrinari?
An vita urbana ſit ruſticæ præferenda? An
ludi ſcenici ſint liciti? aliisque hujusmodi vel
per proſopopœian cauſas faciliores pueri ſuf-
cipiant, ut *ſuade* ſuam cauſam dicentis, con-
tra *Barbaros*; *Irenes* adverſus *Enyo*, *Neme-*
ſeos contra ſceleſtè viventes.

25. *Penſum* tenuitate noſtrâ non indignum
foret, cum *Phocione* orationem amputare;
attamen quia Magiſtrorum mores & geſtus
eximie institutioni plurimum conferunt, &
ſunt quaſi diſcipulis leges loquentes, has re-
gulas proponere non inutile erit. *Animi in-*
tegrum, non vitioſorum morum aſt inſtitutio.

1. Quoscuque literis & virtute promo-
vere velis, ſerîo precare, ut promove-
antur.
2. E ſchola te ſubducas, quotieſcunque
indignatio & ira nimium ebulliunt, &
precibus, vel *lectioni*, vel *meditationi* va-
ces.
3. Te divertas ad aliud extremum, ſi ſis
ad iram proclivis, viz. lenitatem; utaris
aliâ poenâ quam verberum, qualis eſt *re-*
ſtriſtio cum ſocii ludunt, exercitiorum
auctio, *amiſſio* loci, &c.

4. In aliis affectibus tibi etiam imperes, si iræ imperabis, contumeliosa verba evites, acerbant non corrigunt.
5. Voto humili & genibus flexis facto, te obstringas, poenam tibi imponas si sæpius in eundem errorem impingas, nec defendantur errores tui, sed pie confitere, sedulo corrigas. *Languent affectus si deprimas, insolescunt si indulgeas.*
6. Infligenda est poena non ut iræ tuæ satisfacias, sed ut peccantem emendes. Examina igitur ante poenam, nec separetur poena ab institutione, idque cum ira deferbuit, multum authoritatis ab ea poena conciliatur, quæ moderatè & post aliquam moram infligitur.
7. Infirmos patienter tolere, ne sis clamosus nec jocis nimium deditus (præsertim si cum illis rem habeas qui aliquo corporis aut mentis defectu laborant) eandem culpam ne nimium inculces, attamen non inutile est pueros observare te posse aliquando veteres culpas in mentem revocare.
8. Hortare, remunera, quotiescunque occasio subservit, variis ingeniis vario modo te applices; omnes quæ occurrunt occasiones arripas, è quibus bonos mores informes; cibo potuque ne tibi indulgeas, sunt enim enormium affectuum fomenta.

9. Meditare de Dei præſentiâ & in te præſentiâ, cujus vicem geris, te tanquam in theatro poſitum eſſe, ut ab omnibus conſpiciare, ut omnibus moderationis pietatis, prudentiæ ſis exemplo. In mente etiam tuâ revolvās lugubres iracundiæ effectus in te & aliis, eorum debilitates, quorum curam ſuſcepisti, quantum authoritatis temerariis & abſurdiſſimis tuis geſtibus amittitur; Monita amicorum, inimicorum querelas, impedimenta proſectus, exempla tam manſuetudinis, quàm furoris ante oculos ponas.

10. Ne nimium abſis à ſcholâ, ſed ſit tu præſentia perpetuus monitor. Ne ſi nimis facilis aut frequens in veniâ luſu dendi concedendâ, luſu enim luſus deſiderium accenditur, non reſtringitur. Sunt generales leges in omni ſcholâ obſervandæ de obſequio, affabilitate, puſticiâ exercitiorum ſcriptione, de tempeſtiva ſcholæ frequentatione, de iurgiis & clamoribus evitandis, de cura in exigendâ ratione eorum quæ docentur, de ordine conſervando, & hæc omnia fideliter, imò & ſeverè, exigere debent, ſi quis vel ſcholam conſtituat vel conſtitutam conſervabit. Quis vero docendi peritus hæc ignorat?

26. *Aliud* eſt Oratoriæ, aliud *Græcæ* linguæ ſtudio, & Authorum *Latinorum* uſum ſcopus noſter præcipuè aſſecutus eſt. Aſt, quia ſimul cum Oratoriæ tyrocinio plerunque *Græcæ* linguæ fundamenta ponuntur, & quoniam hæc lingua non minori eloquentiæ laude triumphat, quàm *Latina*, nec minorem tyronibus confert opellam, operæ pretium exiſtimavi, paucula monita de *Græcæ* linguæ ſtudio diſcentibus proponere. Fruſtra ei *Romanæ* placent literæ, qui *Græcas* ſæpius ſæpius fastidit; quidquid *Romani* poſteris tradiderunt rivi ſunt, *Græci* fontes recluſerunt; his puriſſimas Artium, Facundiæ, Hiſtoriæ venas debemus. Quot enim facundiæ gemmulæ *Demosthenem* adornant? Quot præclari ingenii ſpecimina *Xenophontem* & *Thucydiden* illuſtrant? Quot poſteriorum obſervatione digna in *Herodoto*, *Dione*, *Pausaniâ*, *Plutarcho* relucent? Quot denique nervoſi & ſublimis ingenii afflatus, in *Pindaro*, *Sophocle*, *Euripide*, nec non in Poëtarum illo *Coryphæo*, cui non ſine injuriâ à *Cæcitate* nomen inditum, qui à *duarum mulierum* moribus, eximiè inter ſe diverſis, duorum celeberrimum operum materiam contexuit. Taceo *Platonem*, *Ariſtotelem*, alioſque naturæ clavigeros, quorum divinâ ſedulitate totius philoſophiæ myſteria expanduntur. Hiſce caliginem ſæpius inducunt interpretes, & intimum ſenſum aut venuſtate ſpoliant aut

veritate. *Spernant* faces ingenui iuvenes, sole fruantur, & simul cum progressu in *Oratoriâ* & *Poesi*, ad perfectionem in *Græcâ* linguâ aspirent; & in progressu his, si placeat, utantur regulis.

1. Concordantiam linguæ *Latinae* & *Græcæ* observent, in syllabarum pronunciati-
one, etymologiâ, syntaxi, ut & discrepan-
tiam.

2. Voces Latinas à Græcis ortas obser-
vent, multum lucis enim discenti afferent.

3. Observent derivativas *voces* sensum
primitivorum dirigere, & vice-versâ; idem
etiam non rarò evenit inter voces simplices
& compositas, observent etiam præpositio-
num varias adsignificationes in vocum com-
positione, de quibus vid. *M. J. Rhenium* in
Grammat. majore.

4. In *nomine* & *verbo* maxima sita est
Grammatices difficultas, horum itaque per-
fectio secundum omnia *Etymologiæ* acciden-
tia præcipuè indaganda est. Ideoque, quod
ad *nomen* attinet, in omnium *declinationum*
paradigmatis, adeo exactè pueri exercean-
tur, ut uniuscujusque *terminationes* peritissi-
mè calleant: Quod verò ad *verbum*, uni-
uscujusque *temporis*, *personæque* terminatio-
nes, *Modorum* signa, nec non in omnibus
vocibus *temporum cognominum* concordan-
tias, & discrepantias calleant; denique *no-
minum contractorum* à simplicibus dependen-
tiam,

tiam, *casus* qui in omni declinatione, contrahuntur vel non contrahuntur, modus contractionis & ratio ; ita & verborum contractorum & verborum in *u* dependentiam à *barytonis*, & discrepantiam ab illis, quid singulare utrumque sibi vendicat, & postea fidei Authorum *examinatione* in memoriâ retineantur.

5. In progressu ad perfectionem *nominis* & *verbi* scriptio est maxime necessaria.

1. Scribantur exempla uniuscujusque *declinationis* & temporis donec omnes terminationes exactè comprehendantur. 2. In primo Authore revolvendo scribantur omnium nominum & verborum quæ occurrunt flexiones, formationes, compositiones, derivationes ; hinc enim tolluntur *Orthographiæ* vitia, minuuntur difficultates, confirmatur memoria.

6. Ea præcepta fidelissimè memoriæ mandentur, & in hunc finem chartis, quæ quotidiano usui inserviunt, ut hæc inculcentur arripiatur omnis occasio, reliqua missa fiant.

7. Sit Authorum bonorum autoritas regularum vice, & in *Etymologiâ* & *syntaxi* : ex eorum itaque exemplis eæ regulæ eliciantur, quæ vel in *Latinis* non occurrunt, vel in Grammaticis passim adhibitis non inveniuntur.

8. In syntacticâ expositione sit *Etymologia* & sensus præcipuum fundamentum ; in

omni enim incongruâ expositione, vim inferimus etymologiæ, aut ſyntaxi, aut ſenſui, aut omnibus.

9. Voces ſono congruæ & ſignificatione diſcrepantes notatu dignæ ſunt, & viceverſâ.

10. Ita ordinetur *Grammatices* repetitio quotidiana, ut omnes ejus partes quotidiano uſui inſervientes à capite ad calcem (ſemel ſaltem in menſe) repetantur, idque non ſolum memoriter repetendo, quod puerile nimis, ſed & omnes Regulas exemplis prolatiſ confirmando. Quotidie repetantur nominis & verbi aliqua paradigmata. viz. die *Lunæ* verbum activum, die *Martis* paſſivum, die *Mercurii* medium, *Jovis* contractæ, &c. Semperque mutuiſ quæſtionibus Pueri ex adverſo ſtantes digladientur.

11. Repetantur lectiones duæ vel tres veteres quotidie, antequam novæ ſumantur; *errores* qui occurrunt libro chartaceo mandentur, ut quotieſcunque magiſtro viſum eſt, revideantur; hoc enim ad futuros errores cavendos, tam in *Græcâ*, quàm *Latinâ* linguâ utiliſſimum.

12. Extemporaneâ examinatione pueri indies inter ſe utantur, in prælectionibus coram magiſtro recensendis.

13. Duplex verſio in *Græcâ* linguâ æque utilis ac in *Latinâ*; quodcunque enim dicitur de *Uſu Authoris* in unâ linguâ, inſerviat alteri.

14. Spi-

14. Spirituum & accentuum aliqua præcognita ex linguâ *Latinâ* petantur ; reliqua quæ de iis scitu digna sunt, ex observatione inter legendum petantur.

15. Post aliquam peritiam in communi idiomate, & postquam in Poëtis Græcis pueri initium fecerunt, aliquando cum nominibus & verbis repetantur Dialecti.

16. Quicumque, summo cum compendio ad *Græcæ* linguæ cognitionem perveniret, eligat, in primo introitu, aliquem librum, in quo copiosissimè linguæ *Græcæ* thesaurus continetur. Quis enim (ut *Melfureri* verbis utar) compendiosius totius terræ animalia quàm in *Noachi* arcâ lustrare potuit ? Multi sanè laboris opus esset, omnia per totum orbem terrarum indagare ; ita & vocabula, per innumera authorum volumina disquirere, longè molestius foret, quam in unico volumine congesta reperire : In hunc itaque finem eligatur *Lubini* clavis, vel potius *Ant. de Laubegeois* breviarium *Græcæ* linguæ.

Ex his præcognitis præcepta de praxi eliciuntur.

PRÆCEPTA.

§. I. **P**erfectio unius operis gradus est alterius, adeo ut nunquam desinat discendi cursus, dum quidquam restat, quod

ignoramus : rudimentis enim *Grammatices*, & styli fundamentis prudenter positis, ad praxin pergendum est ; & ad ea subsidia quæ ex Usu Authoris eruuntur : Hic verò notandum est, inferiora exercitia non adhuc penitus relinquenda esse, sed aliquando intermiscenda. *Prima*, in hoc progressu, cura constat in delectu Authoris. *Colloquia*, ut monui, sunt hujus structuræ fundamenta : ad *Colloquia* itaque formanda, pro lubitu præceptoris eligantur *Erasmus*, vel *Pontanus*, *Joh. Lud. Vives*, *Terentius* ; in horum imitationem discant pueri *Colloquia* formare, primò scribendo, dein sermones inter se conferendo ; scriptio enim *colloquiorum* longius considerandi tempus tenellis ingeniis præbet, mutua verò eorum exercitatio & loquendi peritiam generat, & audaciam. Non alio quidem modo medela inveniatur grassanti ei morbo, qui plerasque scholas invasit *Latinae* locutionis neglectui : Utinam vel mea vota, vel communes mortalium querelæ valerent, apud docendi peritos, ad extirpandas noxias barbariei herbas, scholarum foelicitatem pessundaturas.

2. Pro *Epistolis* eligantur selectæ quædam ex *Tullii* ad *Atticum*, vel ex familiaribus, *epistolæ* : *Ciceronianam* puritatem veneror, cui enim hæc displicet, huic violæ rosæque forident ; attamen prolixitas puerili ingenio rarò convenit, materia etiam à puerorum capitu

tu aliena eſt ; ſæpiſſimè enim res privatas aut forenſes tractans, ab iis ſolùm intelligitur, qui in huiusmodi rebus verſantur. De multis aliorum *Epistoſis* eadem agenda eſt cenſura, ſi ſine delectu legantur : ſi vero *Tullius* non placet, eligatur *Plinius*, *Politianus*, *Textor*, è quibus decerpantur *Epistolæ* ſucci pleniffimæ, & tenello captui conformes. Aberras aliter à præcipuo ſcopo ; ubicunque enim materia tractata diſcentis ingenio haud conſentanea eſt, perit inſtitutio, & puer tanquam inter ſalebras irretitus non procedit.

3. Pro ſtylo *Historico*, qui ab *epistolari* non longè diſcedit, legatur *L. Florus*, *Salluſtius*, *Livius*, *Historiæ* triarii ; horum enim grata perſpicuitas, nervoſa brevitās, nativa puritas omnibus arridet, & ex hiſce diſcant pueri rerum narrationes contexere.

4. Pro ſtylo *Oratorio*, *Livianæ* & *Salluſtianæ* orationes elegantur, à *Brunhardo Gualtero* collectæ : ſunt enim breves plerunque & imitationis tyrocinio non incongruæ ; vel ſi cuiquam magis placet, *Tullii* orationes, pro *Archiâ*, contra *Catilinam*, *Philippicæ* ; aliarum non paucæ ſuperant adoleſcentium captum : his addatur *Quintil.* inſt. aut declam. ex his comprobo lectionem continuam, & non abruptam ; hæc eſt enim prima illa, in re *Oratoriâ*, operatio : quæ rerum diverſitate diſtrahitur ; attamen quicunque ſtudet mentem

tem adolescentis ad styli perfectionem erigere, debet etiam ex *Tacito, Lipsio, Puteano, Barclao, Strada, Budio, Cerda, Vernulæo, Fortisutio, Nigronio, Turnero, Malfossio, Heinsio, Senecâ*, omnibusque aliis, tam antiquis, quàm recentioribus, medullâ *Latinitatis* affluentibus, selectiores discursus excerpere, puerisque revolvendos proponere. Huic operi verò utilissimè inserviret *Index Oratorius* similis poëtici illius, quem vir in omni eruditionis genere abundè versatus, & de totâ re literariâ optimè meritus, *Mr. Tho. Farnabius* prudenter concinnavit.

§.2. **A**uthore jam selecto, } *Ethicus.*
} *Criticus.*
} *Grammaticus.*
} *Oratorius.*
 Usus sequitur, estq;

1. *Ethicus* ad mores pueriles aptari debet, ut pië, sobriëque instituantur. Bene vivere ad omnes, bene dicere ad paucos pertinet. Summamque ei ætati debemus reverentiam, cujus bibulæ aures citius mala admittunt, quàm proscribunt. Evitentur itaque omnia in authoribus impietatis, lasciviæ, superbiæ fomenta; ex quibus dum ingenium ditamus, mentem inficimus: Nulla enim scelera audaciùs patrantur à juvenibus, quam quæ *Authoris* privilegio muniuntur: Hujuscemodi itaque discursus puerorum usui adaptentur, ex quibus discant, quanti

quanti *pietas & modestia* apud *Chriſtianos* eſſe debent, dum tanti habentur apud fidei *Orthodoxæ* ignaros : *Maximum juventutis decus innocentia*. Multis quidem *pietas* dedecori, virtus ignominia eſt, inter quos ſclerata hæc opinio ad inferos meritò damnanda hodiè valuit, *eruditionem non poſſe cum pietate conſiſtere* ; quæ Dei bonitas clementer conjunxit, hominum impietas (ne proprio ore ſe condemnarent) ſcleratè ſeparavit.

2. Criticus conſtat in expromendis *Antiquitatis* theſauris : Nemo enim verè doctus, qui vetuſtatis myſteria non diſquirit, qui literarum monumenta non adorat. Vid. plura in obſervationibus.

3. Grammaticus eſt duplex, 1. qui in examinatione *Grammaticali* conſtat, cui ſoli etſi non ſit inſiſtendum ; ſic enim, *Caligulae* inſtar, ad exuvias *Oceani* colligendas exercitum præparantis, potius ſpernendos ſuſciperemus labores quam laudandos ; attamen à minutiis grammaticalibus non omnino abſtinendum, quia cum fluxis memoriis & in utiliſſimarum rerum retentione parum ſollicitis rem habemus. *Minima ab eis non ſpernenda ſunt, qui ad maxima pervenirent*. 2. qui partim conſtat in eruendis elegantiiſ ſyntacticis, & in excerptione clauſularum & expreſſionum politiorum qui in authore occurrunt, è quibus dictamina extemporaria formentur, partim, in *variatione phraſeum*, exercitio

exercitio quidem non inutili : e. g. *I pray for your health*, pro tuâ salute in prece totus sum—fundo preces—tollo ad sidera palmas—solennia moveo vota,—tuam salutem ore precor, corde efflagito,—impensè rogo, &c. denique, partim in effingendis discursibus politioribus ex *phrasibus* & *expressionibus* authoris in unum collectis, in linguâ vernaculâ, ut cum summâ curâ *Latine* donentur. Hoc modo enim altius asurgit tyronum stylus, & ad *Authoris* genium conformatur.

- | | |
|---------------------|---|
| | 1. <i>Versione.</i> |
| | 2. <i>Observatione.</i> |
| 4. <i>Oratorius</i> | 3. <i>Imitatione.</i> |
| con- | 4. <i>Variatione & Paraphrasi.</i> |
| stat in | 5. <i>Allusione & Applicatione.</i> |
| | 6. <i>Compendio & Amplificatione.</i> |
| | 7. <i>Parallelismo & Analyfi.</i> |

Hos omnes modos proponimus, etsi vix circa eandem lectionem occurrunt. Nullus vero eorum est, qui in quotidiano progressu adolescentium commodo non inserviant : ex hac enim varietate feligat præceptor quæ utilissima deprehendit, adeo ut videant etiam lippientes lectionem Authoris non in sterili quâdam & elumbi examinatione, tritâque expositione, consistere, sed etiam in rebus longè majoris momenti : Illaqueat non docet, qui discantis intellectui non consulit.

I. De Versione.

1. Omnes *Authorum versiones* scriptis mandentur, si omninò conducant vel ad mentis informationem, vel ingenii decorem.

2. Sint *versiones* viriles & *Academicæ*, politæ, & perspicuæ, potiùs authoris sensum exprimentes, quàm verba; non præfractæ & pueriles; has enim etsi *Grammatices* tyronibus indulgeamus, attamen adultioribus ingeniis sunt indecoræ: Sensus verò *Grammaticus*, & verbo tenus expressus in margine notetur. Ad sublimitatem versionis pertingendam, per vices quisque *auditorum* incitetur, quam politissimam potest proferre uniuscujusque clausulæ expositionem, astante magistro; sensus verò qui magistro maximè arriserit in versione adhibeatur, in libroque chartaceo pulchrè exaretur, ut futuris usibus inserviat; expeditè enim hujusmodi *versiones* conducunt tam vernaculæ imitationi, quàm geminæ *versioni*.

3. *Versio* gemina est maximè necessaria: inventionem enim, compositionem, memoriam non mediocriter subleuat; sic eruditorum comprobavit experientia. Quippe geminæ versionis usu, eruditissimus ille *Aschamus* serenissimam Principem *Elizabetham Angliæ* Reginam & sequioris sexus miraculum,

lum, ad eximiam tam in *Græcis*, quàm *Latinis* literis peritiam perduxit; nec sequentis hujus sæculi conatus in hac re prorsus inanes extitere; testor unum integritate, literis, industriâ notissimum Magistrum *Hezechiam Woodward*, cujus labores & in hoc, & in toto bonæ eruditionis studio claruerunt, & ut spero, magis inter posteros clarebunt; quorsum verò meæ laudes? quasi publicus quidam *pater*, commune quoddam generi humano reliquit *patrimonium*, quod tam senilis prudentiæ ditabit thesaurum, quàm juvenilis ingenii, & (me tacente,) viri præstantiam enarrabit: Nec antiqua merita me silentio præterire patientur *D. Joh. Kirkby* magistrum meum dignissimum, qui hac exercitatione tyronum labores non mediocriter promovit.

4. Suggestunt *versiones* perfectissimam punctationis methodum, in quâ non minimum prudentis scriptoris elogium. vid. *Cicer. de orat. lib. 3. & Famian. Strad. Prolusion. orat. lib. 1.* igiturque in authore vertendo, nulla omittantur puncta: Sunt enim quasi sermonum sepes limitesque, quos si negligas, bene ordinatos discursus nativo decore spolias, & perversæ interpretationis injuriæ exponis.

5. In *versione* cujusque linguæ nativa proprietas exactè curanda est *ex idiomatum* neglectu oritur confusio, & suavitas perit, e. g.
genero-

generoſus equus reddi debet, a hoſte of good mettle, potiùs quàm a *generous hoſte*; quæ expreſſio nimium lucernam redolet.

6. Parent ſibi tyrones, tam in Græcâ, quam in Latinâ linguâ libros ſine *verſione* annexâ: huic enim conſiſi ſæpiſſimè ingenii exercitium negligunt: attamen ad proprietatem verſionis feliciùs expiſcandam, magiſter penes ſe habeat aliquos libros Anglicè donatos, qualis *Sand. Ovidii, Vicarſii Virgilii* verſio, &c. Eſſi enim peritorum eſt ſine cortice natârè, attamen non impedit futura amici manus.

7. Præceptis de *verſione* hoc monitum de *repetitione* addam, Non ſufficere *repetitionem*, ſemel qualibet ſeptimanâ factam ad imprefſionem fidelem celebriorum diſcurſuum, ſed tertiâ vel quartâ vice, debent in hunc finem repeti. Nec (me iudice) ſatis eſt, verſiones ſemel literis mandare; quò enim frequentiùs, cò firmiùs menti imprimuntur.

2. De Obſervatione.

1. *Voces* ſimplices ſelectiſſimas, & rem ſignificatam appoſitè exprimentes notatu dignas cenſemus; nec non politiſſimas voces complexas: quippè nullibi puerorum uſui aptiores occurrunt expreſſiones, quàm in puriſſimis *Latinitatis* fontibus. Probata erat viri juventutis inſtituendæ peritiſſimi
(&

(& cujus memoriam non ſine lachrymīs re-
 fricare poſſum) *Domini Guilielmi Brookii Ma-*
xæi, conſuetudo, communes omnes expreſ-
 ſiones uſum clauſulæ indigitantes pueris no-
 tandas proponere; *verbum* viz. cum ſuo
 modo regiminis, *adjectivum* cum verbo ſub-
 ſtantivo, e. g. *futurus eloquentiſſimus* edidit ali-
 quando *vagitum*, & loqui primum incertâ voce
 tentavit, & hæſit circa formas literarum: hîc,
 edere *vagitum*,—loqui—tentare—hære-
 re cir-
 ca, dant uſum clauſularum: ita etiam in
 hâc ſententiâ, *qui ſunt memoriâ*, ſunt etiam in-
 genio pollentes; *pollens memoriâ*, *pollens inge-*
nio. Et ut non infœcunda ſit hæc obſerva-
 tio, quantum fieri poteſt, ne adhibeant pue-
 ri vel vocem, vel phraſin, quam non memi-
 nerint ſe in aliquo *Authore* melioris venæ in-
 veniſſe. *Spuriæ* verò habendæ ſunt eæ vo-
 ces, quarum nulla in linguæ *Latine* artifi-
 cibus veſtigia deprehenduntur. Proruant
 verò, ſine hac accuratâ obſervatione tyro-
 nes in perpetuam barbariei aleam. Quor-
 ſum verò Authorum lectio inter jüniores ſi-
 ne hoc uſu? Norunt eruditi quantum tur-
 bida illa *Apuleiana* verborum insolentia vi-
 ris emunctæ naris placuit, in quo plus pro-
 prii genii, quam antiqui decoris enituit.

2. Obnoxia ſunt puerorum linguæ fre-
 quenti errorum periculo; hi verò ſunt in
 præſens tollendi, in futurum cavendi; erro-
 res itaque occurrentes (præſertim ſi cujus
 momenti

momenti sint) in *Orthographiâ*, *Etymologiâ*, *Syntaxi*, aut *Prosodiâ*, in libro chartaceo sunt notandi, pro quâlibet classe in hunc finem destinato, ut futuræ cautioni inserviant, e. g. si quis aberret in regimine hujus vocis *Utor*, aut flexione vocis *Ulysses*, &c. chartis mandentur hæ voces, & quoties præceptor placet, revisantur.

3. Quia *personarum* cognitio, *locorumque* descriptiones, res gestas intellectui reddant notiores, velim ex omnibus nominibus propriis *Personarum*, *locorum*, aut aliarum rerum, ansam à magistris arripi inculcandi historias, consuetudines, mores, *Romanorum*, *Græcorum*, aut *aliarum gentium*, ita & topographiam, leges, gesta, nec non observationes memoriâ dignas, deductas à nominibus *bestiarum*, *arborum*, *metallorum*, *montium*, *fluviorum*, *templorum*, *festorum* in authore occurrentibus, &, ut carptim absolvam quidquid vel authoris mentem explicet, vel pueriles animos locupletet : *non habent enim ii alios quos impertiant thesauros, qui nullas, præter libros, sortiuntur divitias.* Exemplo verò res clarior fiat : si itaque occurrant hæ voces, *Pallas*, *Græcia*, *elephas*, *aurum*, in voce *Pallas* explicetur nomen, & *Etymologia*, officia, ortus, imagines, nominum varietas, discrepantia respectu flexionis à viro cognomine filio Evandri. In voce *Græcia* ostendi possunt ejus varia nomina, nominumque rationes,

tiones, gentes quas continet, & eorum mores, situs, regiones conterminæ, civitates & respublicæ in eâ florentes; denique in hac voce ostendatur hanc matrem, & nutricem extitisse vitæ civilis apud *Europæos*, artium & scientiarum auatricem, barbariei expultricem, jam verò sub ferreo *Turcarum* iugo, lugentem jacere. In voce *Elephas* ostendatur hujus bestię sagacitas, usus in bello, in *hieroglyphicis*, multa quoque alia ex *Pierio* & *Æliano* observatu dignissima de *Elephante* recitentur. In voce *aurum* ostendatur ejus præstantia præ cæteris metallis, usus in regum coronis (ut rem *Puteanus* persequitur) ut & multa alia de ejus ortu & duratione. Hisce addantur etiam omnium rerum inter mortales celebriorum *inventores*; *authores* enim, & *occasiones* rerum inveniendarum, multum oblectationis audienti infundunt. Consule in hunc finem *Polydor. Virgil. de invent. rerum.*

4. Omnia *Epitheta* congrua & florida observentur tam in oratoribus quam in poetis, præsertim in *Virgilio* & *Senecâ Tragædo*, hujuscemodi sunt, *Importuna tyrannis*, *præcox ætas*, *Herculeus labor*, *Vatinianum odium*, *Flagrans ambitio*, *luxuriantes rami*, *protervus consuetudinis tenor*, *effrænis odii furor*, *inculta morum barbaries*. Multum leporis *Epitheta* sermonibus addunt, si nec sint frigida nec incongrua, ut ex hoc *Corn. Taciti* censurâ eleganti

eleganti patet, ut callido ingenio erat Tiberius, ita anxio iudicio, non eminentes virtutes sectabatur, & rursum vitia oderat, ex optimis periculum sibi, à pessimis dedecus publicum metuebat. Quis adeò obtusi ingenii? qui non longè elegantius existimat dixisse, indomitæ & insolentes Tarquinii libidines imperium regibus Romanis abrogarunt, quàm nudè & incultè, Tarquinii libido reges expulit: longè etiam pulchrius & ornatiùs dicimus, Publicæ & immensæ opes, nec non immodicæ pecuniæ vires, inter civiles discordias longè sunt ferro fortiores, quàm nudè & sine ornatu, Nummus est ferro fortior.

5. Omnes tropi & troporum affectiones, & præsertim potioris notæ Metaphoræ, observantur, ita & allegoriæ, hyperbolæ, litotes, catachreses, figuræ dictionis, & sententiæ, syntacticæ promulsides, vel loquelæ flores ornatiores. Quis enim, qui ad facundiæ nitorem aspirare ausit, huiusmodi ornamenta flocci penderet? quale est hoc allegoricum, quod Puteanus in suam Q. Curtii laudem intreruit.

Tota narratio exacta est, lenitate quâdam profluens, tanquam ripis clausa, garrulitatis imbre non corrupta trahit oculos, & gemmeo locutionis latice lectores recreat.

Vel hoc Senecæ—Non dat Deus beneficia? unde ergo ista quæ possides? quæ das? quæ negas? quæ servas? quæ rapis? unde hæc

innumerabilia, oculos, aureis, & animum mulcentia? unde illa quoque luxuriam instruens copia? neque enim necessitatibus tantummodo nostris provisum: usque in delicias amamur? tot arbuta non uno modo frugifera, tot herbæ salutare, tot varietates ciborum per totum annum digestæ, ut inertī quoque fortuita terræ alimenta præberent, &c.

6. Omnes melioris notæ *phrases* observatione dignas judicamus, quæ in libro chartaceo, ordine methodico, disponendæ sunt; illas verò præsertim tyrones eligant, in quibus *Suadæ* gloria maximè refulget; per *phrases* intelligo *idiomaticas* illas loquendi formulas, uni linguæ, gentique ferè proprias: earum etiam usus in dictaminibus subitaneis inculcandus est, ut supra monui; adeò ut pueri idonei fiant eas ad quemcunque usum applicare, sine cæspitatione: facilitas verò adhibenda *phraseos* oritur ex resolutione ejus in simplicem sensum, priore regimini formâ servatâ, e. g. *Habemus in votis vestram felicitatem, We desire your good success, — Cicero Appium de filiolæ obitu certiore fecit, Cicero certified Appius of his daughters death. Imperator legatos summo honore profectus est, The General entertained the Embassadors nobly. Sic resolvas. I have your happiness in my desires, Cicero made Appius*

pius more certain of the death of his daughter : the General did proſecute the Embaſſadors with excedding great honour : hoc obſervato, æquâ facilitate elegantiffimæ phraſes applicentur, quâ communes & familiares expreſſiones. Ita ut *Romani Athenas* quondam *Romam*, ſic nos *Romam* in *Britanniam* transferamus, ſimul cum totius illius linguæ floridâ opulentiâ, quæ Regibus leges impoſuit, mundoque timorem incuſſit ; imperatrix herclè linguarum in roſtram cogetur ditionem, noſtroque uſui ſubdetur ; quippe *Vejos habitante Camillo*, illic *Roma* fuſt ; & quicumque *Romanæ* facundiæ aſſectus eſt decorem, præcipuo ſanctiſſimoque *Romani civis* non deſtituitur privilegio.

7. Nec oſcitanter præterire oportet *adagia*, ſed eorum uſus, occaſiones, & parallela in aliis linguis, oſtendantur, e. g. *Gygis* annulum habet ; hic pueris oſtende cauſam illius Proverbii ex Tull. Offic. lib. 3. vel ex Plat. πολιτικὸν β. ità & uſum, qui ex Tullii loco citato petatur ; denique parallelum Anglicum, viz. *he plays leaſt in ſight*. Et in hunc finem non inutile erit aliquando, ſi magiſter horam ſuccifiſſimam conſumat in *Adagiis Erasmii* explicandis. Nec, me iudice, omittere licet *deſcriptiones*, *deſinitiones*, *ſententias* nervoſas, *argumentandi*, *conſutandi*, *conſirmandi*, *amplificandi*, *contrabendi* formulas, *periphraſes*, *ſimilitudines*, *digreſſiones*, *ſynonymata*,

onymata, quorum discrepantia ostendenda est, e. g. in hoc trito Ovidii versu,

—*tunc es quæsitæ per omnes*

Nata mihi terras? tu non inventa reperta es.

Observetur discrepantia inter *invenire*, quod labore, & *reperire*, quod casu : ita observemus differentiam inter *memoriam* & *reminiscentiam*, *donum* & *munus*. Porro derivativæ voces observentur, tam à *Latino*, quàm peregrino fonte, e. g. Lat. *uro* ab Hebr. *אור*. Lat. *balsamum* ab Hebr. *בעל שמן* princeps olei. Lat. *pario* ab Hebr. *פרה* fructum facere, vide verò plura in Viri doctissimi Magistri *Thomæ Haine* dissertatione de linguis. Hinc sæpissime expelluntur tenebræ, quibus Authorum mentes obscurantur: ut patet ex interpretatione versûs istius Mart. lib. II. ep. 95.

Non credo: jura, Verpe, per Anchialum.

i. e. jura *יפרע חי עולם*, *Deus æternus ulciscatur*: Poeta enim alloquitur Judæum, cui solennis erat hæc jurandi formula. vid. *Farnab.* in Locum.

8. Exhibent facundi authores quamplurimas celebres *transitionis* sive *inductionis* formulas, ex quibus oritur eximiæ sermonis incipiendi, connectendi, concludendi facilitas & peritia; his verò omissis frigide procedit totus discursus, & plerunque in
initio

initio squallet, in medio dehiscit, in fine languet : summâ itaque cum curâ colligantur, si huic malo remedium invenires ; *Clarkius*, *Farnabius*, aliique tam ingenio, quàm industriâ pollentes, huic operi manum admo-
verunt, nec ab instituto nostro a ienum est (quoniam eos plerunque instituimus, qui nec huiusmodi formulas collegerunt, nec quidem colligendi viam comprehendunt) pauculas etiam *formulas* transeundi, quasi auctarii loco discentibus porrigere, ut paulatim & juvenilem acuamus industriam, & qualecunque auxilium tyronibus præstemus.

Anne exordiri placet, vel captare benevolentiam ? præsto sunt huiusmodi formulæ

Exordienti.

1. Frustra Cæli (illustrissime præses) nisi & *stellæ* sint ; frustra *urbes*, nisi & *viri*. Vestram ego quoties ad memoriam vocor, reperisse in terris *stellas* videor, aut certè *viros* cœlo oriundos. Quæ lumina ! quæ decora !

Non peccavi in virtutem tuam (rex serenissime) dum terrarum scelus stylo ultus sum : — Nec tu pol'ues *sanctitatem* famæ tuæ, quæ te virum & regem ab inasueti candoris fortitudine celebrat, si amas [*Argenden.*]

2. Quia humanitatis tuæ *genium* sapius

jam sermonibus meis facilem expertus sum, familiaris esse incipio, & eloquor—

Si quantum in me *animi*, tantum *virium* esset (ingenui auditores) nihil facundissimis literarum mystis cederem, sed—

3. Commendo vobis veritatem (auditores) quam hominum malitia, nescio quâ injuriâ, multavit exilio.

Prodite sultis (juvenes) & in grande pietatis (*nequitiae*) miraculum mentes, oculosque configite, quippe—

4. Quorsum orationem quæritis? (*Academici*) anne luctus didicit adblandiri auribus?—

5. Anceps mihi animus (viri pietate, purpurâ, prudentiâ inclyti) an *Timanthem* liceat agere, an *Apellem*, an solenne hujus diei tractaturus mysterium, celando concipiendum relinquerem, an narrando judicandum.

6. Nescio quonam mortalium fato factum sit, (viri mente, voti, studiis liberrimi) quod importunâ quâdam cæcitate, tam faciles sint ad judicandum.

7. Quisque suarum calamitatum nimis sedulus enarrator (heroes, mansuetudine, pietate, clementiâ conspicui) attamen cuique constat, quanta sit nostri doloris causa.

8. Quàm nugax hæc nostra est ætas? quàm puerilis? quàm ludibunda? & tu (*Leonti*) quid quæris?—

9. Quod

9. Quod omnis cogitet memoria, posteritas loquatur [*die*] quem, cum fastis eximi non possit, atrum nobis ac funestum patriæque habendum, judico.

Qui res vestras (legatorum splendor) ab ætate omni florentissimas legerunt, sciunt neque majus apud vos deferri cuiquam posse, quam quod nobis hodie delatum est.

10. Ut verè pietatis verecundiam agnoscam (politissimæ literarum columnæ) audire in hoc loco, & hoc tempore malui modestiæ laudes [*impudentiæ vituperia*] quàm dicere, & potius aures, quàm linguam exercere; *imperat verò meo pudori vestra dignitas.*

11. Si lubens unquam stylum assumpserim (*selectissima Musarum proles*) nunc assumo—

12. Quod alibi *consuetudo*, hic *pietas* solenne facit, (viri humanissimi) luctumque publicum ferali pompâ instaurat—

Si quis grates persolveret, hujusmodi retributione compenset.

Gratias agendi.

1. Ago tibi gratias (imperator *Augustissime*) &, si possem, etiam referrem; sed nec tua fortuna desiderat remunerandi vicem, nec mea suggerit.

2. Miremini viri non purpurâ, quàm virtutibus illustriores) cur nunc demum gratias agere exorsus sum, non sine rubore fatebor—

3. Quid

3. Quid magnificentius? quid gratius? quid gloriosius sperare, imò optare hoc munere potui? cuius si magnitudinem specto, fateri cogor penè immerenti collatum esse; si promptitudinem eorum, qui contulerunt, sine molestiâ obtentum; si utilitatem, arctissimæ meæ necessitati subvênit.

4. Sic igitur agnosco beneficium, ne ingratus videar; & gloriator quoque, ut æstimare me ostendam; agnoscere enim non possum, nisi palam profitear, nec profiteri nisi meruisse videar, *Verum est enim, Beneficium, beneficio dignum censer.*

5. Sæpè diù multumque mecum trutinare animo beneficia principis soleo, quæ incredibili ille liberalitate [*palestræ bonæ mentis*] contulit; cætera tamen omnia mihi fulgor [*imaginis ejus*] tegere, & obscurare penitus videatur: Quid enim præstabilius? quid pulchrius? quid literatis aptius? quàm [*principis eruditi effigiem*] intueri.

6. Valde alienus à *Gratis* omnibus ille videatur, (*vir amplissimi*) cui non & hæc vestra beneficia grata, & hæc ad virtutes invitatio tam amica, tam honesta—

7. Magna tua, & verè dicam inopina benignitas, quæ ex communi quadam, & generoso bene agendi proposito exurgens, omnia circumjacentia loca suaviter irrigavit.

8. Animo magis quàm verbis profiteri possum (*vir consummate*) quàm grata mihi tua

tua comitas, [ſerenusque hic intuitus.]

9. Vigeat, vigeat, inquam in Anglorum pectoribus *Carolina* benignitas, & tantum æternitatis apud omnes reſcat, quantum vel vitæ noſtræ ſuppeteret valent, vel charitatis largiri.

10. Veſtra in imo pectore (Conſules integerrimi) revolve beneficia, & quod apud cœlites fieri ſolet, ſentiendo copioſius, quàm loquendo.

11. Silentio quodam hæſi, & *heroicam* benignitatem tuam admiratus ſum, O radii, ſed improvifi, & è faventis, & ſic dicam, cœli ſinu.

Si objurgares, hæſce habeto formulas.

Objurgandi.

1. Degeneres avorum poſteri——ſordidæ ingeniorum fæces, ſumma virtutum dedecora——ventris [*abdominis, gulæ*] mancipia generis humani ſordes [*peſtis, illuvies.*]

2. Adeſte, & ſi uſquam terrarum ſitis, (virtutis amafii) in hujus ſeculi ſcelera animadvertite.

3. Eloquar? non ſilere licet, *quam maxime impia eſt iſta taciturnitas* [*adulatio*] *quæ dum ſibi peccandi licentiam facit, & aliis audaciam addit.*

4. Facinus novum & inauditum narro, nec magis raritate memorabile, quàm nequitia, quod accidiſſe fertur——

5. Ve-

5. Vefanæ brutorum animæ, nec prudentiæ capaces, nec virtutis [*indolis!*]

6. Ne stylo nostro invideatis (*auditores scelere immerfi*) sed vestris vitiis, si solennitas hodierna formetur in satyram.

Quis vestrum tam indomitè nequam? qui tot declamantium non fidem habeat accusationibus.

7. Antiquorum gloriam cum nostrâ infamiâ conferenti, hæc cogitatio mihi in mentem subiit; Etiam mortalium mores cum mundo senescere, & quovis sæculo in pejus ruere.

8. Satis jam satis vestræ insanix indulstis, jam vos colligite, & vitarum vestrarum censuram agite.

9. Fallor equidem (*auditores*) si non supremum ingenuitatis dedecus hic dies contempnerit.

10. Quousque tandem (*Catilinâ*) abutere patientiâ nostra? quamdiu etiam insanus iste tuus furor eludet? quem ad finem se effrænata tua jactabit audacia? nihil te [*nocturna præsidia palatii, &c.*] moverunt?

11. Quàm insanæ sunt vestræ mentes? quàm fallaces? quàm infausti & vos juvenes?

12. Errant, herclè, & in summâ opinionis perversitate consenscunt, qui——

Si antecedentia consequentibus connecteres, ecce formulæ

Connectendi.

1. Satis de—jam ad cætera transeo—loquor nunc de—videtis juvenes—patet—constat igitur,—sunt & alia quæ—unde perique constituunt.—Nolite existimare—hoc morbo laborant omnes,—hîc morbus dedit errorum [*calamitatum*] catervas.

2. Majorum non poenitere nos decet, qui—bone deus! quid? quæ voluptas? imò quæ utilitas? *Facilis in deteriora lapsus, nec monere incongruum*——

3. Verum (mi Leonti) cernis quàm periculosè [*ab hortis tuis*] in mare, in scopulos, in *syrtes* devenerim? Heu qualis est [*voluptas*] *Siren*? quæ etiam in [*Floribus*] scopulos, & [*in hortis*] posuit naufragia; sed reducat me stella——

4. Ut verò paucis absolvam,—Mirabuntur profectò posteri—sed quia huc devenitum est,—quid verò ambagibus opus?—Interea de hac prodigiosâ [*philosophiâ*] sententiam meam neutiquàm feram; maturioris id erit experientiæ——

5. Et quia [*Fabium, Senecam*] nominavi, non stylum retraham, donec—exuperat mortalium fidem & conjecturam——

6. Quid est istud portenti?—si verò vos
tanta

tanta mancipet infania—quid? Malum!
—Nonne?

7. Res verò est majoris momenti,quàm—
Quid moliemini igitur—Pulchrius hoc
omnibus victoriis, celebrius omnibus tri-
umphis [*coercere*]——

8. Perpendistis sæpissimè—nec desunt ar-
gumenta—Er.gite ergo jacentes animos—
Hoc unum paucis accipite ——

9. Nihil verò familiariùs aut frequentius
quàm—æquo animo conspiciate,—fœliciter,
mihi credite, processistis.

10. *Vestram* verò & *meam* refert (juvenes)—
esto—sit sanè—Nemo tamen adeò delirus
animi——Quorsum verò?—sed oh rerum
discrimen!——Quis verò vestrum adeò in-
sanè nequam? & ut cætera omittam——
quid quæso?——

11. Ea verò est multorum pertinacia ut
[*degenerare*] malint,quàm—Quoniam verò.
—Quæ verò mentes, quibus prudentia le-
ges dedit, perferre possunt?

Si hortari velles, hæ sunt hortandi formulæ.

Hortandi.

1. Stimulorum loco laudes vestræ sint,
(ingenui juvenes) ut eas æstimetis virtutes,
quas—pergas igitur, & bonis avibus, eodem
insistas tramite quo cœpisti—atque hic ju-
cundissimus fructus, præclarum quidem
præmium——

2. La-

2. Latentes excitate indolis scintillas— vos colligite, verèque viros præbete, viros quos posterì mirentur, præsensque sæculum veneretur.— Experire, & si in publico eminere cupis, in publico [*disce*]—

3. Splendidius hoc omni purpurâ, solennius omni pompâ, celebrius omni decore, etiam in primâ juventutis face,—Imponis & amicorum spei, & tuæ indoli, si pergere desistas—

4. Quid igitur grave aut periculosum? quid tot tantisque votis moram injiceret?— si ulla vos vestrum, si ulla reip. cura tangat,—Procedas igitur, & virtutis jussu, auxiliòque clarescas.—pudeat, pudeat, inquam, inter tot monita [*segnescere*.]

5. Hoc ipsum nisi vobis persuadeam, frustrâ toties dixisse videor— scias quo fructu [*obtrectiones*] non duraturas concoquas, & quàm facilè spernere [*impedimenta*] possis, constantiæ thorace armatus—

6. Pietatis tuæ præsidio munitus confidas, nihil molestiæ poterunt, fumum mox flamma dissipabit, dies noctem, sol nubes, invidiam gloria: *Non cessisse malis victoriæ auspiciis est.*

7. Suave olim tibi erit molesta superasse, [*habuisse adversarios*] pulchrum per tot impedimenta crevisse—gloriosum denique— Omnes excita vires, nunquam tam paucis vota sinister eventus excipiet.

8. In

8. In eo versamur munere, in quò [otiosi] non debemus — animosè agamús igitur: *Pulchrum est strenuè agere, & impedimentis nequaquam frangi.*

9. Vost quibus ætas bona est, talem & mentem facite; dignos vos & majoribus & posteris reddite; virtutis, bonique nominis instrumenta capessite, imò facem, quâ in cursu ac certamine studiorum luceatis, accendite.

10. Pectora languentia [enervata, subsidientia] erigite, tituli & insignia vobis decernuntur.

11. Ergo strenuè vos gerite, cæteris specimina estote, in oculis omnium vos versari cogitate, — Nos verò circumferamus oculos, (charissimi consodales) brabium habemus, quod tot votis expetiimus, hoc in conspectu, hoc in oculis omnium versatur.

12. Ad priora sæcula oculos, animos, retorquete, venerandum hunc confessum observatè, foelices nimium, quod tales vobis contigerunt laudatores, [duces] imò foelices amplius, si vos eorum præsentia dignos præstiteritis.

13. Nostræ [literæ] sunt, & jam squallent sub iniquo [indoctorum] imperio; sine injuriâ invadamus, quæ nostræ sunt; cum laude excolamus quæ desertæ sunt; jungite animos, date dexteras, *Vicinus si volumus.*

Si cuiquam debortari placeat, hujusmodi sunt
formule, vid. & objurgandi form.

Dehortandi.

1. Longè meliorem viam natura [*prudentia, justitia*] ostendit.—multa tibi non licent, quæ humillimis & in angulo jacentibus licent; non licet tibi quidquam arbitrio tuo facere.

2. Si mentis acumen salvum habere vultis, ne moveant [*voluptatis*] blanditiæ, quæ potenter illaqueant, immaniter trucidant.

3. Nunquamne adeò odiosa hæc scelera erunt, ut justam apud vos mereantur censuram?

4. Sed ille profectò magnus humanæ mentis error est, & *Vatiniano* dignus odio.--Monstrabo etiamnum non quidem firmiter remedium, sed familiarius.

5. Discito moderationem, & ne dum admones alios, teipsum pessunda: sic rege animum tuum, ut & sapientibus te approbare potes, & ignaris.

6. Nihil vos pietatis decus? nihil sanctimonix candor? nihil bene agendi encomium movebunt?

7. Nec tu amplius, cum tanto famæ dispendio, à proposito recedas; desine si sapias, non deest *levibus monitis grande momentum.*

8. Te pudeat vilipendere, quod tanti facit [*venerandus prudentum confessus.*]

Oh scelus! lenocinantis fortunæ illecebris seductus, nec famæ memineris nec salutis.

9. Quid puta, *Aristides*, *Phocion*, *Fabricius* sensere? ne longus verò *exemplis* sim, tota te condemnat *antiquitas*.

10. Deinde oro atque obsecro, ne te difficilem amicis, & intractabilem præstes. Non est enim quod ignores.—

11. Ast quorsum tot monita? tot lachrymæ? tot preces? vel tui causâ sapias, vel pereas.

12. Indiget hæc pertinacia vel *Suadæ* autoritate, vel *Pythagoræ* dictamine: sed ego non quem audias, sed quid audias, considerare volo.

Omnia incommoda, omnes voluptates futuræ [*peregrinationis*] tuæ ante cognosce, deinde ita naviga——

Si petere quidquam velis, ecce formulæ. vid. etiam conciliandi benevolentiam & hortandi.

Petendi.

1. Suadet tua clementia [*vir dignissime*] ut audacter petam, spreto igitur ingenito & solito pudore, ad aras tuæ munificentiae supplex devolvor.

2. Vobis autem supplico, qui iudices estis, assentite & iuvate, si æqua profero. si ini-

si iniqua, dammate & reprehendite—Adeste igitur, animosque advorite.

3. Mea etiam *Modestia*, excusso quasi iugo, nunc non tam *opem*, quam *tutelam* vestram implorat, quæ hucusque aliis munifica, mihi (ut spero) non nimis erit averſa.

4. Est etiam quod jure quodam à *modestia* tuâ exigam; nec à ſolitâ tuâ detrahent bonitate.

5. Qui ſupplicum conſuevit aſpernari preces, ſuam etiam didicit minuire bonitatem; ne cum *contumaciâ* igitur averſeris, quod cum *humilitate* porrigitur.

6. Video (*Patres conſcripti*) omnium veſtrum ora atque oculos in me converſos; video vos non ſolum de veſtro, ſed de meo etiam periculo ſolicitos eſſe; eſt mihi jucunda in malis & grata in dolore, veſtra in me voluntas, ſed eam per [*deos immortales,*] quaſo deponite, atque obliſi ſalutis meæ, de vobis atque liberis veſtris cogitate.

7. Si quid in me ingenii, ſi qua dicendi exercitatio, ſi qua exorandi facultas, valeant, valeant inquam ad impetrandum—quod *denegare vobis injuſtum, mihi grave.*

8. Tandem verò rogo, ut eruditi lectores [*auditores*] intentionis meæ memores, ſive rectè ſint expedita, quæ propoſui, ſive ſecus, in ſine me deficere non patiantur.

9. Vos vero, (*Sanctiſſimi viri*) quo jam ambitu? quibus liceat convenire precibus?

Anne utar ambitu triſtiſſimæ calamitatis? anne memoriâ veſtræ indolis? quem hæc non moverint, nec mea movebit oratio.

10. Quàm verum eſt quidquid exclamat calamitas! nec ab infœlicibus ficti temerè exeunt gemitus; credite igitur (viri mitiſſimi) & huic ploratu, quod ſoliti eſtis, ferte ſubſidium.

11. Per veſtram indolem, per patriæ ſalutem, per ſpes parentum, vos exopto (juvenes) *Quod facillimum eſt impetratu, non ſine contumaciâ negatur.*

12. Æquum quæſo judicate (judices integerrimi) & quem candorem judicandi expectatis, jam judicaturi exhibete.

Si exemplum citares, hæſce habeto formulas.

1. Utar magnis [*Fabiorum, Deciorum, Cæſariorum*] exemplis, quorum nomina & virtutes ſunt æquè clara.

2. *Cæſarem, Hannibalem, Cambyſen*] cogitate, [*conſpiciſſe*] nemini fortuna affectuoſe blandita eſt, quem non miſerè deſerit.

3. At verò, ſi exemplis ſtandum eſt, ante aëtorum ergo ſæculorum exempla conſpiciſſe, quales——

4. Quantum *Senecæ* debuit *Nero*? Quantum *Ariſtoteſi* *Alexander*? *Inſtituentium morum* exuperant & pupillorum grates & compenſationem.

5. *Sylla*

5. *Syllanas* libidines, *Marianos* furores audivistis, *Sanguine emptæ victoriæ & sanguine venduntur.*

Exolevit [*Phocionis*] mansuetudo, [*Socratis*] veritas, [*Plinii*] industria.

6. Laborat annalium fides, ut [*Regulos, Camillos, Curios,*] exitisse credamus,—ad priora sæcula mentes & oculos retorquete.

7. Pluris *Dioclesiano* requies, quàm imperium; *Scævola* patria, quàm vita.—Pernix ille mundi domitor, hoc præcipuè ambiit, ut——

8. Quid mirum? modestia, integritas, innocentia, in [*Aristide*] opes erant; oh exemplum in tribunalibus describendum! oh mores usurpandi ab omnibus, qui iudicant: tale in *Creta Jovis* simulachrum, & quod aurito *Midæ* possis opponere.

9. Mirari indies cogor, dum mente contemplor hasce industriæ [*pietatis*] vires, hos literarum *candidatos*, quorum splendida virtutes sunt æterna posteris lumina.

10. Non [in *Archimedis* spherâ, aut *Aristotelis* Logico organo, aut *Panæti* iurgiis] latet virtus, sed in mente sui compote.

Exemplis omnis facultas potens est, & cum ad salutem diriguntur, utilem publicè privatimque fructum producant.

11. Hæc [magni illius *Pompeii*] excitant conatus,—hinc [*Fabricii*] gloria, [*Ciceronis*] decus,—ex hoc fonte docti *Chæantibus* turba.

12. Habent hæc [Catonis] exempla imperatorias [dictatorias] quasdam vires, & quæ nostræ imperant imitationi,——Invocant hujus sæculi segnitiam veterum facinora.—A cœlestibus agendum te ad humana converte, videbis gentes, &c.——

Quantus vir fuit ille,——Quis usque adeò ad veritatem conspiciendam excæcatus est, ut ignominiam putet M. Catonis fuisse——

Si similitudinem vel comparisonem annecteres, hæc habes formulas.

1. Stellarum ritu—Belluarum more—in peregrinorum modum—ut ii qui per radios solares ambulant,—quod in *Labyrintho* errantibus accidere solet——Solem fulgentem cernis, sic fulge—anne viatores imitabimur qui—supremi artificis æmuli—cum columbinâ quâdam patientiâ.—muliebres horum iras perpendimus—*lenitate* contranitamur,—quod deus in cœlo, hoc animus in corpore,—quemadmodum & circa cadavera usu venit—*sicut* agricolæ—aranearum telæ sunt—*instar* lolii—*veluti* per aquam qui videt——

2. Mortuus & homicida ambulans, scelerare pari, & turpitudine infœlix: *Videsne* cum nuces sparguntur, ut currunt pueri & rixantur? *idem* isti qui arces diripiunt.

3. Quasi

3. *Quasi cum* colono Deus nobiscum agit,-- Nonne in figuli manu est.

Nos scimus arbores *juxta* vias confitas faxis & fustibus peti—in convivio *si* benè se-deas, cibus & convivæ placent, *ita*—Rarò allisa est navis, quæ modico velo littora legit.

4. Oppida *vise*, & *adi*, non effugies tumultus, procellas *admittimus* nescio quomodo, & *imbibimus* peregrinas culpas,—qui cum rege aut principibus in aulâ versantur,—reges *ut fulmina* esse didici, dura frangere, mollibus plerunque i' læsis.

5. Didici non amare eos, qui temerè scan-dunt in theologorum fines; *hi subitanei flores* citò & cum dedecore marcescunt, etenim profecto id fit, *cum* erroris aut lapsus pe-riculo:—

Hoc cum infortunio iis evenit, qui non edocti fabros *imitantur* per culmina domo-rum aut tecta *incidunt*.

Ut nihil minus expedit, quàm agrum nimis colere, sic censuerim de stylo; nimis ornas? fucus & affectatio apparet.

6. Similis est ipsi aeri vita, quam duci-mus; in probato portu vitam tuam defige.--*ita*—cymbam *adaptasti*. Anne aurum, anne gemmas virtuti *comparas*?—præstat omni divitum apparatus, summumque præcellit principum luxum.

Si testimonium adduceres, ecce formulæ.

1. Authore *Fabio*—Pulchrè *Cicero*—*Seneca* teste,—suasore *Varrone*—*Tacito* suffragante,—ex philosophi ore, effato, mente,—quod olim *Stoicus*,—Nec spernenda *Curtii* autoritas, qui suadet,—

2. Moveat, [moneat] vos *Ciceronis* consilium,—aures animosque philosophorum divinissimo adhibete,—

Haud frustra suavit, orator,—prudenter *Cato*—modestè *Livius*—Valet adhuc *Catonis* dictum—

3. Sic sensit—quo divina verba [senis] referas,—Unde *Fabius*—hæc dixisse constat virum tam ætate quàm sapientiâ validum—*Eleganter etiam citari possunt authorum sententiæ sine authoris nomine.*

Si concluderes, hæ sunt formulæ.

1. Amplius incitare quenquam, ut audiar, nolo; sed prolixè cogitata, carptim abrummam—

Si sapere tandem decrevistis, monentem audite, *Primus sanitatis gradus est velle sanari.*

2. Te verò (lingua) reprime, multum enim dicere loquacitatis, pauca non proferre ingratitudinis.

3. Sa-

3. Satis impetravi ab humanitate vestrà (viri chlamyde, infulâ, purpurâ inclytissimi) quod auditus sum, nunc dammate sermonem si res ipsa displiceat.

4. Sic finimus, & vota nostra ad vos transferimus, (auditores) qui prudentiâ validi estis, ingenio solertes, ut candidè prolata candidè accipiatis,—sed plura frustra: vos denique vivere & vigere jubeo.

5. Valete (*patriæ lumina & columnæ*) supremus rerum humanarum præses faxit, ut omnia vobis publica & privata floreant, in perpetuum; quo vestræ sapientiæ & prudentiæ radii, successivo lumine, ad seram usque posteritatem se porrigant.

6. Vigeat, vigeat, precor in vestris pectoribus hujus solennitatis memoria, & tantum æternitatis reposcat, quantum vel vitæ vestræ suppetant, vel memoriæ largiantur.

—Ne prolixâ verborum serie vos remorarer, dixi.

7. Hoc vera sapientia exigit, ut calamitates animosè subeamus: *Quod coactè igitur faciendum, sponte perficiamus.*

Moribus igitur vestris tempestivè consulite, scelerum fomenta providè declinate; non est major insania, quàm nolle exitium certum evitare.

8. Conticeant verò oratores [*facundiæ*] laudes, cum ipsi fato functi conticescemus, audientur; & quamdiu apud [*Anglos*] in pretio

pretio erit eruditio, [*pietas, virtus*] in pretio erit [*facundia.*]

9. Quam maximè veſtrâ refert hoc audire, nec ineptum me dicere.—Haud aliud ſuadeo, quàm quod ipſi poſteris ſuadebitis, ſed quantum quiſque ſapiat intelligam, ſi [*parſimoniam*] æſtimet.

10. Abſit talis patientia, quæ induget ſcleribus non niſi cum reip. interitu tolerandis,——

Veſtalis incendii inſtar ſplendeat, in perpetuumque reviviſcat, huius ſcleris memoria; quippe hoc, apud omnia ſæcula, ſclera meruerunt, perenni infamiâ & dedecore in omnibus animis vigere; Privati indulgenter ignoſcendum delictis, publicis odium perpetuum indicendum eſt.

11. Cum epiphonemate non inveniſtè concludi poteſt, e. g. *geminat peccatum, quem delicti non pudet.—ſælices qui tot conſpexere mala, nec adhuc fæces imbiberunt.——Nulli contationi locus in eo conſilio, quod non poteſt laudari niſi peraëtum: Tutiffima ea pax quæ bello emitur,—ſplendidiffima illa virtus quæ latiffimè ſe diffundit.*

12. Pudeat igitur, pudeat, inquam, veſtram virtutem, quaſi ſummæ conſciam imbecillitatis, deliteſcere, audete aliquid ſupra vires; amicorum ſpes, hoſtium motus anteite, non paucos peſſundedit mollis in negotiis animus——ſi quid tædii à prolixitate

tate contraxiſtis, argumento condonate, dixi.

13. Vive (optime princeps) & foeliciter impera; te ſuperſtite miſeri eſſe non poſſumus; te mortuo, vix foelices: in te quid quid ſperare [*Britanni, Belgæ*] audent, conſecuti ſunt.

14. Sed vereor ego, ne dum copioſè nimis [*parvos*] laudando, longius quam par ſit, ſe provehat oratio, & in id ipſum vitium incurrat, quod contemnit, aut in aliis ignominioſum reprehendit. Dixi.

Sic haſce quales, quales formulas, partim ex *Tullii, Fabii, Puteani, Lipſii* theſauris; partim ex tenui noſtrâ ſupelleſtili, concinnaviſimus; Ingenuis juvenibus liberum eſto, vel hiſce (ſi tali dignentur honore) uti, vel alias earum in modum excudere, aut meliores ex politiffimis authoribus excerpere; ſibi parent igitur juvenes librum chartaceum, cui omnes hujusmodi formulas inferant: Hoc denique in hiſ noſtris formulis pueri obſervent, iſtas voces, quæ diverſo charactere ſcribuntur, poſſe variari. Merces expoſuimus (ut videtis) quiſque liberè ſeligat eas quæ maximè placent.

9. Inter legendum obſervetur contextus & argumentum uniuſcuſque diſcurſus, hoc enim plurimum intellectum promovet, & memoriam confirmat.

Ita

Ita quodcunque obſervatione dignum à magiſtro inculcatur, à pueris cautè obſervetur, in prælectione dandâ, & exacta ratio iterum coram magiſtro detur, videbuntque magiſtri proſectum uberrimè tantos labores compenſantem.

3. De Imitatione.

Quod genus humanum eximiis quibusdam privilegiis cæteris præſtat animantibus, non *naturæ* ſolùm opus eſt, ſed ſupremæ illius prudentiæ *fontis*, cujus caput in coelis, fluenta in terris; ſi *imitationis* igitur originem petamus, videmus quo conſcendendum, ſupremus ille artifex, qui igniculos quosdam humanæ menti indidit, quibus ferè ad omnia naturalia imitanda accenditur; fecit omnia ad *imitationis* quandam neceſſitatem propendere, & in ſolâ *imitationis* ſummitate acquieſcere. Hinc ſæcula ſæculis ſuccedunt, & tam ſcientiâ, quàm virtute pollentium imagines poſteris traduntur; hinc eruditi inſcios præeunt, & tam civilis, quàm cœleſtis vitæ luminaria mortalium oculis præponuntur, ut dum ad perfectionis ſummitatem commonſtrent viam, ad inſiſtendum alliciant. Conſtat, per exempla compendioſè ad pietatem perveniri, nec aliter ad facundiam. Inſunt facundis authoribus

thoribus latentes thesauri, quos legentes eruant, & suæ suppellectili immisceant; solent hortorum cultores extraneas plantas suis areis inferere, ut variâ collectâque copiâ partim usui consulant, partim deliciis: nec aliter illis faciendum, qui facundiæ seminariis præsumt, sententias & discursus affatim colligant; ut inter tyrones affatim dispertiant. Est *imitatio* celebris illa medela, quâ omnibus inventionis morbis occurramus: paucorum quidem ea foelicitas est, ex propriæ mentis operatione (sine aliorum subsidiis) selectissimas eloquentiæ gemmulas excerpere; adolescentes ideò hortor, se ad legendos oratores inclytissimos accingere, & sicut M. *Alexandri* adulescentes solebant, regis gestus, sermones, gressus imitari, ita cum authore facere, periodorum structuras, sententiarum pondus, compositionis artificium, ut attingant, studere; hinc *sacra* illa literarum fitis expleatur, hinc omnes mentium areolæ irrigentur. Quod ipse suadeo viri eruditissimi fecerant, quorum exacta & polita *imitatio* sit tenuiori nostræ *imitationi* aculeus, & eodem modo nostri fluant rivuli, quo aliorum *Oceanus*. *Virgilius* *Homerum*, *Hesiodum* *Theocritum*; *Horatius* *Pindarum*, *Seneca* *Tragædus* *Sophoclem*, & *Euripidem*; *Cicero* *Demosthenem* foeliciter & graphice imitatus est; nec tantus forsitan ex illis quisquam extitisset, si hujuscemodi non esset

esset usus luminibus. Nostro etiam pene se-
 culo, cujus foelicitas fuit, ex tenebricoso de-
 liquio literas videre revalentes, *Nizolius*,
Orosius, *Talæus*, *Bucklerus*, *Sturmius*, *P. Ra-*
mus, cum sexcentis aliis *Ciceronis*: *Barclai-*
us, *Lipsius* cum facundo suo discipulo *Putea-*
no, *Senecæ* Philosophi & *Taciti* vestigiis in-
 hæserunt, & nervosam succinctamque bre-
 vitem, quàm hi inter veteres sunt amplexi,
 nostro etiam ævo è ruderibus suscitârunt;
 hoc solo modo, (& sine modestiæ dispendio
 dicam) à tritâ & pulverulentâ semitâ in-
 ventionis, juvenes evadant: porrò imitatio-
 nis subsidio, peritorum haud dissimiles pi-
 ctorum, eâdem cum facilitate gratissimam
 venustatem delineare possint, quâ imperiti
 rugam aut verrucam, eâdemque prompti-
 tudine placidissimas facundiæ delicias attin-
 gant, quâ alii nævos: nec nobis difficilius
 erit suadæ medullam, quàm imitationis in-
 ficiis, cutem pertingere. Experiendo discent
 tyrones quantæ sunt imitationis vires, si om-
 ni lectione se ad imitandum accingant. An-
 cept verò mihi animus, utrum tam egregi-
 um facundiæ ornatum pueris solum com-
 mendando, non summâ eum afficerem in-
 juriâ. Est imitatio summis *Theologiae* candi-
 datis non indigna: illorum enim interest,
 in quorum ore nugæ sunt blasphemiae, omnia
 tanquàm coelestia oracula proferre. Arescet
 quidem illud brachium, quod in deum eri-
 gitur,

gitur, & perpetuo dedecore obstruetur illud os, quod postquam in creatoris gloriam consecratur, se contra creatorem aperuit. Habent stupendam illam SS. *literarum* eloquentiam; habent Beati *Athanasii, Chrysostomi, Gregorii Nazianz. M. Basilii*, aliorumque *Græcæ Ecclesiæ* luminarium radios, per erudita eorum opera, nostro etiam seculo diffusos. Habent B. *Augustini, Ambrosii, Hieronymi* conciones, in quibus veræ pietatis cum virili facundiâ videant concentum: nimis prolixum foret recentioris hujus ævi decora recensere, in quibus si versemur nec exuccos discursus, nec inanes & malè coctos verborum tumores evomemus. Memini verò me *subsellia* adhuc non *rostra* occupare, nec meum est ultra pulverulentum meum gyrum ascendere. Attamen non penitus indecorum est, illum qui *Christi* agnellis præest, se ovium pastoribus aliquantulum immiscere, & vel tanquam frater vel amicus monere.

Facilis in errores lapsus, difficilis regressus; mali enim instar genii quemque mortalium à cunis ad sepulchrum comitantur. Nullum corporis membrum, quod propriis quibusdam non laborat morbis, nec ulla mentis facultas, quæ non suos patitur nævos. Quis igitur expectaret *inventionem*, sublimem agilemque illam mentis operationem erroris contactu altiore fore? Patet aliqua esse in-

inventionis vitia, quæ à facundiæ callentibus fuerunt obſervata, & à nobis ſunt obſervanda, ne ingenua ſedulorum indoles, portum dum appellit, naufragium in portu faciat.

Errores imitationis ſunt (N. Cauſin. de eloq. lib. 3. cap. II.)

1. Eorum qui omneſ imitantur, promiſcuè & ſine delectu, etſi non ſterilitatem ſolum ſapiant, ſed barbariem; Cæca ſtomachi voracitas, primò concoctioni, dein ſanitati officit; minus ſincera enim alimenta ſanguinem generant putidum & vitioſum: ſic *authorum* ſtyli inſipidi & malè cocti ſibi ſimilem generant ſobolem, eaſdemque dotes egregias referentem, qualis eſt Apuleianus, & non paucorum aliorum. Ut huic vitio occurratur, conſulendum prudentes eloquentiæ artifices, & ex eorum iudicio, authores maximè politos, graves, ingenioſos, eligant.

2. Eorum qui uni nimis & adeò pertinaciter adhærent, ut negligent alios, tam in ſtudiorum progreſſu, quàm introitu. Varios apes delibant flores, nec ex unico mella conficiunt; ex variâ etiam authorum imitatione, ſi à confuſione prudenter caveamus, latiore nobis adſciſcimus inveniendi campum, & ex concinnâ ſonorum varietate, ſuaviſſimum loquelæ melos conficimus. Cum ſuadæ palæſtram primò ingredimur, tere

gredimur, unicus *Cicero* sufficit; in progressu, plures sunt necessarii. Festivum fuit illius *Ecchūs Erasmiānæ* responsum, quod ad decennalem *Moriæ* servitutem cum damnavit, qui, per decennium, ipsi *Romanæ* facundiæ dictatorem studiorum nervos * impen-
 disse. Placet suavitas, & naribus consuli-
 mus, quare pensilibus uteremur Adonidis hortis? Patent ubique amplissima viridaria, in quibus ferta colligamus; Ne angustum itaque annulum pueri gestent, nec in uno stadio mentis coerceant impetus; indigni sumus *copiā*, *copiā* si uti nesciamus.

3. Eorum qui in eisdem sententiis imitandis, & in unico eodémque inventionis compositionisque curriculo nimis otiosè inhærent, Epimenidis gravi sopore correpti non dissimiles, multos annos in eadem speluncâ conterunt, tam aures, quam palatum satietatem patiuntur; *oratore* igitur indignum inter delectandum fatigare. Qui terrarum situs lustrant, non in eodem vico subsistunt, sed urbium, regionum, fluviorum varietate pascunt oculos, & itineris tædium relevant; parit fastidium, redolet ignaviam, segnis illa, & nimis inculcata repetitio; consulas itaque famæ, futuræ consulas perfectioni, ingeras teipsum in variam *Oratorum* copiam, fideliter ingenium exerceas, si malles facundiam ambire & nitorem, quam sterilitatem tibi inducere, fastidium aliis parere.

H

4. Eorum

4. Eorum qui adeò imitationi inhærent, ut propriam non exercent inventionem; utuntur infirmi baculo, non ut virium abdicent uſum, ſed ut debilitatem ſuffulciant, nec adeò adhibenda eſt imitatio, ut proprii ingenii vires enervet, ſed confirmet: fruſtra addiſcuntur artes, ſi non exerceas; fruſtra natura contulit vires, ſi non utamur: Ab agris non expectamus ſemina ſed exigimus; minimum eſt quod ſeris, maximum quod expectas. Plura quàm natura contulit, induſtria ſperat. Nulla eſt eximia mortaliſum operatio, in quâ non eſt aliquid *imitationis*; attamen vel in infantia ſemper manſiſſent artes, vel ad maturitatem non perveniſſent, ſi induſtria imitationem non coronaviſſet.

5. Eorum qui incultè, & ſine judicio imitantur, ſimix illius æmuli, quæ nutricem conſpicata puſionem faſciis exutum calidâ lavantem, per fenestram irrepsit, infantemque negligenter relictum, dum nutricem imitari tentat, fervidâ abluit, & ſuffocavit; ita *miſerrimus infans ridiculo ſanè more ſerò extinctus eſt*. Requiritur judicium, requiritur artificium, tam in ornando, quàm componendo; ut, ſicut in ſpeculis ſe intuentibus accidit, tua imago omnibus *authoris* lineamentiſus adæquatè reſpondeat.

Ut verò cum laude imiteris, hæc tria ſunt imitanda,	[<i>Inventio.</i>
	[<i>Dispoſitio.</i>
	[<i>Elocutio.</i>

1. Non ſibi germinant arbores, non ſibi lucent ſidera, nec ſibi ſcaturiunt fontes, ſed *Magnæ* omnium *matris* æmula, in publicum mundi ærarium ſua dona conſiſcunt; ita ſacundia arbores, literarum lumina, ſcientiarum fontes, non ſibi ſed nobis benefica ſunt: hinc ſacundia nitorem eruditi indigitârunt, ut conſtanti quodam ambitu, poſteri aſſequerentur. Ut virorum, in omni ſæculo, ſucceſſio eſt, ita artium; & ut priora ſæcula nobis lumina ſunt, ita ſi majoribus digni ſimus, erimus poſteris. Non pudent illos egregios *poëſeos* & *oratoriæ* Myſtas, quibus ultimam literæ debent perfectionem, ad priora ſæcula mentes retorquere, & ab illis inventionis ſubſidia mutuò accipere, nec aliter nos faciamus, obſervemus, quas *inventionis* anſas ſibi arripuerunt, quibus argumentis ſe explicuerunt, ut pro virili aſequamur: obſervemus etiam, quos fontes petierunt, quos locos Topicos vel Rhetoricos adhibuerunt, ut in eoſdem alveolos, noſtros rivulos derivemus.

2. Non inutile est consideratu, ex quibus partibus veterum orationes constant, quomodo materiam tractandam disponunt, quomodo priora sequentibus connectant, quomodo thema suum amplificant, sic, ut inter aulicos versantibus evenit, nostram barbariem ex quotidianâ politorum exemplarium inspectione corrigamus, ex *Demosthenis* lectione non mediocris decor petitus est, quo gloria *Ciceroniana* splendidius illuxit.

3. Per elocutionem intelligo non pronunciationem solum: grande illud oratorum decus, quod *Herculis* illius inter *Gallos* instar, auditorum linguas suæ linguæ alligatas retinens, quocunque placet ducere valebit, & quod foelicissimè in vivis exemplaribus cernatur, sed etiam placidum periodorum casum, & ab anfractibus immunem, qui in pronunciatione *Veneres* quasdam & delicias producit, audientium animos demulcentes, & in chartis etiam suam suavitatem non amittit. Doctos in hac re consulite, sed præsertim propriæ vocis *tenorem* & *suavitatem*, quibus potius acquiescatis, quam tenuibus hisce monitis. Ita ingeniosè inveniendo, artificiosè disponendo, suaviter proferendo, gratam pueri spirabunt jucunditatem, illiusque *Philomelæ* haud dissimiles, quæ ad *Orphei* bustum nidulata est, dum facundia coryphæis, quam proximè accedunt, vocis gratiorem suavitatem contrahent.

hent. Ut verò semitam magis adhuc dilucidam reddamus, utque ad hæc tria facundia decorâ pueri faustè attineant, assequenda est imitatio

} *Generalis.*

} *Specialis.*

1. *Specialis* imitatio est particularium clauicularum, & periclitur

1. excerpens ex authore clausulas imitatione dignas.

2. verborum numerum situmque in authore considerando.

3. eodem modo clausulas nostras cum authore disponendo, & eisdem orationis partibus utendo, adeò ut *nomen* loco nominis, *verbum* loco verbi, *præpositionem* vel *adverbium* loco præpositionis vel adverbii substituamus. Nec non admirationis vel interrogationis puncta adhibenda sunt, ubi eadem ab authore adhibentur.

Hoc verò postulatam in præcognitis (si meminerint) lectorum iudicio reliquimus, ut considerarent an lingua vernacula facundia tyrocinio non commodè inserviret; ne igitur à nostris ausis excideremus, & ut nostra postulata confirmaremus, specimen quoddam vernaculæ *imitationis* proponemus, & *Pictorum* ritu illam prius effigiem rudioribus adumbrabimus lineis, cui postea periti-

ores manus admoveantur. Cum Pueri igitur ad aliquam ingenii maturitatem pervenerint, & mediocriter linguam Latinam calluerint, eligatur epistola polita, & faceta, aut oratio meliori limâ concinnata, quales apud nostrates passim reperiantur, præsertim in V. D. Halli Episcopi Exon. operibus: de quo, ut B. *Augustinus* de *Varrone*, Vir undique doctissimus, qui tam multa legit, ut aliquid ei scribere vacasse miremur, tam multa scripsit, ut vix quidquam legere potuisse credamus; addo, hoc enim in *Christiani* laudem efficacissimum, qui tantum temporis meditationi sacræ impendit, ut nihil aut scriptioni aut lectioni superesse videatur: ad puerilia opera verò, non uti liceat, tam celebri instrumento—eligantur etiam *Feltemi* variegata diatribe, quàm Anglicè *Resolves* nuncupavit, *Balzaci* epistolæ, *Livii* aut *Salustii* orationes, Anglicè donatæ, & in primâ operatione, ut à specialioribus ad generaliora ascendamus, breviorum sententiarum structuram imitentur, e. g.

1. *There is not so much misery in want, as trouble in satiety.*

Sic imitamur:

There is not so great calamity on earth, as happiness in heaven.

2. *Great favours are always like golden fetters, and subject the receiver to a glorious thraldom.*

Sic

Sic imitamur :

Fair words are often like sugred popsons,
and allure the hearers to dangerous resolu-
tions.

3. *A man besotted by sensual pleasures, can-
not be withdrawn by severe corrections.*

Sic imitamur :

A mind bewitched by sinfull passions,
will not be ordered by solid reason.

Videant juvenes hanc imitationem sic or-
dinatam esse, ut vox voci continuè
respondeat.

2. De *generaliori imitatione* notandum est,
quòd non unicæ sententiæ structura imitan-
da est, sed totius discursûs ; Eligatur igi-
tur huic operi nec eadem cum authore ma-
teria nec penitus diversa, sed quæ eandem
subeat compositionis formam, & similibus
Rhetoricæ floribus ornetur, viz. ubi *author*
de *calumniâ*, *modestiâ*, *justitiâ*, agit, forment
pueri discursum, de *superbiâ*, *fortitudine*, *pru-
dentiâ* : hîc etiam observetur argumentandi
methodus ab authore adhibita, omniâq; alia,
quibus authoris nitor elucet. Nec proscri-
bimus furtum illud *Laconicum*, quo puerilis
ingenii acumen apparet ; “ Imitere, inquit
“ *Lipsius*, non elaboratè solùm, sed & affe-
“ ctatè, & cupidè, sic inquam, ut color
“ quæsitus & fucus appareat, imò & fur-
“ tum, ut pueros nihil pudet, cum scribere

“ diſcunt per ſingulos literarum apices,
 “ quali alienâ manu duci. non item hîc te,
 “ clauſulas, membra, & periodi cuiuſdam
 “ partem, cum veniâ ſæpe inferes, & Ten-
 “ tonem è *Tullii* purpurâ contexes, paulò
 “ poſt daturus tuam. Res aliorum famili-
 ares furripere inhoneſtum: Sermonum ve-
 rò opulentiam, furtim ex aliorum theſau-
 ris depromere non abſurdum. Ad hæc, ubi
hortatoriam orationem author habet, ibi in
hortatoriâ; ubi *vituperatoriam*, ibi in *vitupe-*
ratoriâ: ubi *petitoriam*, in *petitoriâ*, puer ex-
 erceatur: ubi author *allegoriâ*, *metaphorâ*,
apostrophe, &c. utitur, ut iisdem utatur puer
 ſe accingat. Magiſtro etiam non abſurdum
 erit, (ut prius monui) his exercitiis ad in-
 cudem redactis, oſtendere exemplaria, pro-
 prio labore, ad authoris imitationem con-
 cinnata. Exemplum hoc *Salluſtianum*, & no-
 ſtram tenuioris ſtyli imitationem perpen-
 dat Lector, & re penſitatâ iudicet:

Worthy General,

WE call God and Man to witneſs, that
 we have neither taken up Arms againſt
 our Countrey, nor to endanger others, but to pro-
 tect our own Bodies from injury, who being for-
 lorn and helpleſs, through the violence and cru-
 elty of Uſurers, and deprived moſt of us of our
 native Countrey, all of our good Names and E-
 ſtates;

states ; neither may any of us, as our Ancestors have done, enjoy the benefit of the Laws, nor now we are cashiered of our Goods, have we our Bodies at liberty. Such hath been the injustice of Usurers and of the Prætor. Oftentimes heretofore your Ancestors have by their Decrees mitigated the distress of the Commons ; and of late, in our own Memories, when they were extremely run into debt, by the consent of all good Men, it was paid out of the Common Treasury. Oftentimes the Commons themselves, either tickled with a desire of Magistracy, or being backed by the insolence of their Commanders, have revolted from the Senate ; but we crave neither Sovereignty, nor Wealth, which are the grand incentives to Wars and Uproars, but our Liberty, which no good Man will forgo, but with loss of life. We most humbly beseech you, and the Senate, to take into your Protection us distressed Citizens, restore unto us that protection of the Laws, which the injustice of the Prætor hath deprived us of, and bring us not into that necessity, as to hazard our Lives to revenge our Blood.

Sic imitamur.

Filius fingitur ſe excuſare.

Dear Father,

BOTH Men and Angels bear me witneſs, that I never willingly entred upon any practice, either to diſcontent you, or offend others; this hath been the ſumme of all my Studies, to keep my ſelf free from fault or cenſure: Being, I confeſs, young and un-experienced, I have often touched upon the verge of vice, and ſometime entred the circle, yet could my faults never be aggravated by perverſeneſs in ill-doing, or by reſiſting counſel. The ſlips of my youth theſe malicious Informers have made ſo haynous, that they ſeem ſufficient to debar me, partly of libellhood, altogether of friends and encouragement. Neither dare I, as many young men have done, clear my ſelf by a juſt defence; nor now I am deprived of your favour ſeek for any other mediators, but your own goodneſs, for relief of my miſery: ſuch is the calamity of oppreſſed innocency, that it hath leaſt ſupport, when moſt dejected. Therefore (dear Sir) if the voice of innocency may be as loud as the voice of calumny, let me not deſpair of Audience; give me

me leaue to hope, that a father's howels are as potent orators as a son's misery; and that while calumny would dam up the way to labour, fatherly compassion will not forget to be mercifull: he that bears the name of a father, cannot forget the tears of a child. Many times heretofore fathers have pardon- ed the errors of their children, and with their own skirt covered the nakedness of their off-spring. Nay, though they have fal- len, gentle usage hath encouraged them to amendment: Oftentimes slippery youth hath seemed to merit compassion, because se- duced by the exorbitancy of others, and by promises of wealth and honour, the rewards of well-doing, hath by a kind of pleasing violence been drawn to amendment; But I crabe neither riches nor greatness, only your labour, and the fruit of it, a gentle au- dience; by this you may win a stouter heart than mine to submission, and this I prize more than life or liberty. Restore me, I beseech you, Sir, to that access which unjust accusation hath debarred me off, and lay not upon me that sad necessity to grow despe- rate through the loss of your labour.

Item P. Valerii Publicolæ ad popu-
lum Rom. Oratio.

CAN then no vertue be ſo ſufficiently tryed
by you, as not to be undermined by ſuſpi-
cion? ſhould I fear, that I the moſt bitter ad-
verſary of Kings ſhould undergo the accuſation
of affecting a Kingdom? Should I dwell in the
very Tower and Capitol, could I think that I
was feared by my own Citizens? Does my good
name among you hang upon ſo ſlender a pin? is
my credit grounded ſo weakly, that it more con-
cerns you (to look) where, than who I am?
P. Valerius his houſe ſhall not impeach your li-
berty, you ſhall have the ſafe poſſeſſion of Velia,
I will not only bring down my houſe into the
plain ground, but will ſet it below the hill:
that you may all dwell in a higher ſtation,
than I a ſuſpected Citizen; let him build (his
houſe) on Velia, with whom your liberty may
be more ſafely intruſted, than with P. Valerius.

Imitatio, ubi Socrates fingitur cauſam ſuam
apud Athenienſes agere.

SHALL this ſtill be the reward of vertue to
be purſued by calumny? Can I, who
with the pureſt hands, and ſincerest heart
have worſhipped your gods, be thought a
contemner of them; you know that I have
been

been pious to men, and how should I be impious to your gods? unless to bring down Philosophy from heaven be impiety, or to elevate mens manners to a similitude of the divine Perfections be unlawfull and intolerable. Surely suspicion is the off-spring of malice, not the issue of a loving mind: you indeed envy my vertues, or fear lest the same crime should be charged upon your selves, for I know not whether is worse impiety, to say the gods are wicked, or that there are none at all: But, how can I be sacrilegious, whom the same Oracle, which you magnifie, hath vouchsafed to prefer before all the world for wisdom? Indeed if this be sacriledge, to think the Deity neither an adulterer, as your Jupiter; nor false, as your Mercury; nor drunken, as your Bacchus (the best of which are as bad as the worst of men) then call me impious: for I must neither think the heavens to be quartered among multitudes of Deities, nor the divine powers to be subject to humane vices, but that that glorious essence which rules the world is far above both man's frailties and corruptions, and you your selves count the best of men most like your Deities; neither do you account it piety to be vitious. Well, enjoy your own follies, and let me dye to expiate your wickedness, and let them inform you better of Divine Mysteries,

ries, who may more safely pry into them than Socrates.

Ita *imitatio* tam generalis quàm specialis in linguâ vernaculâ adolescentes quasi manu ducat ad imitationem in linguâ Latinâ. Primò itaque habetis tenuia quædam specimina imitationis specialis in linguâ Latinâ, c. g.

1. Optimus est post malum principem dies primus.

Imitatio.

Suavissimum habetur post res adversas quies tranquilla.

2. Summum Cæsari rerum iudicium, nobis obsequii gloria relicta est.

Imitatio.

Omnis deo arcanorum cognitio, viris cognitorum veneratio mandata est.

3. Non de prolatando imperio nobis res est, nec transmarinas provincias petimus; de Italiæ possessione certatur, pro aris & focus dimicamus.

Imitatio.

Non de cumulandis divitiis, mihi curæ est, nec lubricos honores capto; de mentis puritate laboratur, pro pietate & fide contendo.

4. Malè est extra legem viventibus; quidquid meruerunt semper expectant.

Imitatio.

Pessimè erit contra conscientiam peccantibus:

bus : quidquid patrârunt, mæstè meminerunt.

5. Temeritas omnis animorum, debilitate corporis frangitur ; & frigescunt impetus mentium, quos non explicant ministeria membrorum.

Imitatio.

Violentia procax cupidinis perpetuitate calamitatis domatur ; & hebescent libidinis arma, quæ non acuit opulentia audacia.

Cuique hæc exempla in animo volventi patet, quantum peritiæ tyronibus instilletur, si in sententiarum celebrium *imitatione* exerceantur. Quis *Themistocles* non aliquem sibi deliget *Miltiaden* ? cujus heroico exemplo ad fortiter agendum incitetur. Quis mortalium tam stupidus ? quem eruditorum *Lingua* non ad similem loquendi decorem non movebunt. Quicquid elegantia aut nitoris in authoribus occurrit, juvenibus facile si observent, proprii juris fiat. Est *imitatio* tacita quædam pictura, & fidelius quàm cera aut metallum, formam delineat ; exprimit ingenii motus, sermonis suavitatem, inventionis acumen. Querimur homunciones, nec iniquè, perversam scelerum imitationem virtutis vires enervâsse ; malèque agendi consuetudinem nequitia maturitatem confirmâsse, nec ullum scelus tam odiosum, ad quod ducibus exemplis non pervenitur. Absurda imperitorum æmulatio

mulatio artium pulchritudinem ſœdavit, eaſdemque vires, quas in doctis cernimus ad artes promovendas, habent indocti ad deformandas. Anne *Solis* ætatem agis? *Solenſem* redoles barbariem; difficile eſt loquendi errores evitare, ubi frequenti errorum confirmantur privilegio: *Athenienſem* verò ſi imbibiſti ſuavitatem, ingentis puritas ornatæ locutionis ingenerat conſuetudinem, conſuetudo verò neceſſitatem. Habet *imitatio* utrinque ſuas vires, & placidâ quâdam violentiâ, vel ad bonum alleſtat, vel ad malum ſeducit. Noſtrâ verò refert, in meliùs convertere, noſtrâ, inquam, quibus inſitus eſt *imitationis* quidam fervor, & conſentaneum quoddam reliquo humano generi ſtudium, pueri ſenes, ſubditi reges, diſcipuli doctores, omneſque gentes populos ſibi conterminos contumaci quadam proſequuntur imitandi cupidine. Obſervemus etiam mutuum imitationis exercitium, inter iſta animântia, quæ ad rationis dignitatem non pertingunt, & illa quæ fruuntur diviniſſis mentis privilegio. Lûdicrum quid aggredi viderer, & dum appetitum movere ſtudeam, commoverem faſtidium, ſi canes, equos, ſimias, volatiles enumerarem; teſtetur omnium vice (ſemel enim emblemate rem agam) Philomela lyricinam imitari ſtudens, quæ canendo devicta ſuper lyræ fides occubuit.

Cum teneri Philomela comes placidissima veris

Dulcibus Auroram sisteret illecebris;

Et modo lenta trahens veluti suspiria fleret,

Sorberet fractas garrula mox lachrymas;

Fortè sub herbosa recubans testudine Vates,

Dicitur innocuas increpuisse fides.

Audiit has vicina canens Philomela canentes,

Cœpit & hic primum displicuisse sibi.

Ut tamen auderet, cantu perstabat inani

Cominus argutam sollicitare lyram:

Jamque susurrantum sonitus imitatur aquarum,

Mox velut levatâ provocat arma tubâ:

Deinde sepulchrales singultit Præfica lessas

Carminè concisas adnumerante preces.

Donec languida sensim & mortua suspirando

Terruit attonitam lapsa repente lyram.

Namque fides inter jucunda pericula quærens,

Concidit, & visa est dicere, Cedo lyræ.

Mat. Caf.

p. 234. &

F. Strada.

240.

Nec detrahimus à celeberrimarum Artium dignitate, dum eas à brutis contendimus esse acceptas; nec mortalium minuitur gloria, si à brutis instituantur. Summus ille Architectus mutua, inter omnes creaturas, benevolentia semina conservit, nec dedignetur quisquam ab eâ creaturâ institui, in quâ etiam haud obscura divinæ benignitatis conspiciat vestigia. Quid igitur in *Medicinâ* utilissimum? quid in *Astronomiâ* abditissimum? quid in *Musiciâ* gratissimum?

num? quid in *architectonica*, texturæ, venerationis uſu ingenioſiſſimum? quod non vel brutis acceptum referimus, vel ex brutorum imitatione reddidimus perfectius: utrum in cœlorum arcem conſcendas, vel in terræ viſcera penetres, ibi non deſunt *imitationis* occaſiones & uſus. Si valeat inter mortales, ſi proſit, ſi delectat animantium extra rationis orbem poſitorum *imitatio*, quæ ventri prorfus obedientia, & majoris ſcœlicitatis incapacia ad nihil creaturarum epitomes dignum pervenire poſſunt, quanto magis nobis imperaret eorum imitatio, qui artes, facundiam, mores, eximiis & animi & corporis dotibus illuſtrârunt, & qui ad extremos temporis fines celebres nominari meruerunt? Magiſtros itaque monitos velim, ſeligendas eſſe ſententias graves, ingenioſas, politas, (quorſum enim futiles & inanes?) à quibus & Suadæ decor, & delicatiores aures abhorrent.) puerôſque ad earum imitationem incitandos eſſe: hinc eximiè maturabunt proſectus, & in primâ adoleſcentiæ face, celeberrimorum authorum ſtylos ſine *Herculeo* labore, aſſequentur.

Sic ab *imitatione ſpeciali* ſemita patefacta eſt ad *imitationem generaliore*m, quæ non unus ſolùm ſententiæ, ſed totius diſcurſus fabricam imitari ſtudet; adeò ut in Suadæ templo erigendo illa videatur materiæ ſtrues & præparatio, hæc coronis & perfectio;

fectio; vel potius illa *ædis Musarum* pronation, hæc adytum & sacrarium.

Exemplum imitationis generalioris in
Linguâ Latinâ.

I. Liv. dec. V. C. lib. 2. Mutius Scævola
Porcennam alloquitur.

Romanus sum civis: C. Mucium vocant,
hostis hostem occidere volui: nec ad mortem mi-
nus animi est, quàm ad cædem fuit. Et facere &
pati fortia Romanum est. Nec unus ego in te
hos animos gessi: longus post me ordo est, idem
petentium decus. Proinde in hoc discrimen, si
juvat, accingere, ut in singulas horas capite di-
mices tuo: ferrum hostemque vestibulo habeas
regiæ: hoc tibi juventus Romana indicimus
bellum. Nullam aciem, nullum prælium timue-
ris: uni tibi, & cum singulis res erit.

Imitatio.

Demosthenes in Philippum Macedonum Regem
sua odia carptim exponit.

Atheniensis sum civis: Demosthenem nun-
cupant, ipse patriæ amator, patriæ hostes
odi: vera pietas veræ pietatis oppugnato-
res odio habere suadet. Nec ad facinora
mihi minus audaciæ, quàm ad minas fuit.
Ad Athenas defendendas jamdudum ac-
cinctus fui, & harum causam tam perferre,
quàm

quàm patrare miranda constitui ; huc sty-
lum, ingenium, gladium direxi ; Nec uni-
cus ipse in vos hoc odio accendor, pulchra
post me caterva est eisdem animos geren-
tium, eandem petentium gloriam ; proinde
majora adhuc vos manent pericula, nec sta-
tuuntur *Atheniensis* virtutis limites. Et ho-
stes & speculatores in sinu regni habentes,
omni momento discrimina subitis nova ;
perpetuos hostes, perpetua odia expectate,
nostras vires, nostros animos experieris,
quippe non mecum sola res est, nec cum
meo ordine, quo potiùs styli, quàm ensis
acies eluxit ; sed tota potestas *Attica*, tam
factis inclyta, quàm sermone speciosa, vo-
bis indixit odium.

2. *Liv. lib. 5. ab V. C. Legati Faliscorum
Romanis se dedunt.*

Patres conscripti : victoriâ, cui nec Dem,
nec homo quisquam invideat, victi à vobis &
imperatore vestro, dedimus nos vobis, rati (quod
nihil victori pulchrius est) melius nos sub impe-
rio vestro, quàm legibus nostris victuros. Even-
tu hujus belli duo salutaria exempla prodita hu-
mano generi sunt. Vos fidem in bello, quam præ-
sentem victoriâ, maluistis : nos fide provocati
victoriâ ultro detulimus : sub ditione vestra
sumus. Mittite, qui arma, qui obsides, qui
bem patentibus portis accipiant : nec vos fide
nostræ, nec nos imperii vestri pœnitebit.

Imitatio.

Imitatio.

Campani ſe Carthaginenſibus dedunt.

Carthaginenſes iis artibus, quibus nec noti nec ignoti inuidebunt, à famæ & gloriæ veſtræ admiratione ſuperati, dedimus nos ipſos; penes vos noſtræ vitæ, liberi, facultates; ſperamus enim, (quo nihil utrique tutius & ſplendidius) nos amicitia veſtrâ, quàm armis noſtris ſecuriores manſuros, ſuccellu huius fœderis, hæc ſalutaria utrique genti effecta reddemus. Vos *Campaniæ* delicias, nos *Africæ* fortitudinem, mutuò, pro noſtris, vendicatuſos eſſe: Omnes boni (ſic & vos) fidem à fœdere, quàm triumphos à ſanguine malint: & populus *Campanus* veſtrâ virtute provocatus, vobis quàm ſibi honorem duarum gentium conciliandum, tribuere mallet. *Præſtat amicos pace feciſſe, quàm hoſtes bello ſuperâſſe.*

3. *Hannibal ad milites Campano luxu effœminatos.*

Campanâ vos luxuriâ marceſcis, vivo, ſcortis, omnibus luſtris per totam hyemem conſecti. Vobis abiit illa vis vigorque dilapſa robora corporum animorumque veſtrorum, quibus Pyrrænæ Alpiumque iuga ſuperaſtis: Reliquiæ virorum illorum pugnatſis, vix arma membraque ſuſtinentes.

nentes. Quod Cannæ Romanis, id vobis Capua fuit. Ubi virtus bellica, ubi militaris disciplina, ubi præteriti temporis fama, ubi futuri spes extincta est. Arma quidem signaque eadem nosco, quæ ad Trebiam Thrasymenumque postremò ad Cannas vidi ac habui: sed militem profectò alium in hyberna Capuam duxi, alium inde eduxi. Legatumne Romanum, & legionis unius atque alæ, magno certamine vix toleratis pugnam, quos binæ acies consulares antea nunquam sustinuerunt? Marcellus tyrone milite, ac Nolanis subsidiis inultus, nos jam iterum laceffit? Ubi ille meus miles est, qui erepto ex equo C. Flaminio Consuli caput abstulit? Ubi, qui L. Paulum ad Cannas occidit? ferrum nunc habet? an dextræ torpent? &c.

Imitatio.

Funestâ clade nos (*Angli*) conficimus, luxu, mollitie, otio; à militibus nostris abesse virtus audaciaque, dilapsusque vigor animi, quo majores veltri Gallos Hispanosque superârunt; evanuit militiæ decus, & juvenatæ flos per incuriam marcet. Reliquia nos, vel potius cadavera majorum nec hostium impetum nec congressum sustinemus. Quod *Angli* hostibus extiterunt, id *Angli* hostes sunt. Annon *Draki* obliti estis? an non *Gallia* descivit? annon *Belgæ* animis? linguis quidem quam brachiis fortiores pugnas quidem victoriasque memora-

tis, & quid ad *Cressiam*, *Pictariam*, *Lutetiam* majores vestri & gessere, & meruerunt: sed mentes alias ea ætas protulit, alias nostra. Parvæ manus, & inculti nostri exercitus, grandes & frequentes fugarunt acies; auro & argento fulgentia nostra arma hostilem impetum non sustinent. Quot hostes imperitâ manu, ac conductis subsidiis inulti vos laceſſunt? Ubi isti milites qui *Turcas* terruerunt? Ubi iste vigor qui *Hiberniam* subegit? an sanguis marcet? an lacerti torpent? an quæ mutatio est alia? unde robor? unde animi vires patebunt, nisi excusso ignaviæ jugo, & novam virtutis viam discatis, & foelicem. Excute igitur molles & jacentes animos, ad benè agendum voluntas benè præparata se exerat. *Non infirmus sanitatis gradus est, velle sanari.*

3. Quintil. declam. i. de cæco pag. 6.
cæcitatis innocentia.

Loquor nunc de infirmitate misera cæcitatis; temeritas omnis animorum calamitate corporis frangitur: & frigescunt impetus mentium, quos non explicant ministeria membrorum; ad solum se alligat destituta mœrorem. Vultus ille perpetuâ nocte coopertus ac timidus, non concipit nefas, ad quod ducibus oculis pervenitur: cogitat semper errare & offendere; cogitat eundi redeundique difficultatem. Magna innocentiae necessitas est, neminem facilius posse deprehendi: sem-

per ſe custodiunt miſeri, ne eſſe miſerabiles deſinant; & quiſquis amiſit oculos, laborat ne meritò perdiderit. quid aliud cæcitas diſcit, niſi rogare & blandiri? odium omne adjuvant oculi, & hunc in pectoribus humanis furorem lumina accendunt, nec levis animis accedit inſania, quoties, quem execreris aſpicias; cæcus miſerior eſt, quàm ut inviſus ſit, timidior eſt, quàm ut oderit: præterea, nocentibus liberis frequentiffimas ad parricidium cauſas ſuggeſſit illud, quod videbant: Vitiis enim noſtris in animum per oculos via eſt; aliis tradidit in parentum ſanguinem—Luxuria ferrum, luxuria videntis crimen.

Imitatio de Ignorantiâ innoxia.

Loquimur hodiè de innocentia innocuæ inſcitia (Auditores) in qua proponimus vobis miraculum, non veritate majus ſed fide; morbum quidem medelâ digniorem, cui dum ſcientia medela exiſtimatur, à verò aberratum eſt: ſcelera enim omnia promovet ſcientia, & novus in pectoribus humanis ambitus ſciendo accenditur; ignorantia verò hebetat nequitia aciem, & præceſſos ambitus ſcopulos neſciendo non attingimus. Ignari debiliores ſunt, quàm ut ſcleratè agant; timidioreſ quam ut offendant: omneſ ſcleris vires debilitate mentis franguntur, & hebeſcit protervia vigor, ubi non ſublevat ingenii miniſterium; ſemper ſe cuſtodiant

ſtodiunt ignari, ne peiores eſſe incipiant : & in his timor eſt acerrimus emendator, fidiffimus monitor : in quòdcunque ignotum ſcelus ignarus incurrit, hanc habet excuſationem, ſe ignoràſſe : ad hæc, ignarus ſummam peccandi metuit pœnam, graviffimamque expectat ; nescit enim quò tendit : quis timidior ignariſ ? Quiſquis verò ſcienter incipit nefas, prænoſcit pœnam, ideòque laborat ne non peritus, patrando videatur. Magna eſt innocentia neceſſitas, ubi methodi peccandi latent ; mentes enim obſcurâ caligine coopertæ ac invalidæ, non concipiunt ſcelera, ad quæ duce ſcientiâ, aſcenditur : ignorant herclè inſcii peccare, & offendere ; ignorant libidinum ſuavitatem, libidines ſcientium peſtes, infra libidines verò ſtupent inertia pectora : quo doctiores ſumus, eò faciliùs diſcimus, & fallere & evadere ; eò ſecuriùs peccare & latere ; nec levis ſclerato accidit audacia, quoties quomodo ſcelus contegatur, deprehendit.

Imitatio Poetarum eſt *Poeſeos* amatori utiliffima : antedicta verò præcepta huic commodè inferviant ; ſi quis verò exemplarium farraginem expectaret, conſulat *Scaligerum* in *Crit.* & *hypercrit.* nec non *A. Roſæi Virg.* Evangelizantem, ut & imitationem doctiffimam *Virg. Bucol.* *J. Hawkinsi Hadleienſis* : Ne verò Lectorem ſine gultu huius ſuaviſſimi epuli poetici dimittam, perpendat

pendat hanc Caſp. Barlæi, cuiuſdam Epig.
imitationem.

Claud. in Jupiter in parvo dum cerneret æthera vitro,
Sphæram Riſit, & ad Superos talia dicta dedit:
Archime- Hucine mortalis progreſſa potentia curæ?
dis. Jam meus in fragili luditur orbe labor.
Jura poli, rerumque fidem, legesque Deorum,
Ecce Syracuſius tranſtulit arte ſenex.
Incluſus variis famulatur ſpiritus aſtris,
Et vivum certis motibus urget opus.
Percurrit proprium mentitus ſignifer annum,
Et ſimulata novo Cynthia menſe redit.
Jamq; ſuum volvens audax induſtria mundum
Gandet, & humana ſidera mente regit.
Quid falſò inſontem tonitru Salmonea miror?
Amula naturæ parva reperta manus.

Imitatio.

Caſp. Bar- Jupiter ut parvo deſcriptum in cortice Mundum
læus in Vidit, & immenſas quas habet orbis opes;
Phyſicam Ardua miratus docti molimina ſenſus,
Gilberti Dixit ad indigetes talia verba Deos:
Jacchi. Hucine mortalis progreſſa ſcientia curæ?
Jam meus, heu, vili venditur ære labor.
Naturam, cauſæ genios, motumque, locumque,
Et ſemper fluxos temporis articulos;
Miſtaque, & aërio naſcentia ſpectra theatro,
In tabulas ſapiens tranſtulit arte ſuas.
Amula decertant foliis elementa ſub iſdem,
Alternantque ſuas morſque ſaluſque vices.

Sanctius

Sanctius hic animal mentisque capacius altæ
 Præsidet, & rerum sceptrâ capeffit Homo.
 Infima cum superis cœcunt æterna caducis,
 Vastæque naturæ corpora lector obit.
 Jamque novi spectans ratio compendia Mundi
 Gaudet, & exiguo tempore cuncta capit.
 Quid miror solos humeris qui fulsiit axes?
 Qui cælum & terram fulsiit unus, adest.

Satis de Imitatione. Jam agemus

4. De Variatione & Paraphrasi.

Quod in cibis placet, in vestitu delectat,
 etiam in sermone non displiceat; in utrisque
 varietas grata, suavis, jucunda. Non minima
 quidem *Poesios* gloria ex *variatione* oritur,
 utrum respicias transmutationem carminum
 ex uno genere in aliud, opus pueris utilissi-
 mum, an ejusdem materiæ in *variis coloribus*
expressionem, quæ etiam suavissimas *poesios*
 delicias reddit suaviores. Quod verò *poesi*
 suavitatem confert & vigorem, *oratoriæ* ne-
 quit esse indecorum; inde enim variegatum
 efficitur opus, *tapeti* quàm *centoni* similis.
 Valet hic *Achelous Oratorius* ad *Herculeas* vi-
 res explorandas, variaque mentis molimina
 extrahenda. Variationis formas in tres clas-
 ses digeremus, quarum primam ab Erasmo
 mutuam accepimus, e. g.

1. Per *Synonymata*, e. g. *ædificat domum*,
 extruit ædes, condit habitaculum.

Terge-

Tergeminamque *Hecaten*, tria virginis ora *Dianæ*.

- | | | |
|---------------------------|---|--|
| 2. Per
Enalla-
gen. | { | 1. <i>Numeri</i> , e. g. <i>Acer Romanus</i> in armis i. e. <i>Romani</i> : dicimus pro dico. |
| | | 2. <i>Personæ</i> , e. g. nec me meminisse pigebit <i>Elisæ</i> . i. e. tui. |
| | | 3. <i>Casus</i> , e. g. <i>ejus rei</i> mihi venit in mentem, vel <i>ea res</i> . |
| | | 4. <i>Modi & Temporis</i> , e. g. Ne crede, ne credas: prædiceres, vel prædixisses. Spargere voces, i. e. spargebat. |
3. Per *Antonomasian*: ut, *Hercules*, *Alcides*, *Amybitryonides*.
4. Per *Periphrasin*, ut, nepos *Atlantis*, i. e. *Mercurius*, *Tyrinthius heros*, i. e. *Hercules*. Mundi domina, i. e. *Roma*.
5. Per *Metaphoran*, ut, hostes ogganiunt, & allatrant, maledicunt, calumniantur.
6. Per *Allegorian*, ut, flamma fumo proxima est, ita ira insanix.
7. Per *Catachresin*, e. g. si *Eteoclen & Polynicen* parricidas vocarem.
8. Per *Metonymian*, ut, classes *Aquilonibus* arcet, i. e. ventis.
9. Per *Senecdochen*, ut, *Acheloia* pocula sumpsit, i. e. aquas fluviatiles.
10. Per *contraria*, ut, fraudis osores, amatores æqui.

11. Per

II. Per gradus comparationis, e. g. Virgo
foelix, ſponſa foelicioꝝ, mater foeliciffima.

Non inutiliter abſumatur tempus, ſi ex-
cerpantur clauſulae ex authore, & quaſi oſti-
atim pulſentur hae omnes variandi formulae;
huic vero primae claſſi ſecunda haud incon-
cinnè famulatur, ea vero duplex eſt :

I. Mutando & ornando verba authoris, e. g.

I. Non ſapienti viro decorum eſt, unde
amico infamiam parat, inde ſibi decus
recipere.

Sic mutemus hanc ſententiam.

*Haud prudentiae cultori convenit, ſuae gloriae
fundamenta ex alterius famae ruinis eri-
gere.*

2.—Trahit ſua quemque voluptas.

Sic mutare & ornare licet :

*Sirenes ſumus & Circes nobiſmetiſſis, & in-
cantamenta in noſtris pectoribus fovemus ;
amaſium quoddam & peculiare quiſque ſibi
deligit delictum.*

Ita fabulas Aefopicas, colloquia, epistolae-
ve variare puer incipiat, & aliis novisque
coloribus depingere. Facile qui obſervavit
conjiciat, quot uſibus ſententia multipliciter
variata inſerviat ; conſulite ſi viſum eſt Ca-
tonem variegatum ingenui equitis aurati Do-
mini Richardi Bakeri, cujus variationes non
minimum nitorem iſtis ſententiis addide-
runt.

2. Sen-

2. Sensum authoris menti contrarium eliciamus. e. g.

1. Tarda & trepida sunt fervorum officia.
è contra

Veloces & fideles sunt principum conatus.

2. Quò ad altiore gradum honorum evehitur, magis in exemplum spectantibus patet.

e contra.

Quò ad privatiorem se vitam quisquam confert, eò magis ab invidia intuentium liberatur.

His etiam addas alium modum variationis, quando transponuntur verba authoris; sic enim graves & politæ poëtarum expressiones in orationem solutam transferantur, & vice versâ. e. g.

1. Queis robustus amor, queis gratia macula formæ,

Et melior Cypris foelices ingerit ignes.

Sic in orationem solutam redigatur hoc distichon :

Quibus virilis formæ majestas, quibus amor robustus, quibus & alma Veneris benignitas calorem ingerit ingenuum, &c.

2. ———— sed comprime motus,
Nec tibi quid liceat, sed quid fecisse decebit
Occurrat, mentemq, domat respectus honesti.

Sic

Sic variare licet :

Non quid tibi liceat quæras ſed quid deceat facere ; effrænes etiam animi motus ita comprime, ut honeſtatis reſpectus omnem affectuum edomet proterviam.

Ne diſpliceat ſtomacho diſcentis hæc varia præparatio, quæ ut cibus gratiam addit, ita ſermonibus ſuavitatem. Non enim in Foro ſolum verſamur & Romæ comitiis, ſed in publico ſapientium theatro, quorum ſuppellectilem & apparatus, nitidum, varium & opulentum eſſe decet.

Hucusque in inferioribus *variationis* claſſibus ſumus verſati, jam ad ſupremam & inclytiſſimam pervenimus, quæ dicitur *Paraphraſis* ; tribus enim gradibus, quaſi tribus animæ Rhetoricæ facultatibus abſolvitur *variationis* perfectio.

“ *Sublimis ſpiritus* (inquit Fab. lib 10.c.5.)
 “ *attollere orationem poteſt, & verba poeticâ*
 “ *libertate audaciora, præſumunt eandem pro-*
 “ *prie dicendi facultatem : ſed & iſſis ſenten-*
 “ *tiis adicere licet oratorium robur, & omiſſa*
 “ *ſupplere, & effuſa ſubstringere. Neque ego*
 “ *παράφραſιν eſſe interpretationem tantum vo-*
 “ *lo, ſed circa eoſdem ſenſus certamen & æmu-*
 “ *lationem. Quid plura ? Quid ſit Para-*
 “ *phraſis videas, videas etiam pueriles inven-*
 “ *tiones eximiè ſublevari Paraphraſticâ autho-*
 “ *rum explicatione. Eſt verò Paraphraſeos du-*
 “ *plex uſus :*

I. *Quando*

1. Quando quæ ab autore in oratione ligata tractantur, ab adolescentibus in oratione soluta explicantur. quæ à doctissimo *Aschamo Metaphrasis* appellatur. e. g. quod ab *Ovidio Fast.* lib. 1. & 2. tractatur de ortu *Romanae* magnitudinis, à *Luc. Floro*, lib. 1. c. 1. & 2. delineantur. si etiam *Polybium*, *Liviumque* de rebus *Carthaginensibus* cum *Silio Italico* conferas, hoc luculenter apparebit, quale quale specimen hujus *Paraphraseos* hic proposuimus.

Horat. lib. 1. Od. 1.

Mæcenat avavis edite regibus.

Non omnes (spectatissime musarum patrone, ortu, virtute, literis inclytissime) arbusta juvant, humilesque myricæ, non omnes campi, sylvæque: hunc rura, illum urbes tenent: haud eadem deliciæ cunctos conciliant animos, nec eidem palato omnes placent sapores. Quis ignorat (charissimum musarum, charitum, virtutum delictum) in quantum votorum *Meandrum* distrahimur? alii inter pulverulentos currum tumultus, suaviori cum oblectatione versantur, quam inter gratissimas urbium delicias: hic fori jurgis reficitur, ille marcescit; hic palmæ gratâ expectatione supra mortalium debitatem evehitur, sub placidoque honorum onere altius spirat; ille verò

verò infra fascium & purpuræ desiderium
 sordet. Novas mortales excogitant delici-
 as, veteres proscribunt; huic coturnices,
 illi canes, alteri galli pugnaces apprime pla-
 cent; hîc videas viros genio indulgentes,
 illic lufui, alibi *Mufis* se mancipantes; sunt
 qui spernunt honores, sunt qui timent, sunt
 qui ambiunt; longè etiam aliis alia mens
 est; quippe nec supremus honorum apex,
 nec coacervatæ *Attali*, *Cræsi*, *Luculli* opes,
 mentem aratro destinatam, à sedula agro-
 rum cultura distineant: sunt homines, qui-
 bus magis arrident quassati navigii latera,
 quàm fastigiatae turres, & palatia marmore
 nitentia; dum *Cynicorum* cohors se centone
 & perâ ostentant, *Epicureæ* gentes regum
 aulas confectantur, *Saliaresque* (ut aiunt)
 dapes affectant. Sunt qui *Apollinem* *Pluto*
 præferunt; eruditionem divitiis; aliis au-
 rum *Mufis* charius, nec (ut *Phœnices* olim)
 admittunt numen, nisi crumenigerum. Hinc
 in viscera terræ penetratur; hinc Mercato-
 res pauperiei ægrè patientes, insanos fluctu-
 um strepitus, ventorumque acerbis velita-
 tiones, vel spernunt, vel irrident. *Exulat*
periculorum metus: evanescant mortis minæ,
 dum vel aurei montes apparent, vel de lucro
 concertatur. Alios è diverso conspicias adeo
 laboriosè voluptati inservientes, ut ille dies
 à vita surreptus videatur, qui à deliciis.
 Quamplurimos etiam castrorum strepitus
 K alliciunt:

alliciunt : hi inter tubarum clangores, litu-
 orumque sonitus, nec non lasciva equorum
 tripudia versati, iis eximiè oblectantur tu-
 multibus, à quibus muliebria teneraque pe-
 ctora, tanquàm à *Furiis* abhorrent. Porro
 aliis venationi deditis, & quasi in *Dianæ* so-
 dalitium ascitis, nec injucundi sunt gelidi
 rores, nec insomnes noctes, nec ferarum
 ululatus, hoc tædium cervi, aprive expecta-
 ti magis diminuit, quàm vel uxorum am-
 plexus, vel pignorum oscula. Quod verò
 ad alios, nec paucos quidem, attinet, pasto-
 ritium depereunt secellum, hic supremum
 ambitus fastigium, sub frondosâ nemoris
 umbrâ, & juxta placidos fontium susurros,
 vitas tam curis, quàm molestiis immunes
 transigere. Sunt itaque, ut vides, variæ
 mortalium mentes, quisque *amasium* quod-
 dam amplectitur negotium, illius verò stu-
 dia arctissimè æternitati conjunguntur, qui
 relictis humilioribus negotiis (& in horum
 numerum meipsum non pudet adsciscere)
Musis Philosophiæque famulatur; cætera
 sunt fluxa, vana, & mutabilia, hæc æterna,
 sacra, gloriosa.

Horat. lib. 2. Od. 10.

Rectius vires, Liciini, neque altum.

Quod in *Iridis* coloribus Philosophia com-
 perit, hoc in rebus humanis experientia con-
 firmât,

firmat, placidam illam ſplendoris varietatem, intuentis oculis imponere, nec certam eſſe, ſed apparentem : Maxima quæque res ambigua eſt, minima moleſta, quæ utrumque interjacet, tuta, fida, permanens ; Res ſecundæ ſapientum animos fatigant, atrocibusque ſuperbiæ, ambitûs, cupidinis ſtimulis explorant ; adverſæ aciem mentis contundunt, perpetuâque ægritudine ſpiritus depaſcunt, adeò ut ſœlicitati maximè conducere videatur continentia ſtudio, quæ nec altiorem ſperat fortem, nec inferiorem metuit ; quæ non frui geſtit opibus, ſed imperare ; nec pauperiem fugere certat, ſed ſubire. Sit tibi mediocris rerum meſura, placebit tamen ſi prius parſimonia placeat, ſine quâ nec ullæ ſufficiunt opes, nec ullæ ſatis putantur. Expetamus cibum qui famem domat ; potum, qui ſitim : ut onerat diſcentem turba, non inſtruit ; ſic grandes luxus, & divitiarum apparatus perturbant poſſidentem, non reſciunt. Mens igitur ſtatuat ſibi limites ; cupiat, quod ſufficiat ; caveat, quod impleat : Inſunt regiis tectis regia curæ, & tuguriis ſublimiora pericula : cum honore ampliatur anxietas, cum divitiis, metus ; montium cacumina fulmina depaſcunt, nec valles pertingunt. Abdita principum pectora ſcrutamini, quot moleſtiarum moles ? quot affectuum ægritudines ? quot dolorum aculei mentes pungunt ? Ea,

quam avidè adoras, foelicitas, umbræ instar, ad tactum se retrahit, & quò ardentius appetis, eò velocius avolat: Torquet paupertatem horridæ inediae expectatio, ipsâ inediâ pejor; eam habet calamitatem infima conditio, magnatum fastui obnoxium esse; qui cadentem deprimunt, jacentem conculcant. Ita foelicitas anxiosa est, calamitas misera; palatium periculosum, tugurium inquietum; inter utrumque cûsius faustior, ubi nec illius anxietas distrahit, nec hujus miseria frangit. Aliæ sunt hominum quàm aëris regiones; ubi supremus aëris tractus, ab omni meteororum incurfu, ab omni nubium interventu immunis est: quippe inedia summa, summa mentis lanienia; summi honores, summa onera; mediocritas nec anxiosa nec onerosa. Vela itaque turgida contrahas, nec cymbam procellis committas, nisi probè saburratam, & tam fluctuum, quam ventorum patientem.

In his paraphraseos exemplis non exactè me authoris verbis alligavi, sed inventionis amplitudine aliquâ usus sum, ut discant Juvenes inventionem pro virili exercere & excolere.

2. Est paraphrastica authorum mutatio, ubi quæ Authores in oratione solutâ, nos ligatâ exprimimus: sic *Nonnus Panopolita-*

nus cum *B. Johannis* Evangelio egit : ſic etiam, ut cæteros præteream, *Caspar Baſſæus* non infimus inter *Belgicos* poetas, Orationem *Veturiaſ* ad *Coriolanum*, *Catilinæ* ad ſuos milites, *Mutii Scevolaſ* ad *Perſennam* carmine polito depinxit, quos antea *Livius* & *Salluſtius* in ſolutâ oratione expreſſerunt. *Horatius* etiam paucas fabulas *Æſopicas* carmine donavit, cujus laborem juvenes emulentur.

Veturia Livii orat.

Sine priuſquam complexum accipio, ſciam ad hoſtem an ad filium venerim ; captiva, matêrve in tuis caſtris ſim : in hoc me longa vita & inſœlix ſenectus traxit, ut exulem te, deinde hoſtem viderim ? potuiſti populari hanc terram quæ te genuit atque aluit ? non tibi, quamvis inſeſto animo & minaci perveneras, ingredienti fines ira cecidit ? non quum in conſpectu *Roma* fuit, ſuccurrit. Intra illa mœnia domus ac penates mei ſunt, mater, conjux, liberique ? Ergo ego niſi peperiſſem, *Roma* non oppugnaretur ? niſi filium haberem, libera in libera patria mortua eſſem ? Sed ego nihil jam pati nec tibi turpius, nec mihi miſerius poſſum : nec ut ſim miſerrima, diu futura ſum. De his videris : quos ſi pergis, aut immatura mors, aut longa ſervitus manet.

A Barlaeo carmine donata.

Quò malefane ruis? patriæque haud tale merenti
 Hostiles infers acies, & tela Latinis,
 Infestosque tuas intentas mœnibus enses? (tum,
 Quid Latium, quid Roma in te committere tan-
 Quid cives potuere? tua est Volumnia conjux,
 Quam ferro, scelerate, petis; tua pignora Martæ,
 Natorumque feris jugulos, ultorque malorum,
 In mea victricem convertis viscera dextram.
 Usque adeòne tuo concedis frœna furcri?
 Nec cessas certare odiis? tantumne licebit
 Invidiæ? patriæque tibi venerabile nomen
 Sub pedibus, seu vile, jacet? jam filius hostis
 Esse cupis, materque tui cum conjuge belli
 Materies feralis ero? quas eripis urbes,
 Eripis & nobis; & quos grassaris in agros.
 Hos credam quocque jure meos—&c.

Catilina Sallustii.

Compertum ego habeo, milites, verba
 viris virtutem non addere, neque ex igna-
 vo strenuum, neque fortem ex timido ex-
 ercitiū oratione imperatoris fieri. Quanta
 cujusque animo audacia naturâ, aut mori-
 bus inest, tanta in bello patere solet. Quem
 neque gloria, neque pericula excitant, ne-
 quicquam hortere; timor animi auribus
 officit. Sed ego vos, quo pauca monerem,
 advo-

advocavi; simul uti caussam consilii mei
aperirem: scitis equidem, milites, socordia,
atque ignavia *Lentuli*, quantam ipsi, nobis-
que cladem attulerit, quoque modo, dum
ex urbe præsidia opperior, in *Galliam* profi-
cisci nequiverim. Num verò quo in loco
res nostræ sint, juxtà mecum omnes intelli-
gitis, exercitus hostium duo, unus ab urbe,
alter à *Galliâ* obstant: diutiùs in his locis
esse, si maxumè animus ferat, frumenti, at-
que aliarum rerum egestas prohibet.

A Barlæo carmine donata.

*Hoc stamus, Fortuna, loco; nec patria segnem
Experire Ducem; pressi servire Quirites
Si cupiant, mihi bella magis, tentandaque ferro
Libertas, ac fama placent. plus deside vita
Clarescit morientis honos. si dura secundos
Successus mihi fata negant; at fortibus ausis
Et cæptis illustris ero. Spes sola triumphi
Audacem intrepidumq; facit: non Consulis enses,
Non metuit mandata patrum, qui ficta Senatus
Nomina, qui cunctis trabeas Latiasque curules
Deberi ratione putant. cur tota Catonem
Roma tremat? cur Ausoniæ terrisque superbus
Arpinas mandata dabit? cur horreat orbis
Pisonem Catulumque, & ditis iugera Crassi?
Hoc plures, Romane, sumus, &c.*

Ita pro libitu præceptoris puerorum exer-
ceantur steriles & infœcundæ inventiones;
nec inde mediocriter promoventur, dum
materiam sibi præpositam conspiciunt, in-
dèque in sublimioribus exercitiis, ad quæ
hæc inferiora omninò tendunt, maiorem
audaciam acquirant.

5. De Allusione & Applicatione.

Post *Variationem* sequitur alius authoris
usus, qui ad inventionis ornatum etiam
valeat,

estque vel	{	aliter à	{	autho- ris: di- citurq;	{	<i>Allusio</i> quæ	{	voces.
		mente						fiat ad
		secundum				<i>Applicatio.</i>		
		mentem						

I. Est *Allusio* ad voces. e. g. De amore dico
quod Seneca de irâ, *Est brevis insania.*

De *suspensione* dico quod Lipsius de mendacio,
Inspirat omnem calumniam.

De *temerariis* dico quod Lucius Florus de
Gallis, *Primus impetus major quàm viro-
rum, secundus minor quàm fœminarum.*

De *Voluptate*, sicut de flore pauper Fabianus,
quæro, *Cujus rei inveniri potest brevior
ætas?*

De *elemosynarum collatione* quod de apibus,
pauper, in Quintiliano, quæro, *Quis un-
quam, quod ferentem apem [pauperem]
viderat, ubi deesset invenit?*

Nec

Nec præterire licet elegantem *Bernh. Baubusii* ad 1. *Horat.* oden, de remigis filio ad summos honores everso.

Mecænas atavis edite regibus.

Mecænas atavis edite remigibus.

2. Est *Allusio* ad res, quæ eleganter fiat ad personas, facta, mores, locos, tempora, proverbiorum occasiones, e. g.

Saliust. 1. Quis mortalium, cui virile ingenium est, tolerare potest, illis divitias superare, quas profundunt in extruendo mari & montibus coæquandis. Alludit ad *Xerxis* expeditionem, vel *L. Luculli* ædificia.

2. *Corybantes* agitis; *Camerinam* movemus; soli faces accendimus; Tanquam ad ostia *Nili* tuo strepitu surdesimus. Pueri *Saturnalia* celebrant, regesque & antistites imitantur, sicut *Junonia* avis, ubi colorem & plumas circumspicit sibi placet.

Ad quæ respiciunt authores in his, nemo non videt qui literarum superficiem libavit.

Consulas (si placet) lector, eruditorum scripta, & penetranti oculo perlegas; in iis passim conspersas *allusiones* conspicias, ut omnium opera testabuntur, qui unquam dicendi celebritate pollebant: affatim denique testabitur facunda, compta, nervosa ea historia de *Bello* sacro, Anglicè conscripta,

in qua omne verbum *gemma*, omnis per-
odus *monile*, omne caput unionum *ordinata*
series.

2. Sententias ex authoribus in noſtra ex-
ercitia transferimus, ad theſes noſtras con-
firmandas, vel illuſtrandas, ideóque ad au-
thoris mentem reſpiciendum ne à noſtra
differat, quæ dicitur *applicatio*; teſtimonium
enim non ſecundum teſtantis mentem pro-
latum, potius imponit audienti quàm ſua-
det; turpe erat antiquis coronam gerere
emptitiã, turpius fraude ſurreptam; nec
honeſtum eſt noſtra exercitia ornare iis flo-
ribus, quibus excerptendis horto vim inferi-
mus; ſint teſtimoniorum citationes candi-
dæ, apertæ, ingenuæ. *Hipponii* Matronæ
non ſunt uſæ corollis emptitiis, ſed ex
propria collectione; huiſcemodi corol-
lis noſtras ornemus orationes.

Sunt vero teſtimonia duplicia.

1. Si nominemus authorem, diciturque
Cbría; ut authore *Fabio*, Pulchrè *Se-
neca*, Nulla fortuna ſapientis actus ex-
cludit.
2. Si authoris nomen celemus, diciturque
Gnome, e. g. Volumina multa cumu-
lant, non tractant; congerunt, non con-
terunt.

6. De Compendio & Amplificatione.

I. *Compendia & Epitome sunt, & olei & operis dispendia, & (ut Verulamio placet) historiarum & disciplinarum teredines & tineæ; horum enim scriptores plerunque authoris decorem absorbent, & intuentibus sceleton quoddam exuccum præponunt. Non itaque eorum lectionem suademus, ut in illis lector acquiescat: si vero legat, sint præparationes mentis ad copiosiores historias facilius imbibendas; & sic non solum sine injuria legantur, sed summa cum utilitate. Non est nostrum in hoc institutionis curriculo, à doctorum placitis abscedere, sed puerilis exercitationis gratiâ illum compendiorum usum indigitare, qui privatæ lectioni famuletur, judicium juvenile exploret, inventionis vires acuat, memoriæ lubricitatem confirmet: Nec in hac re quàm optimi nobis defunt authores, ita L. Florus cum T. Livio egit; R. Festus cum Floro; Justinus cum Trogo Pompeio; Herodotum, Diod. Siculum, Xenophontem, &c. in compendium redegerunt Funccius, Sleidanus, Philippus Paræus, non ut à fontibus quenquam detinerent, sed ut rivulis gustatis ardentiori affectu ad Fontes se conferrent; visum est nobis exemplum unicum (quod in hac re satis est) lectori præponere, quod ad incitandos*

tandos tyronum conatus paulisper conducat.

Fusè *J. Lipsius* calumniam depinxit, ep. cent. ult. quam descriptionem quantâ possumus brevitate coarctavimus.

“ Depingo vobis vitium à nullo observa-
 “ tum, ideoque maximè periculofum; *Ca-*
 “ *lumnia* est, pestis linguarum foeda & per-
 “ nicioſa; quippe in peſſimos cadit, inex-
 “ pectatò vulnerat: Cui verò grata? vi-
 “ liſſimīs, ignavis, loquacibus. A quâ verò
 “ origine provenit? à mendacio *patre*, in-
 “ vidiâ *matre*, curiositate *nutrice*; nec ip-
 “ ſa quidem ſterilis eſt, *jurgia* enim, *odia*,
 “ *cædes* non gignit ſolùm, ſed fovet. Quæ-
 “ nam verò huic morbo antidotus? *Inno-*
 “ *centia* & *patientia*; hæc enim tolerat,
 “ illa hebetat.

Nē in exſcribendis exemplis diutiùs hæ-
 reamus, comparet Lector, lib. 4. *L. Flori*
 c. 1. cum hiltoriâ *Salluſtianâ* de bello *Ca-*
tilinario, & illam obſervet eſſe hujus epito-
 men; Ita lib. 3. c. 1. *L. Flori*, Bellum *Fu-*
gurtinum carptim explicat; *Politus ille* &
rotundus Historicus abbreviatorum manus non
evafit.

2. E contrariò, quæ ſuccinctiùs quidem
 ab authore tractantur, poſſunt à tyrone pro-
 lixiùs *amplificari*; hocque à maximis au-
 thoribus factitatum: *Amplificationis* opellâ
 quidem

quidem creverunt Elephantina illa diſciplinæ volumina, quæ Fluviorum inſtat primâ ſcaturigine tenuiora erant, longo verò fluxûs teniore, & amplitudinem acquirunt & profunditatem.

Sunt verò varia *Amplificationis* ſubſidia.

1. Ab *enumeratione partium*, e. g. in corporis descriptione, caput, manus, facies, &c. diſtinctè tractentur.
2. Ab *antecedentibus*, e. g. ſi viri, qui virginem vitiavit ſcelus aggravares per præſentia promiſſa, conatus, affectuum errantium ſigna, antecedentes lapſus, vim aliis illatam —
3. A *cauſis*, e. g. ſi homicidium per iras, rixas, furorem, temeritatem aggravares, ex quibus ortum eſt.
4. Ab *adjunctis*, e. g. ſi bellum describeres per urbium incendia, ſcholarum & templorum ruinas, ſcæminarum conſtuprationes, infantium cædes, agrorum vaſtationes.
5. Per *diatypoſes*, e. g. ſi convivii luxuriam hoc modo amplificares, Vidi alios intrantes, alios exeuntes; quosdam vino vacillantes, alios nimiam potatione conſopitos; humus erat immunda, & vino luculenta, coronarum & dapium cooperta reliquiis.

6. Per

6. Per *digreſſionem*, e. g. ſi inter *Alexandri M.* laudes, etiam patris ejus *Philippi* egregia facinora delibares.
7. A *Gradatione*, e. g. *inſolitum* eſt vincere civem *Romanum*, *nefas* verberare, *ſceleftiſſimum* trucidare.
8. A *Comparatione*, e. g. ſi tempora noſtra cum prioribus conferres.
9. A *Congerie*, e. g. quæ tua mens? oculi? manus? ardor animi?
10. A *correctione*, e. g. non fur ſed raptor, non adulter, ſed expugnator pudicitiae.
11. Per *definitiones coaceratas*, e. g. mare dicitur *fons* imbrium, *hospitium* fluviorum, *derivatio* alluvionum, *inventio* com meatuum, *diſtantium* populorum *nexus*, *itinerum compendium*.

[A *figuris* Rhetorices, *Proſopopoeiâ*, *Apoptrophe*, *Periphrasi*, &c.

- | | |
|--|---|
| <p>12 { A <i>locis communibus</i> logicis, ſubjectis, contrariis, ſimilitudinibus, &c. quorum uſum videamus in (vid. <i>Alſt. Logic. maj.</i>)</p> | <p>[<i>Antitheſi</i>, e. g. Non tibi diva parens, &c.
 <i>Syncriſi</i>, e. g. Cur ſuperbimus? totum corpus pulvis eſt, & ex elementis, maximè è terrâ conſtat.
 <i>Conglobatione</i>, e. g. & certe in armis multum valent militum virtus, locorum opportunitas, auxilia, claſſes, &c.</p> |
|--|---|

Apud

Apud *Ciceronem Catilinarium* parricidium; *Fasciana* libido, *Rullana* ambitio; variæ etiam generis humani calamitates, exacte & fuſè amplificantur.

Ad pueriles vires in hac exercitatione explorandas, ex authoribus ſeligantur ſententiæ breviores vel exempla quæ facillimè *amplificari* poſſint; nimis difficilia tenuiores animos frangunt, cujus generis eſt illa *Luciani Deæ Syreæ* deſcriptio, in quâ *Palladis*, *Junonis Rheæ*, *Dianæ*, *Veneris*, dotes coivere. Et faciat Puer periculum ſuarum virium, explicando *Prudentiam*, animi heroicos *motus*, corporis *venuſtatem*, *caſtitatem*, *gravitatemque* ejus; Nulla eſt ex his virtutibus quæ non ampliſſimum diſcurrendi campum ſuggerant. Exerceatur etiam puer in deſcriptione celebris illius *Chofrois* machinæ, in quâ motus corporum cœleſtium, nec non omnium rerum terreſtrium gloria poſſent conſpici; hinc enim copioſiſſima amplificationis materia. Denique ſi epularum deſcriptio & amplificatio exigeretur, qualis eſt *L. Luculli* cœna, quam ſerax amplificationis ſeges? hîc enim variæ dapes, menſæ apparatus, vini copia, ſtipatorum obſequium, convivarum colloquia & geſtus, fuſè exponi poſſunt. Sed quorſum juxta fluvium puteos effoderem? vel cœlos ſtuderedem ſyderibus illuſtrare? Viri in re ſcho-
laſtica

laetitia exercitati non indigent tenui nostrâ exemplorum farragine.

- Vide si placeat exemplum argumenti primo compendiosè, dein fusè tractati.

Seneca c. 5. In sapientem non cadere injurias.

Sapiens nihil perdere potest ; omnia in se reposuit ; nihil fortunæ credit, bona sua in solido habet ; contentus virtute quæ fortuitis non indiget, ideoque nec augeri nec minui potest ; nam in summum perducta incrementi non habet locum.

Sic verò copiosius :

Quod supra cæterorum animantium sortem gens humana evehitur, non rationi solum debetur, sed virtuti. Nil inter terrestres virtute majus : Perspicax illa rationis acies haud rarò scelerum ministra est ; virtus verò ab omni fraudis prætextu, ab omni scelerum consortio aliena est. Si virtute polleas, sat splendoris habes, nec precario indiges satellitum encomio, quod fingit mortalibus præstantiam, non facit : Titulos, honores, imagines servate ambientibus ; nuda & incompta virtus nec quærit, nec indiget ; corporibus succo plenis haud dissimilis, quæ etiam suo humore pingui, etsi exterius detrahatur alimentum, diu conservatur, dum
naturali

naturali oleo corpora destituta citò matrescunt. Possum igitur publicâ quâdam generis humani voce respondere quærentibus, Unde tam variæ mortalium mentes? *hic* in adversis tremit, *ille* furit, *alius* verò quiescit; *huic* paupertas gloriæ, *illi* oneri; *hunc* res adversæ elevant, *illum* stabiliunt; *alium* transmutant, *alterum* ad bene agendum stimulant; Multis magistratus honor est, quibus secessus inglorius. *Hæc* eximia mentium diversitas à vario mortalium in virtutem affectu oritur; Mens enim, ut *Luna* accidit, à vario virtutis, *Solus* illius animorum, aspectu, vel lumine fulgescit, vel absentia obscuratur. *Magna* illa virtutum exempla *Regulus*, *Cato*, *Scipio*, togæ; vel *Phocion*, *Aristides*, *Socrates* pallii decora, nec à corporis viribus, nec à membrorum decore, sed ab animi magnitudine & internis dotibus, ultra temporis invidiam sua nomina perennârunt, ultraque mortalitatis confinia propagarunt gloriâ. Virtus quidem celestis serenitatis æmula nec turbinum incursus patitur, nec imbrium labes. Miramini hercle (auditores) unde immotâ fiduciâ, & inclytâ quadam stupiditate, cruciatus sperni cernatis; equuleos carceresque dederi; unde mentis præclaræ fragrantia aromatum instar contusione fortius exhalat. Discite verò quàm feliciter virtutes mentem communiunt; quàm ani-

mosè pectus consolidant ; aded ut supra dolorum sensus, supra corporis contactum evehantur : Eant igitur luxus mancipia ; fluxas suas iactent delicias, quæ pernici delabuntur interitu, mordacique vulnere memoriam exagitant, dum suo solum nitore virtus irradiata omnes nebularum concursus dissipat, omnes adversantium telorum ictus confringit. Non inanem itaque estis fortiti provinciam (juvenes,) dum tam efficaci comœatu pectora vestra instruxistis ; alia forsân absint subsidia, non deerunt. Quippe solius virtutis consortio satis potentia, opum, dignitatis consequemini : nec versatilem fortunæ affectum timeatis necesse est : nihil eripit, quod non dedit ; virtutem verò nec contulit, nec detrahet.

Satis de *Compendio & Amplificatione.*

7. *De Parallelismo & Analysisi,*
ubi de *Commentariis.*

1. *Parallelos* discursus, historias, descriptiones, figuras, sententias, in variis authoribus occurrentes, pueris ostendere non inutile est. Parallela sunt quæ mutuò respondent. Multum juvat ingenuum lectorem observare *variorum* ingeniorum *varios* fructus, & quantâ cum pulchritudine doctissimi viri eandem materiam tractantes, & proprii

proprii ingenii vires ostenderunt, & varietatem. In historiis revolvendis quot inveniamus eventus mutuo respondentes? e. g. *Mutii Scaevolæ* & *Zenonis Eleatenfis* facinora inter se egregiè conveniunt; ita *Themistoclis*, *Scipionis*, *Hannibalis*, post omnia in patriam merita successus. Eiusdem generis quàm plurimæ historiæ occurrunt, in *Plutarchi* laboribus, quæ peritissimam juvenum curam merentur. Multi in *Senecâ* Philosopho & Tragedo sunt discursus inter se *Paralleli*, nec non in Cicerone, cujus generis sunt *crudelitatis* aggravamina, in *Philippicis* pro *Roscio Amerino*, *Cluentio*, *Catilinâ*, pro domo suâ, &c. Ita *calamitatis* humanæ descriptiones inveniuntur orat. pro *Roscio Amerino*, pro *Flacco*, pro *Syllâ*, item in *Quintil. declam. 12.* Observemus etiam prælia, procel-
las, urbium direptiones, & à poetis & oratoribus tractari, tam *Græcâ* quàm *Latina* facundia, nitentibus. Ex hoc *Parallelismo* summum *Poeseos* decus, pulcherrima *Oratoriæ* ornamenta, totius *Facundiæ* nitor traxit originem: lectores enim inter authorum catervas, expressionum varietatem deprehendentes, hanc authorum varietatem æmulari studuerunt. Legite, & inter legendum perpendite eruditissimi *Scaligeri Critica* & *hypercritica*, ubi ex celeberrimis poetis loci *Paralleli* petuntur, vel egregii illius *Farnabii* indicem *Rhetoricum*, opus quidem sum-

mâ curâ, & vario labore confectum; denique *Stobæum*, *Jan. Gruteri* vel *Zwingeri* Theatrum, & tam ex Poëtis, quàm Oratoribus, multos eximios discursus de eâdem materiâ exantlatos conspiciet. Nè negligantur itaque à juvenibus hujuscemodi discursus & sententiæ, quibus, quasi variegato paludamento, materiam suam non invenustè exornent. Hunc *Parallelismum* putamus opus esse tam probatâ dignum curâ, ut ex animo optemus aliquem eximiè in optimis Oratoribus versatum, systema quoddam discursuum (& historiarum, quales *Val. Maximus* exhibet,) parallelorum collecturum esse. Nihil enim in re literariâ, exercitato utilius, quàm varietas materiæ; nec ullibi major invenitur varietas quàm ubi diverso modo authorum animi exprimuntur. Ita, Palatii more, variâ suppellectili instructi, opulentâ quâdam delectatione nitescet exercitium.

2. Non inconcinne olim dictum, *Methodum* esse *animam rerum*; quippe confusa rerum observatio intellectui officit, memoriæ aciem obtundit; ad intellectum itaque suscitandum, & ad memoriam sublevandum, possunt authorum discursus (inter legendum) quasi in varias partes resolvi. Non suademus tyronibus adhuc sub ferulâ militantibus exactissimam eam *analysin*, quæ
Acad-

Academico logices rudimentis imbuto congruit, sed crassio rem, puerilique captui

conformem, estque $\left\{ \begin{array}{l} \text{Historiae.} \\ \text{Aliorum discursuum.} \end{array} \right.$

1. *Historiae*, quæ secundum tritum versiculum resolvi potest,

Quis? quid? ubi? quibus auxiliis? cur? quomodo?
(quando?)

Exemplum petatur ex resolutione primi capitis *L. Flori*.

1. *Quis* condidit *Romam*?

2. *Quid* in *Româ* condendâ notatû dignissimum erat?

3. *Quo* in loco condita erat?

4. *Quorum* auxilio usus est *Romulus*?

5. *Quem* in finem condita erat?

6. *Quomodo* ad finem perductum erat opus?

7. *Quo* tempore, & quosnam habuit *Romulus* coetaneos?

Ita facillimè tota historia memoriae mandetur, nec minima ferè occurret circumstantia, quæ virum hoc modo res enucleantem evadet.

2. *Aliorum discursuum* resolutio est, qui topicis locis & figuris *Rhetorices* eruendis constat: sic in multis *Ciceronis* operibus *Talæus*, *Freigiæ* alique fecerunt: hoc etiam nos proponemus exemplum.

Sen. de ira, Lib. I. c. I.

Exegisti à me (Nouate) ut scriberem, quem-
admodum posset ira leniri, &c.

1. A causâ impulsivâ, Exegisti.
2. Ab adjunctis, Tetrum, &c.
3. A Comparatione, Cæteris enim, &c. ubi
 1. Ira cum reliquis affectibus compara-
tur, & iræ nequitia confirmatur testi-
monio. 2. Iratus & insanus comparan-
tur.
4. Diatyposei, affectuum iræ 1. in homini-
bus, viz. frontis & oculorum deformi-
tate, &c. 2. in reliquis animalibus, a-
per, &c. hinc epiphonema vel gnome ab
effectu iræ in omnibus animalibus, sc.
feritatis accessione.
5. Ab aliâ comparatione iræ cum reliquis
affectibus indomitis, idque ex suâ expe-
rientiâ. Nec ignoro, &c. denique argu-
mento à majori concludit, Alii affectus
apparent, ira verò eminet.

Quis inutilitatis accusabit hoc exercitium?
Quis ineptiæ? nisi qui nec *memoriae* consu-
lit, nec *intellectui*: omnes enim observando
discant, nihil magis utrique officere consu-
sâ lectione.

3. Denique, quia ex *Commentariis* plerun-
que authorum mentes cognoscuntur, &
quid-

quidquid nodosus eſt, explanatur; ideo o-
 peræ pretium eſt obſervare, quibus ſubſidiis
 magiſtro maxime opus eſt, ut ſint ſibi met-
 iſſis commentariorum loco; hoc enim
 ſcholarum maxime neceſſarium: Sunt verò
 hſtoriarum, adagiorum, linguarum cognitio,
 conſuetudinum & antiquitatum peritſa, autho-
 rum comparatio, ſcopi authoris, & figurarum
 troporumque obſervatio. Hiſce quidem gene-
 ralibus ſubſidiis tutius annitantur, quam in-
 terpretum conjecturæ; Attamen nolim eru-
 dita eorum opera contemni aut perſtringi,
 qui multum operæ oleique impenderunt in
 authorum Spinetiſ: eruendis: hos & vros
 colamus juſtitia; ut defunctos, religio ſuadet.
 Hoc verò velim, unumquemque adeò fideli-
 ter Spartam ſuam privatam ornare, ut com-
 mentariis non indigeat; tunc verò aliorum
 inſpiciat interpretationes, non inhaereat:
 Mea tenuitate indignum foret viris longè
 doctioribus authores indigitare, quibus ma-
 giſtro opus eſt ut generali materiâ ſe inſtru-
 at, cujuſmodi ſunt Nat. Comes, Pauſanias,
 Clementis Alexandr. Strom. &c. Satis eſt
 modo generali tetigſſe. Denique, quiſque
 cavere debet ne expoſitionum multitudine
 confundat diſcentem; Parcè & dilucidè ex-
 ponatur mens authoris, omittantur vero eæ
 circumſtantiæ quæ potius diſtrahunt tyronem,
 quam inſtituunt.

His institutionibus viam expandi doctio-
ribus tam in Oratoria quam Poësi conatibus,
qui hac luce instructi, immentos & adhuc
inauditos Eloquentiæ fines detegant, Mun-
doque expandant. His (ni fallor) ad per-
fectionem vergant Oratoriæ & Poëcos ty-
rones. Postea ad altiora ac sublimiora ex-
ercitia audacter pergant. Nullus enim est
ex his modis adhibendi authorem, qui non
junioribus subsidium porrigat. Bonis igitur,
ut aiunt, avibus, ad altiora tendant, & si
quid adjumenti ex prius dictis nacti sint,
videant etiam an hæc sequentia inventionis
specimina non etiam aliquam perfectionem
juvenilibus conatibus addant.

Tullius de Divinatione, lib. i.

*Quid est igitur cur dubitandum sit, quin sint
ea quæ disputari, verissima? si ratio mecum fa-
cit, si eventa, si populi, si nationes, si Græci, si
Barbari, si majores etiam nostri, si denique hoc
ita putatum est, si summi philosophi, si poetæ,
si sapientissimi viri. An dum bestiæ loquantur
expectamus? hominum consentiente autori-
tate contenti non sumus?*

EXEM.

EXEMPLARIA.

In Christi Servatoris humani generis natalitia.

Magna profectò res est (auditores) & ad discutiendas nigerrimas ingrati-
tudinis nebulas efficax, anteaactorum me-
moriâ apud posteros renovare; & lap-
suram beneficiorum observantiam memo-
rando restituere. Exolefcit beneficii decor,
quoties vel neglectu obumbratur, vel igna-
viâ corrumpitur: annuas itaque vices, hæc
solennia peragunt, aded ut omnes vel præ-
sentibus fruantur, vel reditura sperent.
Quam plurimj beneficiorum magnitudinem
invido corrumpunt intuitu, easdemque præ-
cipuè, tacitâ quâdam criminatione, vili-
pendunt artes, quibus sibi patuit ad gloriam
iter: ut verò gratissimum benefaciendi ge-
nus est de universis mereri, ita nec minima
gratulandi dignitas, officia prædicare: Ec-
ce liberè erumpentem, & in vestris vultibus
exundantem deprendo lætitiâ, quæ nescio,
an in agnitionem facilior, an in pietatem
velocior; quippe totius gaudii materiam,
totius misericordiæ compendium hodiernus
artus protulit, cui vitas, salutem, animas
debetis. Magnificè itaque collatum bene-
ficiû

ficium gratissimè rependitis; cum enim in
 certam interitus aleam incidissemus, hinc li-
 bertas, hinc quies; hinc coeli in terram dis-
 scensus, hinc terra in coelum ascensus; hinc
 numinis inter mortales habitatio. Fingite
 vobis virum ex infimis carceris miseriis, è
 truculentissimo cruciatuum horrore, ex ul-
 timâ timoris rabie extractum, hunc in ex-
 pectatâ libertate, maximo honore, immen-
 sis opibus decorare; hic tamen nostræ li-
 berationis umbra potius exprimeretur, quam
 effigies. Quodcumque nauta à procellis
 liberatus, quodcumque captivi catenis exu-
 ti, quodcumque aegri sanitati restituti in tu-
 entium oculis representant, longè infra &
 nostram miseriam cadunt, & medelam.
 Minimum est à procellis, carcere, morbis
 evadere; magis stupendum evasionis genus
 est, mortis ingluviem, scelerum imperium,
 Inferorum vincula superare. Observate (au-
 ditores) quam officiosè Servator nostræ de-
 bilitati indulgit, qui eximio divinitatis splen-
 dore orbat, nomen celavit, ut se morta-
 libus adjungeret, humanitatis subiens mis-
 rias, ut homines extricaret. Quoties deum
 tantâ dignitate exutum, quoties hominem
 tanto honore decoratum cogito; toties in-
 genii vigor contabescit, toties animus stu-
 pore perfunditur, toties alia amoris monu-
 menta simulationis damno. Jacebat hu-
 manum genus in altissimâ calamitatis aby-
 ssu.

in sceleri, ruinæ, horrore obnoxium, ful-
perbientibus inferorum placitis mancipa-
tum; nulla religionis suspicio, nullus cala-
mitatis sensus, nulla delictorum conscientia:
adde tetra exitit orbis terrarum facies,
adde enervatæ vires, ut sub ingruentis in-
teritus pignore, morbiâ canitie suspiraturus
videretur. Quid interea misericordiæ
securigo? quid perspicacissimus cœli ten-
eque iudex? quid omniscius mundi rector?
nec incendia molitur, nec diluvia, sed aby-
ssum nequitie abyssio benignitatis superaturus,
Deus ipse hominem induit, ut cœlo-
rum haud compotem, cœlo donaret, ut nu-
minis fugacem numini conciliaret: viam
quidem aggressus est, & ab angelorum, &
hominum capta seclusam; eamque salutis
methodum invênit, quæ & numinis machi-
nationem meruit, & potestatem. Attamen
tantæ majestatis fulgorem, nec cunæ, neo
suscipiæ redolebant: primùm sibi solium in
præsepe erexit, ac si ei potentie domicilium
cesset, quæ omni creaturæ domicilia finxit;
qui verò infans in equili erat, nec in cœlo,
nec in terris, numine spoliatus erat; qui
objectus inter jumenta, inter angelos excel-
sissimus. Ea nondum adulta facies contra-
hit inferos, eæ tenellæ manus sunt cœlos
complexæ, ea exigua præcordia mundi im-
perio non indigna. Sic vitæ telam ordiri
lacuit, nec aliter pertexere: non in humi-
litem

litatem ſolum naſcitur, ſed exilium; qui
 pe ferocientis tyranni falx ſanguinea, huius
 vix orto ſlori maturitatem invidebat,
 ſummum; quidquid potentia ſublimitas
 quidquid affectuum fervor, quidquid elo
 mentia celiſtudo humana miſeriae miniſtrare
 potuit, hoc non ſubire dedignatur. Abſe
 abſit, igitur à veſtris pectoribus, nec priſti
 nae indolis, nec divinae benignitatis obliſi
 (auditores) vel frigida, vel oſcitans recor
 datio: à beneficii magnitudine detrahit,
 qui non lubenter meminit. Inconcuſſum
Romanae foelicitatis tenorem anniverſarii
 ſacris *Quirites* decorarunt, nec apud *Græcos*
 exoleverunt *Alcidis*, *Theſeique* conatus, ſed
 coeleſtis incendiarii ritu æternam in *Græcorum*
 pectoribus, & illibatam gratitudinis flam
 mam excitarunt; eam apud vos, vel potius
 uti par eſt, maiorem ſublimis *Chriſti* munifi
 centia mereatur obſervantiam, illūmq;
 perpetuo adoremus obſequio, in quo ne mi
 nimus quidem motus erat, qui non ſpiravit
 benignitatis miraculum.

Threni in Chriſti Paſſionem.

Quorſum verborum lenocinia? Quorſum
 rationem quaeritis? (auditores in lachry
 mas & ſuſpiria reſoluti) lugubris noſtra faciem

non didicit obblandiri auribus, sed tacitè
pius doloris conscientia querelas comprimere.
facunda, prono vultu, & grata accipiuntur,
tum gravia & lugubria proscribuntur. Nec fa-
cundiam hodiè licet expectare, sed stuporem, cui
pietatis & indulget, & indulget; ex-
ultat enim materiae magnitudo exprimentis pe-
nitiam, & Suadæ artificium. Afflicta vero
pietas maximè lugenda, & innocui cruciatus
recipere desendi. Ultimam injuria rabiem ip-
sa innocentia passa est, & supremam injustitiæ
ulam hodierna servitia ordita est; taleque est
machinata facinus, quale nec majores conspex-
erunt, nec posterì æquabunt: Grande, horrendum,
inoculentum facinus! in cælum scelestorum tela
ariguntur, Deus naturæ patitur, mundi Ju-
dex judicatur. Anceps vero mihi animus (au-
ditores) an Timanthem æmularer an Apel-
lem, an summos Christi tractaturus dolores,
plando concipiendos relinquerem, an narrando
judicandos. Novum itaque Rhetoricandi mo-
dum aggrediar, non aures solum, sed oculos com-
pellabo; oculi mæroris ministri, lachrymarum
vehicula. Conspicite manus, quæ cælum exor-
arunt, clavis confossas; conspicite pedes infe-
ros conculcaturos, in crucem distortos; conspicite
rimos sanguinis grumos, quos vel cælum vel
portales viderant à labe immunes, prodigo quo-
dam luxu effusos. Idem agnus & victimam egit
& sacerdotem; qui, quantum sibi detraxit, tan-
tum cruci addidit, quod à patibuli ignominia
ad

ad aræ decus extulit. Confili sibi inferi in
 pruentis interitus, & ruinæ imperii, eadem
 ruinâ ipsum numeri oporturi erant: & sic
 maximè mortiferi esse solem morientium bellu-
 rum morsus, ita maximè dirus ultimus inferna
 sævitæ actus; ac si plus negotii fuisset, cum
 semi-erutis inferis, quàm cum integris; Quod
 nam gravius (auditores) infernæ sævitæ mi-
 limen, quàm quod ipsum tribunal incitavit
 stitiæ prælium indicere, innocentia odium, pi-
 tati dedecus? & quo magis innocentia conspi-
 cius erat accusatus, eo cladi reddere propiorem
 ac si sat criminis fuisset, extitisse innocuum, su-
 dedecoris fuisse pientissimum. Quippe coram
 dice reus agitur, & dum à crimine absolvitur,
 non à pœna liberatur. Mirèmini verò tam
 sceleri ministros inveniri, qui iniquam senten-
 tiam iniquissimo compensarent obsequio. Ap-
 ullum facinus sortitur patronum, quod non
 sortitur ministrum. Nudus Servator flagella
 laceratur, & immanis decreti ministri gesta
 insultant, voce illudunt, hastis confodiunt: ca-
 put etiam spinis redimitur, & hostiæ instar, in
 gloriâ quâdam magnificentiâ, in mortem coro-
 natur. Imperat annalium sacrarum fides, ut
 solem inde credamus defecisse, & caput glori-
 sum nigro caliginis velamine occultasse: fallor
 equidem, si non sceleris solam intuitu erubuit
 sed divinæ etiam facti pulchritudine victa
 constitit ut aspiceret, interque conspiciendum de-
 fecit. Quoties equidem hæc tam vulnèra, crudeli-
 tudine

in *valnera* (servatorum angustissime) intui-
 tus, & rotantia proprio cruore amplector, to-
 tes animus & infra suspiria stupet, & supra
 laudes assurgit: levia loquuntur beneficia, in-
 gentia stupent. Nec sordidum patiendi genus
 est lubenter pati: neminem inveniat mori vo-
 lentem, qui non habuit aliquem verantem; tua
 vero prompta benignitas impulsores invenit, nec
 mortem refugit tamen sed aggressa est; ac si in-
 tra mortis fauces prædam deprehendisses, quam
 eas extorsurus. *Vigeat, vigeat, inquam in*
mortalium pectoribus hæc mæsta solennitas,
& tantum æternitatis reposcat, quantum vel
vita destræ suppetant, vel memoriae largi-
entur. Dixi.

In annuam Carolina Inaugurationis
 memoriam.

A Nnuus solennitatis redit circulus, &
 post priores gratitudinis conatus, no-
 ra exultandi occasione, pietas nostra sese
 iterum explicavit. Exigit enim hodierna
 solennitas (pientissimi tam regis quam Caroli
 amatores) summum & mentis & memoriæ
 officium: mentis, quia virtutis *Amasium*;
 memoriæ, quia gratitudinis materiam ex-
 hibuit. Licet aliis fucatas principibus affi-
 cere virtutes, eas vero quas comprehendi-
 mus

mus à fūco alienas, Nos delineamus. Quid quid ingeniosum adulationis artificium de principe mentitur, *Nostro* debetur: in quo, nescio an *Carolū* magis laudarem, an *Regem*; an publicarum virtutum *ideam*, an privatarum *exemplar*: *hæ* clarum reddent, *illæ* amabilem. Ast quorsum verba? præstat tacita gratitudo, clamoroso encomiorum ambitu. Bonum principem pingere qui velit, cœleste quoddam aggreditur animal numini quam mortali similis, omni virtutum numero absolutum, & tamen sui regem, quàm aliorum, — *quem virtus regem non diadema facit*; in quo nec severitas pietati officit, nec humilitas majestati, cui plusquàm paternus in omnes affectus hunc supremum ambitum fecit, omnibus charissimum esse, adeo ut eodem intuitu, *Octaviū*, *Titū*, *Trajanū*, conspiciatis, & adoretis, talem hunc esse oportet, qualem omnes colunt, omnes venerantur. Esto (auditores) *solo* dignus, exhibebit sanè pietatis palæstram, in quâ omnium celeberrimæ mentis dotium certamen & victoria; *hic* comitate stipata gravitas, *illic* gravitate librata comitas: alit livorem pertinax severitas, nec consolidat fidem, sed enervat; provehit scelera impetrata comitas, & dignitate prodigendâ emittit contemptum. Siderum terræque vices princeps subditique agunt; illa influxu terram recreat, hæc collatos imbres ubertate retribuit;

buit ; ille bonitatis radiis reficit, hi officiorum propensitate compensant. Satagunt alii si parum noceant, & prostrata obsequii suspiria contemptu remunerant. Imperitum verò regnandi artificium suam dimittit firmitatem, nec subditos ad observantiam pellicit, sed inconstantiam. Necesse est illum multis timere, quem multi timent ; & debilior *Caligulae* emptitia divinitas, quàm genuina *Trajani* humanitas : depascit sanè fastus potentiam, & putrescens tyrannidis arbor ab iis corroditur vermibus, quos ipsa fovit. Regium est se regem nòsse, ignobile ostentare, praeesse non insolescere ; hoc enim ab illo omnes exigunt qui inter viros rex est, inter reges *fidus*, ut subjacentes potiùs influxu reficiat, quàm fervore perstringat : hinc ab ipsis regni incunabulis, tam mutua, tam calida affectuum concertatio, dum regi nec importunus dominandi animus, nec subditis detrectandi ; dum leges feruntur, ut crimina corrigant, non inveniunt ; officiaque praestantur, quia rex meruit non exegit. Liceat itaque interrogare (imperatorum portenta) quid tantopere vos fascinavit, ut regis personam & insignia malitis, quàm affectus & honores ? Non auro & margaritis splendens solium, nec titulis tumentia edicta, quæ maiestatem mentiri possunt non conservare, non sanguine foedata consilia, quæ terrorem incutiunt, non pietatem ;

tatem, regiam conſummant dignitatem. Summum *Romani* ineuntes magiſtratum non *Junonis* ædem, ſed *Capitolium* petierunt; noluerunt enim impotentes & muliebres affectus, ſed ſupremo *numini* congruos, piè, conſtanter, prudenter libratos, qui ſuâ ingeniâ innixi bonitate, timoris prætextus relegarent, invidiæ cauſas averſarentur. Inde *Jovis*, *Alcidis*que numen è ſepulchris erutum; quippe quos ſupra viros virtus extuliſſet, ſupra mortis injuriam fama evexit. Quantum itaque (viri obſequio, fide, pietate, inclyti) Carolino debetis imperio? quantum virtuti? quæ pacem à majoribus relictam vobis fancivit, ſacerrimos patrum cultus firmavit, modèſtia, pietate, & quod in regali licentia rariffimum, conjugali affectu cunctos prævit. Quid denique vobis ſanctum charumque, quod non roboravit? In hoc uno igitur ſit feſtorum ternio, hodie enim *ſeculariæ* agimus, eoſque dies, quos nemo antea conſpexerit, celebramus; *Fontinalia*, & fontem ex quo *Angliæ* ſcaturit fœlicitas, coronamus; *Carolinia* & *Carolinæ* ſalutis continuationem precamur. Ut vivat (inquam) & floreat *CAROLUS*: vivat & floreat caſta tori conſors, vivat, floreatque regia proles, donec extrema æternitatis conſinia pertingant; nec florere deſinant, donec non altius florere liceat. Dixi.

Splendet in adversis virtus.

Non me latet quales viros alloquor (audito-
tores) fortes, nec ad mediocria natos.
Nec irridendos ideo. Caligulae propono triumphos,
nec Germanici invidendos, ubi vel in Oceani exuvias lusum, vel in mortalium funera triumphatum. Trophaea sanguine emptius saevitiae ostentant, quam virtutis; & cadibus madentes arcae caeleste concitant odium non placant. Egregia est illa triumphandi methodus, qua supremum virtutis extrahitur exercitium, qua splendentes pectoris dotes explorantur, & victricia virtutis tempora spinis coronantur. Sumus mortales in pace tumultuosi, in bello segnes, in utroque a virtutis demonstratione alieni, quae nullius sanguine imbuitur, nisi impiorum; nec potentiae insignibus exultat, sed innocentiae. Ea est proterva eorum insania, qui sanguine & caede quo magis maduerunt, eo se fortiores jactant, ut ibi summam bene agendi gloriam ponant, ubi a bene agendo latissime aberrant, quippe sanguinolentis bellorum latrocinii non torquetur solum vera virtus sed suffocatur: longè meliorem viam nobis prudentia ostendit, qui partem virtutis inediae, partem catenis, partim morti debemus; animose indigemus, mansuete vincimur, intrepide morimur; Salamandrae instar, etiam inter flammās vigent fortes animi, & Pantarbæ haud dissimiles.

virtutis fervore affatim incensi, nunquam frigescunt. Magna illa virtutum exempla, Reguli cruciatus, Phocionis dedecus, Catonis exilium non virtutum defectionem exhibuerunt, sed splendorem. Odoriferas sylvas quo magis radii solares torrent, eò fragrantiores spirant odorem. Habent res adversæ non mediocres virtutis stimulos, & quod Palmæ sub pondere luctanti accidit, inter deprimendum assurgere docent, interque negligendum florere. Quam maxime venenatos fortunæ dentes provehemus, nec sævitiam opprimentium metuamus; iis artibus virtutis radii accenduntur, quibus ab imperitis obtundi metuuntur. Proponat aliquis fœrales Domitiani dapes, non cantu & cupediis, sed omni mortis apparatu instructas. Sepulchri conspectum non horrere discemus: si eximatur vivendi facultas, moriendi constantia innotescemus; nec statim fuga evitemus, sed discrimina patiundo illustremus. Patria exulamur? peregre magnanimitatis documenta exhibebimus. Officia si civium adimantur, hominum agemus; Facundiæ mystis indicitur silentium, abditam innocuorum agant clientelam, si quis amicorum consortio prohibeatur domi cum tacito suæ mentis candore versetur; si non magistratu possit, servitute clarescat; si non libertate, vinculis. Ita cymbam procellis adaptasti, ita æstuantibus insultes fluctibus, & fœlicem portum nactus, securus adores littus, & in adversantes rupes arenasque minitantes, læto cum neglectu cœ-
 los

los retorqueas. Nulla timeas adverſa dum ut omnia, etiam peſſima patiaris, undique accingaris.

In Domini cuſtodis M. Sigilli
inaugurationem.

Non fallaci ſumus gaudio correpti, dum tuæ dignitatis gratulamur auſpicio, (æquiſſimè legum Cuſtos) à fœlicique magiſtratûs ingreſſu, cum futurâ tuâ perfectione noſtram ſimul auguramur fauſtita-tem: quippe quos prioris magiſtratûs fida comprobantur experimenta, his altiùs inſurgentibus affectiſſimè ſumus devoti. Spes & vota noſtra humili quâdam tibi ſuffragantur audaciâ, qui à ſummo purpuræ decore, ad celſiſſimum ſurrexiſti inter ſubditos faſtigi-um; ac ſi ſumma virtutis eminentia non niſi cum ſummo conſiſteret honore. Acqui-eſcunt ſubditorum plauſus regiæ voluntati, quæ nec te in tam arctam elegiſſet fiduciam, niſi meruiſſes; nec populus comprobâſſet, niſi placuiſſes. Videas & quid oſtendit com-preſſa gratulantium colluvies, & quid ex-pectat; quibus nec pluries apud antecello-res, nec amantioreſ. Nec arcana pectorum (vir perfectiſſime) rimari neceſſe eſt: pro-ſtant in fronte hilaritatis indicia, & in vultu

à simulatione alieno veri affectuum leguntur caractères; nec solum præsentium fruimur gaudio, sed expectatâ futurorum delinimur suavitate. Hoc optimi magistratus privilegium, & in pectus penetrare, & linguæ imperare; hic constanti bene agendi suavitate, ipsam severitatem reddit amabilem, & imperterritio sceleris odio, ipsam lenitatem reddit ingratam. Votorum semina tuus foveat progressus, pergas ut cœpisti, à virtute ad honorem, ab honore ad virtutem, & publicum bene agendi studium. Absit protervus supplicum contemptus, qui excelsiores abjectè metuit, depressiores fastuosè conculcat. Cogitet secum tua prudentia, quorsum legum habentæ? quorsum fidelitatis insignia mihi concedita? Quorsum inter proceres conspicuum tribunal? nisi ut exemplo præeam, virtute præcellam: hoc enim erit eximiè à patriâ mereri omnibus optimum esse. Ast ne expressa nimis benevolentia inter demonstrandum fatigaret, quidquid temeritas nostra ausit, tua leniat humanitas. Dixi.

In annuam Jacobi M. Britanniae R.
margaretae memoriam.

AD fletus nondum abstersos (tristissimi consodales) reversi estis, & ad maestitiam quotannis renovatam. Metuo verò ne quod acturi sumus non agamus, & infra defuncti merita nostri cadant dolores. Absorbentur vasto temporis hiatus lachrymarum fluvii, & languide tandem lugemus, quæ sæpe luximus. Fallor vero: annuus mæstæ solemnitatis recursus istum portendit luctum non perituum, quem anniverfarii planctus refecerunt. Attamen haud impium est timere, ne sicut in vivente non satis sumus gavisi, ita amissum non satis desleremus: raro enim bono principi justa doloris pendimus tributa, nisi cum malum sentimus: Si Jacobi obitum Britannia non lugeret, ipsa Europa Præficam ageret, & publicæ pacis arbitrum, clarum ingeniorum solem, purum soliorum lumen, extinctum perenni fletu prosequeretur: Liceat enim, quibus pacem in propinquo non fas est contingere, solium pacificum eminus adorare; & qui sæpius Adamantinam Martis tunicam, quam Plutum in Irene gremio consopitum sunt intuiti, regem ad pacem, prudentiam, pietatem, factum venerari; liceat, qui coacti vel vitia vel virtutum umbellas coluerunt, lubentes concordem virtutum chorum admirari. Vidimus

(auditores) in uno pectore, perfectum regiarum virtutum exemplar, mundi imperio pacem animum, cui summum decus & multa scire, & multa regere. Inveniunt alii pacem sed concitant bella; quam pacem verò Jacobus invenit nutantem, reddidit certissimam. Nec pax nostra vel sanguine vel prece emptia, sed prudentia confirmata, Pax in cælis gloriosa, in terris charissima; hinc bellorum procellæ suavi concordie rore deliniti, & dissidentes, invicemque suspecti animi grata quadam violentia constricti. Quid imperio potuit accidere gratius, quam semotissimam Britannia partem, unde cladium expavimus diluvium, a cædis antro in pacis munimentum convertere? hic jucundissimus studiorum fructus, interna quies, externa securitas; quæ, quasi felices imperiorum genii, instabile tyrannidis non contingunt solum, sed regna, virtute duce, comite prudentia vigentia, claudibus liberant, faustitate decerant. Liciat illis qui invisi formidantur, & ingrantur, quia formidati sanguinem sitire, & sanguine satiare; Jacobo placuit universa tranquillitas, & sanguinis etiam vilissimi parsimonia. Vulneri vero patet, qui clypeum abiecit; & frustra bellum odit, qui hosti inermis occurrit: hoc vero regie prudentiæ opus, Martem Minervæ auxilio superare, & dum paci studet bello imperare; hinc portus muniti, exercitus instructi, enses & in hostem stricti, & tanquam publicæ pacis monumenta, intacti posteris relictæ. Quoties (auditores)

ditores) adulatorum deriſi recordiam? oratorum impudentiam? qui fucatis cupiunt laudibus luſtus extorquere; & animos odio accenſos, ad comprobandum perſuadere: inauditum eſt, bonum principem non amari, difficile eſt malum non invideri. Conticeant vero linguæ, mentes loquentur, & quamdiu pax, prudentia, pietas, in pretio apud Britannos erit, ſuaſi cum oblectatione Jacobi nomen audietur. Certiſſimum eſt affectuum vinculum, veſtrorum meritorum igne, aliorum affectus inflammare, & compendioſiſſimum ad gloriam non morituram iter, omnibus benefacere. Anceps vero mihi animus, an privatas magis virtutes an publicas colerem, regem an virum, decus an exemplar; quæ unita igitur ſplendent, diſjuncta ſordent, tanquam gemmulas Britannicum annulum colluſtrantes, privatim mirabor, publicè venerabor. Quidquid ingenii vigor, quidquid pietatis amor, quidquid utriusque fortunæ documenta in regis decus conferret, Jacobus meruit. Alios opinio, alios error illaqueat; ſuperat vero humanæ felicitatis modum, adeo mentis caliginem diſcutere, ut ſine fumo flammam ingenii videaris accendiſſe. Quid vero, in hac mente, caliginis? Quid erroris perverſitatis merſum? dum inter cæleſtia eſt verſatus, non terrena latuerunt; nec, dum terrena tractaret, cæleſtium eſt oblitus. Mireris vero, unde à ſoli ſpinis tanta mentis tranquillitas, tantus ingenii vigor, ut idem caput tam cathe-
dra,

dra, quam tribunali dignum, tam foro præſideret, quam Lycea. Unde aureus ille regis ſtylus ? qui plura ſummi ingenii monumenta literis mandavit, quam alii legerunt, & quam omnes antiquorum principes produxerunt. Veſtræ vero gratulamini fauſtitati ; quod majores vix auſi ſunt ſperare vidiftis, ſucceſſivam trium principum in literas pietatem, in Academiis munificentiam, quas in cunis fovit Elizabetha, in adoleſcentia inſtruxit Jacobus, in virili incremento Carolus confirmavit. Abſit vero eclipſis memoria, ne ſolis iterum ſplendentis non patiatur remiſci. Vivit poſt funera virtus : in exemplis vivens, in mentibus vigens ſupereſt Carolus, paternæ virtutis idæa ; tali enim dato ſucceſſore ſuperſtes videatur Jacobus, non extinctus. Dixi.

Elizabetha Anglorum regina.

EA eſt virtutum fors (auditores) quæ parentum, etiam in prole florere, nec poſt obitum penitus interire. Inter poſteros gloria virtutis progenies eſt, & perenne dignitatis monumentum. Summorum virorum lapſus, audacter aſſero, citius apud ſequentes ætates oblivione tegi quam virtutes ; vecordiam itaque eorum proſcribamus, qui cum præſenti vitâ credunt celebrum.

brium facinorum memoriam extinguere; & ex hodiernæ solennitatis intuitu, quis non mihi suffragatur? ubi constat *Elizabethæ* memoriam post funera splendidius florere, nec ullo monumento compensari posse nisi æterno. Quicquid supremum virtutis fastigium; quicquid flagrantissimus pietatis ardor; quicquid celeberrima inter posteros munificentia meruit; hoc princeps exigit. Sileant *Semiramiden Babylonii*, *Tomyriæ Massagetæ*, *Zenobiam Palmyreni*: sordent harum fictæ vitiisque confusæ virtutes, nec merentur laudes, sed rapiunt. Ea verò monumenta, quæ adulandi fugiunt pretextum, fingendique carent obsequio, celebrant *Elizabethæ* memoriam. Fingite vobis principem, cujus nutu totius generis humani vicissitudines regantur, cui talis laudum concentus eveniat, qualis invidiæ silentium imperet, cui denique omnia secula Palmam ferant, huic potius parem fingetis quam majorem: Incidit in sexum (auditores) tam togæ quam sagi incapacem omnium virtutum tam in pace quam bello splendentium, consensus, concertatio, victoria. Nec, dum magnanimam dicis, detrahis à lenitate: nec, dum piam, à prudentiâ; nec, dum mulierem, à majestate. Ac sanè inter summa & perpetuò victura facinora nihil hoc strictius æternitati jungitur, quod
fe

se non minus patriæ genitam credidit, quàm sibi. Non commemoro quæ bella gessit, quos hostes devicit, quos motus pacavit; hæc, etiamsi in laudem efficacia, robur sine pietate præstitit. Ortus etiam splendorem taceo; fontes enim repetere prolixum, ubi continuò fluxus tenore, scaturigines & virtutem colligunt & amplitudinem. Frustrà etiam formam, pulchritudinem, decorem laudarem; hæc quasi cum pessimis communia, diuturnus temporis tractus deterisit; porrò tenuiores virtutes ampliando, incassum tempus contererem; quippe clariores obscurant. Est enim eadem virtutum fors, quæ syderum, exilium fulgori grandiores officiunt. Constat eam supra sexus infirmitates, sapuisse, vixisse, gubernasse. Inauspicatum fanè genti extitisset, sexus injuriam hujusmodi mentem à castris prohibuisse, si animus sexu elatior, non magis consilio valuisset quam armis. Ire per singula vobis prolixum, mihi inconcinnum; duas itaque vitæ periodos observate; à cunis ad sceptrum, à sceptro ad sepulchrum: hic patientiæ, inter adversa, victoria; illic, fortitudinis, inter pericula, triumphus: Primam ætatis facem variæ calamitates exceperunt; Maris verò tranquillam temperiem, antegressæ procellæ commendant, & ad ampliandam su-

turi

turi imperii celsitudinem, hæ procellæ præceſſerunt, ut omnigenis virtutum ſubſidiis inſtructa, nec in adverſis conſtantiam exuere diſceret, nec in proſperis timorem. Singula etiam regni luſtra, ſingulas protulerunt moleſtias; invicta tamen pietas vel prudenter evaſit, vel fortiter ſuperavit: adeo felici ſtipantur ſucceſſu folia numini cœleſti chariſſima, ut pietate magis quàm viribus ſuffulta, perfidiam premant, inſultus ſpernant. Quid unquam *virorum* imperio ſpecioſius, quàm regni conſinia protegere; afflictarum gentium ſe tanquàm aram & aſylum gerere; imminere perfidis hoſtium regionibus, hoſtilesque fremitus armis comprimere; Actum erat de patrum veſtrorum ſalute, ſi hæc regina non à cœlo data fuiſſet: Quippe militiæ antiquum decus, claſſi inauditum anteaſtis ſeculis robur, Muſarum imperio veterem ſplendorem, reſtituit. Novit illa nullum ſeculum ſine doctrinâ ſummum, nullam ætatem meliorem literatâ: Maritima receptacula munimentis inſtruxit, ne & ſuos negligere videretur, & hoſtes allicere. Nummorum valorem, ut bene agendi æqua præmia non deeſſent, correxit; & mercaturæ dignitatem, tanquam à pulvere evexit. Mirentur poſteri quàm fidâ custodiâ, lignea mœnia ut apud *Athenienſes* olim, *Angliam* tuebantur.

bantur. En eam ætatem (auditores) in quâ artibus, pietati, legibus, debita veneratio mansit; inque sempiternam principatus memoriam, modestiam, justitiam, benignitatem, in propatulo habuit, nec non ingentem illibatamque fidelitatem. Nec subditis solum jura dedit; sed minus sibi quam subditis licere existimavit. Scitis verò ubi verissimus, ubi primus principis honos, tranquillam pacem, non subditis solum, sed posteris creare. Magnum quidem est educandi incitamentum, tollere liberos, in spem piæ & securæ libertatis; nec fortunas solum sed quietem, quasi hæreditario jure relinquere. Nec inter suos *Elizabetha* quàm peregrinos clarior, sed *Africani* illius æmula omnes Barbaras gentes sui habuit admiratores. Hæc parca laus acti imperii, nec minor relictæ. Quippe certissimum florentis imperii pignus similis successor, talem meruit, talem designavit, adeò ut gens Anglicana ex solis occasu potius luminis augmentum sensit, quàm defectionem. Dixi.

Ad iudices annum regni-lustrum
peragentes.

Non peccamus in virtutes vestras (venerandi iustitiæ, integritatis, prudentiæ mystæ) dum primo vestrum intuitu, humili quâdam admiratione detineamur, interque mirandum, in grates prorumpamus; quippe corporis decore amabiles virtutum & canitiei fulgore illustres, nec non fascibus, tribunali, purpurâ conspicui, exigitis & obsequium & venerationem. Nec facile se coercet exundantis affectûs magnitudo, sed dedignata pectorum latebris coerceri, læto se expromit sermone, quoties inter vestra in nos beneficia, nostraque in vos officia dividimur, & utraque pensitamus: hinc dignitas vestra procul semota colitur, & in propinquo adoratur; hinc atria & penetralia adoramus, quæ vestrâ præsentiâ illustrantur, nec purpurâ & fascibus hæremus hallucinati, quæ dignitatem mentiri possunt non conservare, majestatem ostentare non stabilire; sed prudentiæ clementiam libranti, clementiæ severitatem moderanti palmam ferimus: quæ in se quidem gratissimæ à vestrâ bonitate sunt gratiores. Non nobis igitur debetis, sed pietati vestræ, quod his gratitudinis primitiis libemus; ubi non oculorum servili officio; non fallaci linguarum obsequio; non superbienti hecatombarum

tombatum pompâ, ministramus : sed mentium
 pientissimo fervore, gratiarum, amoris, voto-
 rum humilitate affectissimè repleto. Regiam
 (viri gravissimi) in vobis effigiem, regiam
 in vobis bonitatem colimus, per vos sentimus,
 in vobis legum adoramus imperium, per vos le-
 gum fruimur æquitate. Ut deputatum Natu-
 ræ solem languentes terras recreantem, sic om-
 nes vos intuemur, nec quenquam vestræ præ-
 sentiae fulgor perstringit, quem non suæ nequi-
 tiæ perterret conscientia ; Gratissimi etiam
 mundi luminaris instar, vos omnibus dividi-
 mini, semperque estis amantibus præsentem, dum
 vel vobis propinquis fruimur, vel redituros
 speramus. Quod solum igitur nostrum est, gra-
 tias agimus, & quoad vires, referemus, nec
 gratulationis errorem metuamus, dum extremi
 gratulantium conatus vestris meritis sunt an-
 gustiores, dum pia gratitudinis devotio, suas
 exprimendo vires, se à crimine absolvit. Sed
 nec fortuna vestra desiderat remunerandi vi-
 cem, nec nostra suggerit. Ea est privatorum
 copia, inter se officiis concertare ; sed vestra be-
 neficia, ut dignitate præcellunt, sic mutuum non
 reposcunt. Illi, quam distribuitis, justitiæ opes,
 quietem, vitas debemus, quarum, vestrâ pru-
 dentiâ, est tuta & secunda fruitio. Nec, in
 hoc virtutis sacrario solo, gratitudinem profite-
 mur, sed in omni loco, quem refocillans justitiæ
 influxus pertingit. Nec linguarum solum furo,
 & fictâ lætitiæ promptitudine agnoscimus, quam
 bonitatem

bonitatem persentiscimus, sed quod in cælos fieri solet, ~~meditando~~ copiosius, quam enarrando: gratulantes itaque admittite tam tacentes, quam loquentes, tam remotos, quam propinquos. Quippe omnes loci, quasi vestro numine feliciores, expansis affectibus produnt gaudia, huic tribunalis quædam lætitia, quod suscitatis legum viribus amabile præstitistis; iorum jam iustis lætius decretis, quam alibi mæstis horridum querelis; in viis, concursus plurimum gratulantium neminem patitur solum gratulari, quasi tutelari enim Mercurio munificæ nec latrociniiis horrent, nec iniuriis mærent. Aedes vestris auspiciis asylos sunt tutiores, lecti etiam ad quietem dati, vestra redduntur prudentia securiores. Pectora denique elacibus extricata timoribus vestrum perpetuo vacant memoriæ. Et vestrorum meritoriam contemplatione exercentur. Ast qui solum beneficia commemorat, nunquam compensat: post ultimos gratitudinis labores non sumus adhuc solvendo. Restat nobis igitur perpetua debendi necessitas, vobis perpetua bene agendi gloria. Dixi.

N

Conja-

Conjuratio Nitro-sulphurea.

EAdem est sæpissimè deformitatis fors, quæ pulchritudinis (viri purpurâ, stemmate, pietate inclytissimi) utraque penicilli exuperat artificium, utraque contemplantis fatigat oculos, illa squallore, hæc suavitate; nec minus torquetur exprimentis solertia per virtutis decorem, quàm nequitiae turpitudinem. Inanis igitur operæ videretur nostræ in dicendo tenuitatis causam agere, quippe hodiernum scelus acturum est, in quod nec satis vindicabit loquentis lingua, nec audientis odium. Satis vobis, satis semotissimis terræ incolis innotuit hodiernum facinus, cuius horrenda & inaudita barbaries omnium seculorum scelera silentio multavit; supra tam pœnam, quàm exemplum perfidia, & centrum in quo omnia coirent scelera. Conscientiæ ultra amentiae violentiam, ultra furoris crudelitatem præbacchata, patriæ, legibus, pietati indixerunt odium, & ut fucatae pietatis larvam inducerent, ipsius pietatis interitum machinatae sunt, ac si scelere inchoatam, scelere confirmarent fidem: Quorsum verò castigarem illud scelus execrationum aculeis, quod truculentiores quàm vel *Oedipi* vel *Tisiphones* diras meruit?

meruit? Quorsum odii stimulos acuerem, cum potius gratitudine opus, quam excandescentiâ; hoc solum mihi in votis, sceleris perfidiam narrationis fide compensare. Imperante *Jacobo* Rege solio pacifico, claro mentis lumine, summo virtutum concentu celeberrimo, ut inceptum faustissimi regni fundamentum ordinum consensu, legumque perpetuis vinculis stabilirent, convenerunt procerum flos, plebis decora, ecclesiæ lumina, de publicis negotiis deliberaturi. Multi verò quibus regis imperium odio, populi tranquillitas fastidio erat, Westmonasterium suo sceleri destinarunt, quod rex conventui more majorum constituerat, ut eodem funere rex, regia proles, Satrapæ, humarentur; ut eodem ictu leges, & salus conciderent, locique ardentibus ruinis subditos magistratus, rempublicam operirent. In subterraneâ enim fornice (proditionem quis miretur lucis pudere?) sub *comitiarum* ædibus reponebantur dolia plusquàm triginta, in iis electissimi pulveris tormentarii circiter pondo decies mille, super dolia trabes lignæ, & quam plurima ferramenta, quæ incendii impetu sursum elata supra fulminis atrociam sævirent, & circumjacentia legum, justitiæ, procerum palatia haud reparando interitum demolirentur; inde corporum strages, membrorum laniæ, discerptorum

offium confuſio, tot martyres erat videre; quot cadavera, quos hoc officioſum par-
 ricidium, quaſi præpropere aſcenſu, in coe-
 lum eveſtendum erat; ac ſi quò inferis fa-
 cinuſ erat propius, eo trucidati cœlo pro-
 piores. Horret animus dicere (auditores)
 quam ſanguinea procella hæc fulmina ſe-
 cuta eſſet, & quam atroces clades regnum
 obruiſſent, quæ urbium ruina, quæ mag-
 natum populique cades, quanta literarum,
 virtutis, tranquillitatis labes. Nec dubi-
 tandum eſt, quin, ſi hæc perfidia exitum
 habuiſſet, rex, regina, ſtirps regia, certifi-
 ma futuræ pacis pignora, unâ cum illu-
 ſtriſſimis regni proceribus diſcerpti eſſent,
 nec quenquam reliquiſſet hæc ſtrages, quem
 vel ortus vel prudentiæ privilegium *Comi-
 tiis* dignum reddidiſſent. Quantum igitur
 vigilantibus debemus providentiæ? Quantum
 divino patrociniſ? quæ inter pertinaciſſi-
 mas proditorum machinas, hoc florentiſſi-
 mum imperium ab ingruente interitu con-
 ſervarunt, & ampliſſimo pœnarum ſcœnore
 perfidorum ſcelus retribuerunt. Ite, de-
 lubra hoſtiis gratiarum ſaturate, indefeſ-
 ſam numinis charitatem perpetuis enco-
 miis adorete, & ſi poſſitis, tanti beneficii
 characteres poſteriorum mentibus impri-
 mite. Ea eſt enim huius beneficii gloria,
 quæ nec vetuſtiſſimis antiquorum annali-
 bus nec ſuperari poteſt, nec æquari. In-
 genioſæ

geniosæ *Neronum* occidendi methodi, *Siculæ* tyrannidis peritia, cavatæ *Perfarum* scaphæ, aculeata *Pœnorum* dolia sceleris quandam pudicitiam & infantiam exhibuerunt, & debilem quandam crudelitatis delinearunt effigiem, hoc nequissimum flagitiorum compendium sceleris robustam maturitatem produxit, eam certam trucidandi artem invenit, quam nec evaderet quisquam, nec præveniret. Aliorum scelera in homines sævierunt, hoc in cœlum, alia in hostes, hoc in patriam, alia odio stimolata, hoc amore delinitum. Homines verò calidissimè impudentes! Frustra adversus tantam sortem dimicabitis; ipsi cœli tuentur. Frustra adversus veritatis splendorem invehimini, variis miraculis defensionum illustratur, qui proditiōis fraudes, errorumque spernens malitiam, & sapientes devicit, & dæmonas oppressit. Sortitum est hodiernum scelus vestrum non morituram infamiam, veritatis non perituram gloriam, & *Vestalis* incendii instar, perpetuis odii flammis in *Anglorum* pectoribus reviviscit, nec nisi cum ipsâ gente extinguetur. Dixi.

Invidia scelerum nutrix.

Meruisse (poetæ) fidem, dum vitia sub monstrorum specie depingitis, dum portentosa alimenta, ædes squalentes, omnesque gestus quasi in horrorem compositos auditorum mentibus insinuat; quippe scelera generi humano inimica, virtutis candori infensa, mentis quieti insidiantia non aliud meruerunt penicillum, nisi quod atro dedecoris succo fœdatur. Unicum (si placeat) cætera nequitia supergressum, hujus cætus censuræ subijciam. Invidia est (auditores) cujus nomen, nisi præfata patientiâ, vix proferre ausim. Quid viam rationi obstruit? Quid ingenuos affectuum impetus enervat? Quid æqui bonique aspectu impatiens summam sanctimonie puritatem, celeberrimæ facinorum gloriam tetra dedecoris fœtore polluit? si durescas odio, si sapias livori, si pietate polleas, calumnie obnoxius es, nec quisquam ab invidiæ telo securus, qui non scelere sibi infestissimus. Sunt morbi tam ægro-tanti perniciosi, quàm astanti lethales; illum dolore torquent, hunc venenato afflatu perfundunt: ita invidia non minus sua intestina excruciat, quàm aliorum tranquillitatem perturbat.

Ex inopinato gravis intonat, & rude murmur
Turbinat introrsus, alternantique furore
Sævit, & infuscat, ceu *Martia* classica pulset.

Quod

Quod de quibusdam pharmacis medici perhibent, in uno complurium vires latere, hoc de scelere coryphæo dicam, irarum stimulos, odii pertinaciam, ambitus sitim in eodem gremio fovet, etsi enim imbecillus huius affectus vigor suis plerumque nec consiliis nec votis respondet, humiles enim duntaxat animos habitat, frustraque in altissimos dirigitur: denegat etiam summus rerum humanarum rector summo scelere summam potentiam, ne turbines & procellas concitando sacra profanæque misceret, attamen si licentia adesset, sævus, amkitiosus, injuriæ ultra satietatem avidus foret, quid non fluminis instar castigantes riparum obices evertentis, non profterneret? quid terræ motus instar ex cavernis erumpentis, non obrueret? Scelere vulgari assurgunt altiores invidiæ percussæ mentes, & serpentis ritu venenum emissuri, usque in suum extumescunt interitum. Eisdem malignis viribus & basilisci & invidentis oculi inficiuntur, eodemque noxio aspectu visorum salutis insidiantur, & quod mentibus pietate imbutis affectissimos doloris aculeos concitat, aliorum miseras intueri, hoc invidiæ manapiis gaudii favillas accendit, nec major inter mortales nequitia est, quàm lætitiæ materiam ex alienis calamitatibus eruere. Ecce vero aliud egregium invidorum facinus, si enim ulla mortalium vota ipso cælo maleficia deduceret, invidorum vota deducerent, qui aliorum

fœlicitatem ægris intuentes oculis hinc petunt infortunium, unde mortale genus solam tranquillitatem speraret; ipsi infelices neminem alacriter aspiciunt fœlicem. Nonne cades & rapinas concupiscis? Nonne gentes ad arma stimulas? mutuâque strage calentibus insultas? Nullum mortales deprecantur infortunium, quod non exoptant invidi. Quid Carthaginem Romæ? quid Spartam Athenis? Quid Italiam orbi terrarum fecit æmulam? nisi sceleratus ille affectus, qui miseriæ flammæ excitat, ut in incendio exultet. Inter hosce tamen gratissimos calamitatum intuitus invidia non saturatur, quippe phœbisi laborantibus haud dissimiles, inter lætissimas dapes marcescit. Si itaque hostibus infœlicissimam sortem exoptarem, ut mihi inviderent, efflagitarem, inde enim opulentum cruciatuum thesaurum, inde amplissimam scelerum congeriem in seipsos cumylarent. Nemo enim alius scelestus, qui non sibi perniciosus.

Amicus alter ego.

UT verè ingenuitatis verecundiam agnoscam (juvenes dilectissimi) audire amicitiæ laudes malui, quàm dicere; & potius aures, quàm linguam in his solenni- bus (ubi tot aureæ satundiæ columnæ circumstant) exercere. Imperat verò meo pudori

puſori veſtra dignitas, & meherclè vel ſuperbus viderer, ſi hanc provinciam effugerem, vel inhumanus, ſi recuſarem; quippe amicitiae jura violavit, qui amicitiae dignitatem non vindicavit. Prodeſto igitur in hoc theatrum, ut & vobis expandam, quanti eos habui quorum veſtigia ſequor, & incitem eos qui ſequentur. Quid vero eſt quod molior? amicitiae effigiem; opus vel *Myronis* officinâ dignum, vel *Polycleti*; & de quo non indignè (ut ille quondam) pronunciemus, vel Numiniſ opus vel *Apellis*. Quippe hoc centro nullae non coeunt virtutes, hoc nexu familiae, civitates, regiones, nec non totius orbis Fabrica cohaeret. Concordiam in terris exoptamus; in elementis miramur, à coelis diſcimus, & pulchrius eſt omni trophaeo; celebrius omni encomio, hanc inter mortales ſtabilire, quae praecipuè apud coelites celebratur; ſolis, aeris, lucis commoda ignorat, qui amicitiae utilitatem non didicit. Et quàm eximiè ſapientiae conducat, videte; quanti vobis eſtis, tanti etiam ſunt amici: anne conſilium tibi ſuggeris? ſuggerit amicus; Anne ſolatium? hic ſolatur; Anne tutelam? hic tutatur; cordis, cerebri, hepatis vice, vitam ſpiritus, calorem, ſuppetit. Pulchrum eſt illum habere, quem praſentem complectaris, abſentem concupiſcas; à quo diſiſtus, à teipſo videris diſtractus; cùm
mens

mens dubia conſilii inter ambigua fluctuat, hic ſtabiliet; ſi mœrore ſubſidat, hic ſublevabit; ſi errore diffluat, hic confirmabit; ac ſi perfectionem amicitia adderet iis numeris, quibus (ſi veteribus credamus) animæ totius dignitas abſolvitur; hic denique ventus eſt, quo ad honoris, opum, favoris portum mortales appellunt. Querimur verò mortales, paucos ſi non omninò nullos inveniri fideles; hic enim blanditur, non diligit; ille potius φιλοβασιλεις, quàm φιλαλιζωδες; alius commodo inhiat, non amicitiiſ. Erramus (auditores) vel deligendo amicos, vel tractando; verum cur ab aliis non audimus? quia ipſi non dicimus; fides cur negligitur, quia non præſtatur: fidelem quem putaveris, facies, non pauci vero fallere docent, dum timent falli. Multi quidem amicitias non niſi atrati contrahunt, ut olim *Athenienſes*, ac ſi potius hoſtes evitarent, quàm amicos colerent; alii amicitias joco diſſociant, dii boni, inquit *Lyſimachus*, quam indigna voluptas præcipuam peſſundat felicitàtem. Indigent fateor protervi huius ſæculi mores efficaci illâ *Romanorum Viriplacâ*, quæ ſimultates fugaret, concordiam foveret; quæ furibundos mentium motus comprimendo, veri amoris dignitatem eveheret, adeo ut tandem, quantum mortalis mortali prodeſſet, plene innotefceret. Malus malo nocet, & facit pejorem,

pejorem, iram libidines faſtum concitando, voluptates laudando, nequitiae aſſentiendo; Et tunc maximè adoleſcunt mali, ubi plurima ſunt vitia, & in unum collata ſcēlora ſunt. Proſunt è contra boni, inter ſe enim exercent, agitantque virtutes & ſapientiam in ſuo ſtatu continent. Non inepta ſunt nautarum omina, qui, ſi *Caſtoris* & *Pollucis* ignes diſiſim appareant, procellas; ſi conjuncti, tranquillitatem prædicunt. Quas (quæſo) non expectet procellas, cui evaneſcit amicus, metum amici præſentia diſſipat, pericula fruſtratur, inſidias prævenit; denique fruſtra *Euryalos*, *Pythias*, *Pyladas*, audiviſtis, fruſtra *Thyeſteas* epulas, *Bellerophontæas* litteras, *Lycæonis* obſides, ſi nulla apud poſteros amicitiae gloria, vel perfidiae infamia. Amicitias quærite igitur & contrahite, amicos colite, & amplectimini. Arborem plantare ſatis non eſt, rigare debetis, putare, & pertinaci cultu quidquid ſperatis, urgere.

Nemo naſcitur artifex.

NEc inſimarum virtutum radices perſtringere fas eſt, nec à ſummarum gloria detrabere; utriuſque magna eſt admiratio, cenſura difficilis; dum artium & virtutum incubula

nabula contemplamur, miramur incrementa;
 quippe addit natalium humilitas augmenti cla-
 ritati. Voluit supremus artifex, quid & vir-
 tus & cura valuit ostendere, dum genus huma-
 num, sicut cætera animantia, debile, & infir-
 mum finxit, nec arte, nec prudentiâ imbutum,
 nec phalaricis, nec telis instructum; ut exinde
 celebrius claresceret. Ab imo fundamine in-
 gentia excrescunt malimina; Surgunt ædificia
 à tuguriis in palatia; habitacula à pagis in
 urbes; nec mens aliter, quæ depositâ prætextæ
 inscitâ, sensim in adultas vires maturescit.
 Sicut enim per compendia ad divitias propera-
 tur, sic connexæ educationis artes ad summum
 peritiæ apicem mortales ab imâ inscitæ abyssò
 emergere docuerunt. Primò fari, postea eloqui,
 deinde solutâ & ligatâ facundiâ clarescere disci-
 mus, nec adhuc subsistit discendi cursus, nec se-
 dulitatis fervor: linguarum discrimina, philo-
 sophiæ mysteria, artium praxeis exigimus: adeo
 ut dum prior ætas exhibet initia, grandior pro-
 moveat conatus, donec qui balbutiens invenitur
 infans, facundus relinquitur orator, perspicax
 philosophus, celebris mathematicus. Quisque
 à suis conatibus potius quàm ab ortûs splendore
 peritus nominari meruit. En unum Socratem
 cui mediocris Sophronisci eruditio, nec artes,
 nec philosophiam posset imprimere. En illa an-
 tiqua facundiæ decora, quorum in dicendo, Ve-
 nus, ardor, majestas imperitis imperant auri-
 bus: concatenata disciplinarum series, studijs,
 exerci-

exercitationes institutione famulantibus, horum mentes, gloriâque perficit. Non sufficit menstrua duratio ad fovendum embryonem, primo nervorum, arteriarum, venarum, radices; dehinc ossa, caro, totius denique machinae compages in perfectionem finguntur, postea perpetuus vigendi tenor absolvit virum; nec aliter artes quam ipse artifex augentur, quas non subitaneus decorabit introitus, sed pertinax laborandi propositum. Incumbit itaque vobis (juvenes) summum vigendi studium, ad palmæ incrementum oculos convertite, ingeniorumque menstruum fructum protrudite, nec naturam novercam, sed matrem agnoscite, non perituros vos deserit, sed educandos exponit. Fulgentia exemplorum lumina, & frequentem auxiliantium segetem habetis; qui perspectâ vestrâ industriâ, stimulos addent, & incendia adhuc languentia excitabunt. Quis celebris nominari meruit? ab imo emerfit. Quis non suprema attigit? infima contempsit. Ad priora sæcula mentes assurgant; si Catonem in cunis vagientem vidistis, cernatis & in senatu consultantem; si Apellem fasciis involutum, cernatis in officinâ totius mundi oculos attrahentem. Syracusanus ille artifex à puppis & crepundiis ad globos, & cylindros, dehinc ad stratagemata fulmen æquantia, hostilesque motus comprimantia, excrevit: adeo ut nec pueritiæ quemquam pudeat, quem decoravit juventus; nec virile decus quemquam in tumorem evehat, qui introspicit

De Usu Authoris.

spicit infantiam. Pulchra etiam & ordinata hæc compages, à rudioribus fasciis ad quandam claritatis florem processit, sic vestium concinnatus decor, sic navigandi peritia, sic pingendi, sculpendique artificium. Quantum itaque (mortales) artibus debetis? quæ inculta & impolita naturæ opera, à trunco & imperfecto exordio ad encomia censuris majora erexerunt. Artium spectatis vires, artes odorate, ex vestris conatibus videant posteri, nec naturæ artem defuisse, nec Arti naturam, nec vobis adolescendi studium.

An aurea libertas auro pretiosior
omni? aff.

Quisque suarum calamitatum nimis sedulus enarrator (auditores mansuetudine, pietate, clementiâ conspicui) & cuique sua miseria præcipuè calamitosa videtur. Inter omnes verò constat nostram infelicitatem esse cæteras supergressam. Satis est, dixisse nos eam amisisse libertatem, quam omnes mortales ambiunt, nosque jam amissam maximè æstimandam comprehendimus, ideoque enixè aliis commendamus: nec opus est Auriti Apollinis iudicio, quippe nullis unquam rebus approbantium iudicia defunt, quarum narratio mentem repentinâ delecta-

De Usu Authoris.

delectatione perfundit. Unica hac voce (quod semel à *Cæsare* factum legistis, dum tumultuantes legiones *Quirites* appellavit) cunctis adversantium susurris silentium incutiam. Huc tendunt omnium mortalium vota, molimina, preces; huc pro aris focusque contentiones, huc hostilium insidiarum oppugnatio, ut tranquillâ potiantur libertate: hinc prima Romanorum cum finitimis concertatio, ut tuerentur libertatem; nec unquam solennior apud *Græcos* acclamatio, quàm cum gratissimâ præconis voce enunciatum, *Sit Græcia Libera*. Quid sanctius? quid charius? quid libertate gratius? Quid servitute gravius? quid truculentius? quid à naturâ alienius? Insevit etiam natura belluarum pectoribus anxiam libertatis curam, libertatis etiam cum vitæ dispendio tutelam, & in ipsâ morte catenarum odium acerrimis moribus proditur. In uno enim carcere omnes miseriæ, fames, cruciatus, sordes: hoc etiam in ipsâ peste gravissimum custodiæ & solitudinis necessitas. Captivorum vultus perpetuâ nocte cooperti ad perennes moerores alligantur, nec concipiunt rimam quâ gaudium introeat. Hæc verò vobis ludibrio, juvenes, & dum nos perimus, vos luditis: homines estis, in terris ætates agitis, quare humana vobis aliena? Speciosi quidem fortitudinis ostensus irretiunt imperitos: aliud verò est inscite

De Uſu Authoris.

inſcite philoſophari, aliud miſerias perferre: facile ſpernatis calamitates, dum non ſentitis: tormenta, fames, ſolitudo, levia videntur inexpertis, & quicquid ipſa natura cum horrore reſugit, cum riſu jocoque tractatur: ita ſemotâ miſeriâ inſoleſcunt, ingruente fatiſcunt. Exuant verò, ſi ſcëllicitatis tædet, chariſſimam gentis humanæ dotem, membra tabe conſumpta, colla catenis preſſa concupiſcant, libertatem profundant ut carcerem emanent. Vos verò (*ampliſſimi viri*) ardorem inhumanae captivitatis velut cinere contectum conſpiciſcite: multa quotidie patimur quæ mente concluſa cuſtodimus, quippe exprimentis peritiâ ſuperant. Hæc cauſa potius gemitu agenda eſt, quàm querelis; lachrymis, quàm verbis. Poſſemus vobis allegare amiſſum cum libertate ſuadæ decorem, & calamitate depreſſos mentis impetus: aſt maluit noſtra infelicitas ſuo quietè frui ſquallore, quàm ingrata queſtuum ſacundia veſtris auribus obſtrepere. Erumpat, erumpat, inquam, in ſuſpiria pectus, manent oculi fontibus, genæ rivis; leviores miſeriæ planctibus vacant, noſtræ ſtupori: præſcriptum amicorum ſubſidium, membra morbis marcentia, oculos tenebris involutos quotidie meditamur dum ſtrident catenæ, dum inſtant equulei, dum premit fames, quid reſtat niſi luctus & ſuſpiria? Vigor omni ani-

mi calamitate carceris frangitur, effectum ingenti acumen malorum expectatione percellitur. Si voces itaque insolitas, si sententias abruptas, si periodos inconcinnas audiat, hæc carceris iniuriæ tribuite: cogitationes nostræ labor infestis nigredine imbutæ non placidos admittunt colores. At non petimus ut miseri videamur, sed ut calamitosi non illudamur: fixæ montibus nostris inheret libertatis memoria, nec si pectorum oppugnantium serinia introspiceremus, libertatis characteres penitus erasos cerneremus. *Philemum* verò malitias dapes sputo polluant, quas sibi vendicarent: metuunt ne alii libertate gustatæ libertatis suavitatem pernoſcant: Vel philosophi illius instar, qui *Lampsaci* excidium flagitavit ne *Lampsacus* periret; libertatis odium nobis intonant ut soli libertate potiantur. Anne meruit apud vos (*servum parvum*) quod apud *Lusitanos* *Scipionis* virtus, ut carceris postes & introitus prodigioso quodam obsequio adoretis? Abiit de nostrâ *Musæorum palæstra* tam deplorata infamia: Fatemini, nec sine rubore, igitur, quàm egregiè de mortalibus meruit libertas, cui virtus, artes, pietas, & ortum delicti & incrementum: conticeant verò oratores libertatis laudēs; cum ipsi fato functi conticescimus, audientur; & quamdiu apud *Anglos* in pretio erit patria, in pretio erit Libertas. Dixi.

An aurea libertas auro pretiosior
omni negotio.

Nescio quoniam moralium fatis decidat (vi-
ti mente, studiis, votis libertim) quod
importuna quadam cecitate rursus facies fieri ad
iudicandum. Hinc proterva oritur errorum dia-
lentia, dum eis acriter propagantur sententiae,
quibus nec ratio fuerit, nec pietas suffragatur:
passim libertatis laudes detonantur, passim ve-
ra & antiqua severitas proscribitur, nam nec
sapientum libertas nec mores veterum curantur.
Obtrectatio & livor prae auribus accipiuntur,
& quicquid petulantiae licentiae placet, insana
quadam sti flagitatur. Ast, lita nondum di-
recta, satis sua recorda querelas adversa-
riorum ambitus indulsit, satisque fami generi
humano venditavit: hoc virtutis auctoritati
debetur, verae libertatis limites designare, ef-
frangi que licentiae impetus detegere, dum im-
periti damnant, quod ipsi nesciunt, sagacioribus
demonstrandum quod ipsi norunt. Fallacem liber-
tatis assertores) cohibitis libertatem, solidam
negligitis, quae amittitur dum impie recine-
tis. Genio indulgere, luxur, ventri, palato va-
care ferme dixistis. Veri imperio nominati aro-
gare. Haec vestra decantata libertas. Esto,
fruantur, licentiae mancipia sua licentia libertatem
& solutam aetatem agant, sine legum, rationis,
virtutis

virtutis curâ; in extremam lasciuendi rabiem
 prorumpant; quâd solis gentibus barbarie innu-
 meris flagitiis persequantur; non adhuc seruitu-
 tem excusserunt. Nobis sanctior & seuerior
 mens est, quâ nunquam libertatem a vir-
 tute diuellit, nec virtutem a libertate. In
 Academia, Stoa, Lyceo; non in scenâ, pa-
 pinâ, theatro, querimus libertatem, ubi indo-
 mitas mentis cupidines, ira, edii, libidinis sti-
 mulos frenare discimus. Constat, ibi mentem
 esse, ubi corpus liberrimum; nec
 latissimam imperandi potentiam a iugo seruitu-
 tis immunem esse. Contendunt violentia &
 fortuna victrices Romanorum aquilas per or-
 bem terrarum circumferre; splendida, nobis
 iudiciis, peragunt latrocinia; deglutiant Ma-
 cedonum phalanges Orientis opulentiam; quâ
 latius grassantur, eo existimamus illos impoten-
 tius seruire. Excitant barbaræ gentes Græ-
 corum jugum; hinc artibus, prudentiâ, legi-
 bus valedicunt, & magis importunâ male or-
 gendi potiuntur licentiâ. Quis vestrum tam
 indomitè nequam, qui in dissolutâ vivendi am-
 bitu ponit libertatem? hoc quidem belluis so-
 lenne, late, libere, crudeliter grassari, nec car-
 ceres nec catenas perferre. Ast generi huma-
 no longe celebriorem natura contulit liber-
 tatem, quæ a catenarum pondere colligit vir-
 tutum documenta, nec unquam carceris angustia
 a pietatis exercitio prohibetur. Belluarum dero
 exempla non emendasti: v. e. belluis iactate;

harum rabie castram metumina libertatem; eos
magis profugos aulorare (nemini enim licentia
tharior) qui per orbem servarum libere volitant;
foris quidem liberi sunt; namque nos; domi
etiam servi; & prorsus ignoti; & qua tanta
gu solute vagantur; tanto magis indomita fer-
vunt cupidini. Ast ne fraudi praetextus ab-
esset, lacrymis etiam & planctu causas agitis.
Nemo enim cantius fallere videtur, quam qui
lacrymis illaqueat intuentes; lugubre (mihi
credite) vestrae facundiae aucupium incautus &
parum scienter philosophantibus imposuit, qui
catenarum stridore pallent, cruciatuam expecta-
tione contremiscunt. Nos vero didicimus irre-
torto oculo vincula & tormenta inaei, & nec
custodiae nec equulei metu mentes deponere: haec
corpora in catenas conjicite, hinc speramus solen-
niora virtutis exercitia, hinc patientiae fulgo-
rem, & triumphum. Custodia est vicinia pa-
tiendi, recteque vivendi magistra: hanc supre-
mam putamus fortitudinis gloriam, sentire men-
tis ardorem; ex opposito adversorum frigore,
magis incallescere. Sed eximatur vivendi facul-
tas; non eximetur moriendi constantiam; dis-
crimina non tepido fugiemus, sed subeundum
lustrabimus. Militiae exultamus? pace clares-
cere studebimus; officia si civium adimantur,
bonitatem agemus; si forensi nobis indicatur st-
lentium, domi fruamur conscientia; imi-
cisque privatum operam navabimus; si non li-
berate liceat, servitute clarescimus. Indignus;

ut videlicet (audientes) philosophi personam, sapientia constantiam, verè liberorum affigem, quibus nunquam bene agendi via obstruitur. Notè, quod ad tam altissimum virtutum fastigium adhuc pervenitur, sed ut videatur ad quam splendida spiramus, & quam inclitum mentis tenorem ambimus. Hoc vera sapientia exigit ut animos vindicatis in libertatem, calamitatesque sine feruli submissione subeatis. Quod cetero, igitur ab aliis faciendum, nos sponte perficiamus. Diximus.

Eruditio suam causam agit contra indoctos, sive Pallas contempta.

Fortuna præsens (ingenue Musarum soboles) & magnifice me loqui prohibet & ornate, nec non, protervus calamitatum tenor potius querelas quam animos mihi fecit. Inflatus felicitatis ambitus verborum se explicat insolentiâ, depressa vero miseria humilitas celari maluit quam ostentari. Variis equidem (iuyenes) distringor affectibus, in maiores amore, in posteros irâ; quippe illorum non minus clarui officiis, quam horum vilescio contemptu. Gravissima est depressis amissæ dignitatis memoria, nec quicquam mortalium generi calamitosius, quam fuisse foelices. Lachry-

marum itaque fluentia non verborum am-
pultas, peritiosos suspitibus abruptas, non
Facundia ~~verborum~~ ~~expansas~~. Quid sum-
mus esset luctus, nisi fletibus vacare.
Quid acerbissimus dolor, nisi suum casum
lugere. Exaruerunt fontes, *Musa* sacrati
montesque *Misera* sodalities celebres sunt
vepribus, quam aris frequentiores. Via
quondam *Mercurii* patrocinio tutae penitus
latrocinias horrent, barbarie inolescunt.
Antiquus literarum decor, tam contumelia
multatur quam exilio, illorumque etiam
conscia heroum propagine, quos in caelos
evexi, summa laboro paupertate. Dum va-
ga infidis rabies caelo donatur, coactans *Vi-*
nerva pietas ad *Antiochum* dantur. Exci-
derunt e praecordiis vestris mea merita, &
ac si timeretis faustitatis delivium, volun-
tarias subitis elades, lubricis mancipia ig-
norantiae. Perit aurei currus, perit nata-
litorum fides, perit retinatis obsequium,
quod tanquam viliori ortu indignam me a
Jovis cerebro credidit enasam, longo, mihi
credite, temporis tractu deflagavit pietatis
ille fervor, qui sacratos hosce postes pro-
firato coluit affectu. Ea vero jam mea sors
est, ut quantum ortus mihi addidit nitore,
tantum facili aequalor denegavit. & in hanc
calamitatem me traxit misera senectus, ut
& sceleratis superstes forem & cultorum,
ne non eximie misera viderer, inutilem
audio

audio & scelestam, ac si pulchrum esset
 ignorare, nec pudeat indoctos inspicere.
 Quanam vero, dicite, nostra inutilitas?
 Nonne intacta mularum castimonia vel fa-
 stui vestro inservit, vel libidini? Cuius tan-
 dem erroris conscia sum, nisi pietatis in in-
 gratos? Quid in genus humanum patravi?
 Anne leges, pacem, quietem violavi? An-
 ne à virtutis decore aberravi? Dum corda-
 tus literarum cultus perenni durationis glo-
 riâ triumphavit, quis inde felicitatis inijt
 aleam? Cui, si non mihi, leges, pacem, ar-
 tes, debetis? unde scientiarum lumen? un-
 de *Naturæ* mysteria? unde facundia, nitor?
 In recondita telluris penetralia, in remotio-
 res cœli plagas, in expansos aeris tractus
 penetravi: inde metallorum vires, astro-
 rum motus, meteororum vicissitudines ex-
 plicavi: concretos grandinis globos, mol-
 litam nivis lanam, tumentes ventorum ute-
 ros lascivis philosophorum quæsitis subjeci;
 hisce vires, oleum, molimina impendi: ac
 si mihi disquirendi pensum, vobis fruendi
 gloria relicta esset. Nō sunt primæ bar-
 barici olores, quantum inter mortales ex-
 ditio valuit, qui solutam & vagam exosi vi-
 tant, fanas disciplinarum scaturigines effo-
 derunt, nec minus scientiâ claruerunt quàm
 virtute. Degeneres avorum posteris dum
 antiquorum suffragamini vitiis, haud tole-
 ratis virtutes, Sordide ingeniorum faeces

sua sunt incapaces felicitatis; obiant vitiis
 facta, profanaque miscant, glandibus ro-
 rum vescantur, infraque belluarum sortem
 delirantes, vestium, legum, religionis, cu-
 ras exuant; citius nostra beneficia abstin-
 bunt carento, quam fruendo. Irre vero
 stimuli se reprimant, facilius generosum
 pectus misericordia commovetur, quam fu-
 rore? miseret, herclè, me vestrum miseret,
 dum tot incautos sua felicitati insidiantes
 conspiciam, qui, petulco saginati otio, ea
 calce petunt libera, unde & vita erat qua-
 renda & solatium. Pulchrum est incultas
 dolare mentes, & sylvestres stirpes in be-
 nignis solum transferre, pulchrum & in-
 vitos ad sanam mentem trahere. Non in-
 dignum igitur coelitibus (eximie literarum
 mystra) suscepisti provinciam, cuius fidei
 patrum spes, familiarum columnæ, reipub-
 licæ semina concreduntur, succedant inter
 ingratos insciorum neglectus, succedant,
 precor, supra mortalium vota tanti labo-
 res; conspicias triumphalem juvenum coro-
 nam quibus è meliore luto *Titan* formavit
 animos, & quos tam ignaviae pudet quam
 inscitiae; hæc tenella indoles imperitiæ pe-
 rosa servitutem, tuis monitis (vir consum-
 mate) tuo auspicio, tuæ pietati frota ex-
 cussura est barbariei vincula, & penitissimos
 naturæ, artis, philosophiæ thesauros sub tuo
 vexillo indagatura est. Quippe observando
 didicere,

didiceres, neminem honoribus literato pro-
piorem, unumque vel in se, vel ex can-
ter excolunt, sive scilicet officio. Quis
que plenis votum velis in hanc arenam
descendit, & instituentium vestigia oscula-
tus est. Non infimus sanitatis gradus est
velle sanari, nec minimum iuventutis de-
cus velle doceri. Dixi.

De peste Londinensi.

In aestuantes dolorum vortices abreptus (moe-
stissimi Confodales) tremebundus haereo,
nec quidquam habeo, quod hodiernam soletur
calamitatem, præter ipsam calamitatem; sub
tantâ quidem tristitiæ mole, an subsiderem, nes-
cio an eluctarer. Pullatam eam cernitis civita-
tem, quæ raro nisi atrata suas pensitat ruinas;
Augustissimum illud Europæ emporium gra-
vissimo calamitatum pondere depressum, à se-
ipsâ distrahitur, & viduas ædes, templa situ
squallida, vicos solitudine horridos, cum luga-
bri quodam stupore contemplatur; & quò prior
frequentia celebrior, eò hodierna solitudo mise-
rior; hic strages, illic fuga, alibi merentium
tumultus, ubique derelictæ Civitatis de vasti-
tio; ac si vulnèrata felicitas, non nisi mastrissi-
me decideret. Eugâ sejunguntur Caves, ne per-
petuò sejungantur, cessant merces, ne perpetuò
cessarent,

cessant, & dissipantur Musarum sedes ne per-
 petuo dissipantur; ita dum florent omnes adbe-
 remus urbi, peritiam destruimus. Non nar-
 rare verò opus est, sed commonstrare publicas
 clades, solitudinis maiorem, pestis truculentiam,
 nec graphice ornare sed inornatè deslere. Levior
 quidem est luctus, si disponas, & calamitas di-
 vulgata acerbitatis vires remittit. Habent mi-
 moriam in omnia secula permansuram priores
 Londinii clades, sed quo frequentius renovan-
 tur, eò acrius perstringunt: nec rarò miseris
 evenit, reciprocòs adversarum sentire fluxus,
 donec, quod miseris ultimum est, miserationem
 perdidèrunt, & publici luctus & seipso ampli-
 arunt, & privati interdixerunt. Miseri Mor-
 tales! quàm fallax summa vestra felicitas?
 quàm fluxa? quàm inanis? cujus rei inveniri
 potest brevior ætas? à cunis ad sepulchrum
 mille motibus stipati, pervicaces interitus cau-
 sas in nostris visceribus fovemus: ne verò band
 effugienda Naturæ lex, à mundique cunabulis
 sancitum mortis privilegium, nimis lento gra-
 du nos ad interitum præcipitaret, ecce bella,
 terræ motus, fames, vestra insidiantur saluti;
 hisce verò omnibus famulantur pestes; quippe
 illarum clades rarò solitarie, bellorum furore
 pestium faces accenduntur, pestes famem in ute-
 ro gestant, famisque pestem vel fovet, vel ac-
 celerat; adeò ut qui solent nihil timere, cogi-
 tent tandem omnia esse timenda. Cavemus ab
 alimentis, alimenta enecent, amicos fugimus,
 amici

proci pessandent, phar-maca suspicarent, & phar-
maca inficiant, nec nobis ipsi credamus, & no-
bisque ipsis fugamus. Aer etiam (auditores)
commune illud corporum refrigerium veneficiis
damnatur; quam itaque latebram disquire-
mus? quod auxilium? si ab eo elemento inqui-
namur quo apprime recreamur? Quod corpora
receptaculum invenient? quò sollicita confugi-
ent? si ab acre metus oriatur, eique privilegio
diffidere cogamur, in quo vita, salusque constat.
Nec temeritatis hos metus (peregrini) dam-
nate; hoc cunctis Mortalibus à Naturâ indul-
getur, publicas calamitates horrere; Ipsâ qui-
dem peste peior, pestis metus; nulla enim im-
manior moriendi magistra: felicia calculi tor-
mina, felices capitis dolores, felices febrium
æstus, & phthiseos detrimenta, solatrices ami-
corum manus contrabunt, hoc verò morborum
compendium, ac si cum inopi solum & derelicto
congrederetur, omnia solantium auxilia proscri-
bit, & ne minima solatii lux introiret, ad
acerbam & atram custodiæ necessitatem alli-
gat. Quæ comparatæ huic miseriæ non delica-
tas lacrymas exigent? Si verò lævia adhuc
querimur: quid peste laborantibus accidit, quod
non miserrimum? ecce omnium miseram indi-
gentiam, sola verò mors opulenta. Foris herba
arescit, languent armenta, marent campi, intus
funera funeribus coacervantur; inter uxoris
amplexus decidit maritus, inter medendum me-
dicus; parentes pignorum funeribus miscentur,

Et tunc conjugales jam accensa conjugum animi funeri insertis, Et in ipso Hymenaei lumine diffaciantur connubia, ferri heras, heri ferros ad sepulchra trahant, Et jam tumore incipimus, vel sepelientium defectum, vel sepulchrorum. Nullus exitio vacat locus; sed peccata nostra jam falsi maturae undique grassata pestis persequitur, Et per abditissimos Civitatis angulos disquirat peccantes. Nulla non hora resonant mortis nuncii; nocte, dies funera numeramus, Et stragos quas nox edidit, ostendit dies. Misera Civitatis reliquiae defunctorum expectant sortem, Et quotiescunque aeri inhiamus, ne immittamus mortem, metimur. Quales, Caelum, mittimus ad te, tales habitus expectamus a te; funestis scelerum vaporibus caelum infecimus, Et quos nisi pollutos, recipiamus influxus? male est inique agentibus, quid quid meruerunt, semper expectant, interdum sentiuntur, Et quod meruerunt, augent, dum scelus scelere obtrunt. Jam vacat nobis lugere pietatis sordes, luxus rabiem, virtutum decore. Jam quam profuse spreverimus, affligitamus, spe remedio, salutem, nec quidquam gravius, quam iis orbati beneficium, quibus lascive sumus abusi. Vos itaque qui adhuc interratam utimini salutem; vos quibus continget, post tot naufragii horrores, iterum securum lituina dare, dignas tantam bonitate rependite gratas, nec pudeat vilas e mortis faucibus abreptas, Deo conservatori dicare. Ite, templo hostis gratiarum,

arum,

maxime, & ab omni maxime horrendum & o-
mnino periculum, & ab omni maxime duratura gratia
omni & ipse non invenitur. Eam denique vobis
paratam ostendi methodum, quae cunctis ratio-
nem tollat, & omni vitio. Dicitur.

Epithalamium.

Peccamus in *beronum* virtutes, si vel im-
perite tractamus, vel oscitanter obser-
vamus, celeberrum doctum imagines, ut
non tunc indigent, sic imperitiam spernunt,
ille solum stylus *Alexandro* dignus, qui ad
Alexandrum pertingit facinora. Perimescat
igitur (ut gontes virtutum imagines) nostra
tenuitas ne notum sponsalium mediocri gra-
tulatione, facinorosi inerat aleam, & quantum
orationis molis addat, tantum nuptiarum
splendori detrahat, ingenua vero vestra in-
doles, (selectissima conjugii decora) mili-
annos fecit, quae vota à fraude abhorren-
tia, futuræque facilitatis omnia & nec à ri-
pida nec *corina* didicit accipere. *Augusta*
Cesarum proles, etiam plebe & mancipis
suffragantibus, non est incuntis felicitatis
omina designata. At quorsum benevole in-
trorsus captem favorem? Videtis (illu-
strissimi conjuges) solutos in hilaritatem
vultus? haud invidiam videtis conspirantem
non desideriorum, quæ conjugalis nominis
freta

ficta auspicio, ultimum felicitatis gradum,
 perennem faustitatem, tenorem exoptant,
 somnæque precantur gaudia, quæ vel ex-
 hibitus sperant, vel conubium sortitur, nec
 quod desiderastis liberi, damnetis unquam
 ligati; sed in hisce vinculis gratissimam
 ponatis libertatem. Non irritæ verò cen-
 seantur preces, quas & pietas, quæsit &
 virtus meruit, quippe seculorum exempla,
 & virtutum compendia hæc sollemnitas con-
 junxit, ubi virtus pietati, prudentia virtu-
 ti, mentis inoleo nobilitati, corpis que de-
 cora corporis forma inseruit, ubi iuven-
 tam & ætatis flore pulchritudinem videamus,
 & semeli gravitate matrem, & quod ar-
 ctissimum affectum vinculum, æqualis for-
 maz, orbis, ætatis nexu tam paritatem in-
 venit, quam confirmavit. Vaga & barbara
 hominum genera vagos & inde infinitos
 amores exerceant, vos vero puri & compo-
 siti coniuges, divinæ lege adtingimur, il-
 lum unius esse, inter quos *Merito* tam
 imperii quam amoris nomen. *Unus* nomen
 & dignitatis & voluptatis. Nec vi compulsi
 sunt vobis affectus, sed benevolentia con-
 creti, nec coempta vobis nobilitas sed in-
 nata, non illius instar dignitatis
 --- quæ gentes maluit ortus mirari quam nosse suos.
 Durum est, inter spectandum, virtutem non
 invidere. Modesta vpro huius cœtus de-

fideria

fiducia nullum redolent affectum nisi cha-
ritatem, vel charitatis simulantem, super-
stite *Hymen*, nec vestris meritis victum se
agnoscere recusat. Sordescant videntes opi-
thalamiorum ritus, ac si infra vestrarum
mentium gemmas villuissent. Ite (conso-
dales) aras non thure sed precibus satu-
rato; non caesarum pecudum adipem li-
bate, sed votorum casto fervore. Fulgent
inter *Anglia* stellas sponsi virtutes, in quo
omnium & mentis & corporis dotium con-
sensus. Splendent eximia sponsæ dotes,
quæ quasi in sexus invidiam factæ, quò ma-
gis modestia celantur, eò fortius suavita-
tem emittunt. Non vobis unquam effe-
ruit lasciva ea juventutis protervia, quæ
abrogato parentum Imperio, spreto pari-
turitatis decore, eò magis iucundos sperat
congressus, quo magis prohibitos; quippe
castus impetus & a modestia non aber-
rans jam dudum flagrare coepit, adeò ut
ab ipsis faciens connubia didicisse videa-
mini, & mutua affectuum unico non con-
tingere videatur, sed innasci. Nec medio-
cre intemerati thori pignus est, eò amoris
impetu, per omnes conjugii vicissitudines
ferri, qui primùm effervescebat, sic post
extrema senectutis detrimenta sese mutuo
conjuges alloqui non erubescant.

Quam est, inter secedendum, virtutem
Modesta vero hinc totus de-
scendit.

Auf. Ipse tibi juvenis, tuque puella, mihi.
 Foelices thalami! absint effrenia Fescen-
 ninorum convitia; viri castitatis cultores
 sacratas hasce aedes, quasi tranquillam vir-
 tutum sedem venerentur. **Auspicate** (se-
 lestissimum par) conjugii telam iordiri oec-
 pitis, nec aliter pertexatis. **Dixit.**

FINIS.

Handwritten signature or mark.